

YOSHLIK

№9 (328) 2018

Muassislari:
O'zbekiston Yozuvchilar uyushmasi,
O'zbekiston yoshlar ittifoqi

1982-yildan chiqsa boshlagan.

Tahrir hay'ati:
Sirojiddin SAYYID
Minhojjiddin MIRZO
Nodir JONUZOQ
G'ayrat MAJID
O'rabbay ABDURAHMONOV
Farrux JABBOROV

Jamoatchilik kengashi:
Qahramon QURONBOYEV
Iqbol MIRZO
Muhammad ALI
Abdurasul ABDULLAYEV
Rustam NOSIROV
Rustam QOBILOV
Ahmad OTABOYEV
Shuhrat SIROJIDDINOV
Serobiddin ISMOILOV

Bosh muharrir:
Faxriddin HAYIT

Bosh muharrir o'rinosari:
Nurilla CHORI

Mas'ul kotib:
Sa'dullo QURONOV

Mas'ul muharrir:
G'iyo'siddin O'NAROV

Adabiy muharrir:
Husan MAQSUD

Badiiy muharrir:
Akbarali MAMASOLIYEV

Muharrir:
Yahyoxon FAYOZ

Manzilimiz:
Toshkent shahri, Chilonzor tumani,
Bunyodkor ko'chasi, Adiblar xiyoboni,
O'zbekiston Yozuvchilar uyushmasi binosi.
Indeks 100066
E-mail: yoslik-jurnali@umail.uz
Veb sayt: www.yoslikjurnali.uz
Tel.: (0371) 231-20-58, 231-20-59

Navbatchi muharrir: S. Quronov
Boshishga 28.09.2018-yilda ruxsat berildi.
Qog'oz formati: 30x42 1/4
Nashriyot hisob tobogi: 8,7
Indeks - 822.

ISSN 0207-9137. Jurnal 2007-yil 4-mayda
O'zbekiston Matbuot va axborot agentligi
tomonidan № 0253 raqami bilan ro'yxatga olingan.

Jurnaldan ko'chirib bosilganda
"Yoslik" dan olindi" deb izohlanishi shart.

"SILVER STAR PRINT" MChJ
bosmaxonasida chop etildi.
Buyurtma № 76. Adadi: 2520

Toshkent shahri, Uchtepa tumani, 22-mavze, 17-uy.

O'zbekiston yoshlaringin adabiy-ijtimoiy jurnali

MUNDARIJA

9 2018

JARAYON

3 Zulfiya Mo'minova
Assalom, saodat tongi!

14

SUHBAT

8 Obid Asomov
Nabiralaringiz uchun yozib
turing

NAZM

11 Salim Ashur
Shunchalar yaqinsiz
yurakka...

NASR

14 Isajon Sultan
Tuman.

20 Olisdagi urushning
aks-sadosi

42 Akbar Mirzo

Urushning eng so'nggi
qurboni


51 Salim Abdurahmon
Xayolimda asraganim

57 Qaysin Quliyev
Tabiatni asrang

XOTIRA

23 Hamidullo Murodov
Kamtarin umr yodi

3






23



42



Muqovada
Ahmad TO’RA
olgan suratdan
foydalanildi.



TADQIQOT
26 **Mashhura Sheraliyeva**
“Mo’minklik ham qadriyat...”

36 **Sa’dullo Quronov**
Modern she’riyatda tasvir

NIGOH
31 O’zbekona fazilatlar
sohibi

DILKO’PRIK
34 **Muratxan Shokan**
Barin aytdim – ko’chdi
ko’nglim ohori...

UCHRASHUV
50 **Ahror Bayzo**
Boychiborli elim,
chavandoz elim...

56 **Jaloliddin Sayid**
Har holda yuragim
qolmabdi muzlab

XAZINA
62 **Abdusattor Jumanazar**
Yog’du tasviri

26

Assalom, saodat tongi!

Zulfiya MO'MINOVA



Етти иқлим интилаётган Бухорога бу галги зиёратим бугунги кун мўъжизаларидан бири – “Боқий Бухоро” мажмуасидан бошланди. Халқимиз тиклаган миллий қадрияллар, унинг дунё цивилизациясига қўшган улкан ҳиссаси олий даражага кўтарилганини шу ерда кўрамиз. Мажмууда истиқлол йилларида меҳрга тўлган Бухоро янада муқаддас бўлиб юрагинг ичра қад ростлайди. Шариф шаҳарнинг ҳар қарич ери инсоният тарихининг гавҳари шамчириғидир. Бу юртдан ўтган мутасаввиф донишманлар ислом оламининг, жаҳон маънавият мулкининг хазинасига айланган.

Бу гўзал боғда бошинг баланд, кўксинг тоғ бўлади. Бухоронинг фозил фарзандлари юртнинг ори деб яшайдилар. Шунинг учун меҳнатлари она сутидек ҳалол, уларга гуруру иқбол ярашади.

Ассалом, мудаддас Бухорои шариф.

Зулфия МўМИНОВА

1959 йили тугилган. Тошкент давлат университети (ҳозирги ЎзМУ)нинг ўзбек филологияси факультетини тамомлаган.

“Азизим, баҳтиёрман”, “Ватан ташлаб кетмайди”, “Бешикларни асрарин, дунё”, “Ёнаётган аёл” каби шеърий тўпламлари нашр этилган.



Фиждуон, ҳақиқатан, мўъжизакор гўша. Бир ён юрсанг, олмалар, бир ён юрсанг, бол аралаш зардолилар бўйи димоғингга урилади. Дашу чўл томон юрсанг, фаллаю нон ҳидидан энтикасан. Эрка шамол димоғингга атиргуллар ифорни олиб келади. Муборак – жума куни етти пирни зиёрат қилиш учун тарафадудландик. Албатта, зиёратни мусулмон оламида Хожай Жаҳон деб эъзозланган Хожа Абдулхолиқ Фиждуоний ҳазратлари ётган нурли макондан бошладик.

*Бу не нав қадрият, бу не ҳикмат,
Бу не нав шарофат, бу не марҳамат,
Бу не нав синоат, бу не саодат,
Тиз тўқдим, гул бўйи келган айвонда,
Муқаддас, мўътабар юрт Фиждуонда.*

*Хилват эшигини ёндим сухбат-тун,
Дийдор эшик оғди муҳаббат угун.
Тавоғга келувдим ҳидоят угун,
Фунгалар тиловат айлар бўстонда,
Муқаддас, мўътабар юрт Фиждуонда.*

Неча замонлар олдин Мирзо Улугбек қурдирган мадраса асрлар тўғонини бошдан кечирди. Унинг ёнидан қўнғироқларни чалиб ўтган карvonларнинг акс-садосида узоқлаб фармонбардорлар ўтди, аммо бу гўшани обод этишга яна ҳақиқий Темурий журъат, улугбекона талъат ишга тущди...

Президентимизнинг фармони нафақат фиждуонликлару бухороликлар, балки бутун дунё мусулмонларининг асрий орзулари ушалишига тамал тоши бўлди.

*Буюк пирни ўқиб титраган гулман,
Нақибандий айтган ёр деган дилман,
Кор деган кўлману, Аллоҳга қулман,
Ассалом, зиёрат тонги.*

Хожай Жаҳон зиёратгоҳида имом Қуръон тиловат қилди. Кўздан оқаётган ёшларни сидирмасдан қалбан унинг овозига кўшиламиз. Шундай лаҳзаларга етказганига қайта-қайта шукрлар айтамиз.

Тош қудуқдан сув ичдик. Бу қудуқдан буюк пирим ўзлари сув ичганлар. Улар шу ердан туриб бутун дунёга илм зиёсини таратганлар. Одамларни тинглаганлар, кузатганлар, ҳар ишда шариатга амал қилганлар.

Қадимда бу ерда чиллахона ва қирқ зинали нарвон бўлган экан. Ҳа, қадимда бу ер гўзал боғ

ҳам бўлгандир, бу фирдавсмонанд боғда минг турли гуллар гунчалагандир. Бу гунчалар очи-либ, ҳазратимга эгилиб салом бергандир. Бу ерда инсон онги, қалби, сезтиси, кўзи ислом динининг эзгулигидан зиёланган ва то ҳануз зиёланмоқда.

Ҳазратим фақат кўнгил кўзи или дунёга боққанлар. Кўнгил ичра яшаганлар. Бизнинг-да кўнгил тарафга қўяётган қадамларимизни Аллоҳим бешикаст қилсин.

Хожай Жаҳон Абдулхолиқ Фиждуонийнинг муборак зиёратларидан сўнг Шоғирконга, буюк пирнинг тўртинчи муршиди Хожа Ориф Ревгарий – Хожа Ориф Моҳитобоннинг зиёратларига бордик. Бу зот “Силсилаи шариф”дан ўн биринчи ҳалқанинг пири сифатида зикр қилинган.

Абдулхолиқ Фиждуоний билан Хожа Ориф Моҳитобон учрашиб, сухбатлашадиган қишлоқ ҳам бор. Унинг номи Рўйбинон – юз кўришмоқ, дийдорлашмоқ маъносини англатади. Ҳазратларнинг учрашувини тасаввур этиб, Юнус Эмронинг сатрлари ёдимиизга келди:

*Бизга дийдор керак, дунё керакмас,
Бизга маъво керак, даъво керакмас,
Бизга қадр кетасидир бу кега,
Кўй, тонглар отмасин, саҳар керакмас.*

Ё, Аллоҳим, ўзингнинг ишқинг султон айлаган икки табаррук зот учрашмоғидан, сухбатлашмоғидан ҳам гўзал анжуман бормикин дунёда?

Ўзингнинг йўлингда сирланган, дурланган, нурланган икки буюк сухбатидан ҳам нафосатли мажлис бормикин бу дунёда?

Дейдиларки, улар сухбатлашмасдан ҳам бир-бирига кўзқараш или кўнглида нелар кечаётганини англар эканлар.

Дейдиларки, улар учрашган куни атроф-жаҳон ёришиб, ҳарорат кўтарила, яхшилик кўпаяр экан. Қаердандир минг турли қушлар учиб келиб, минг турли жонбахш овозда хониш этар, гуллар очи-либ, борлиқ яшилланар, олам меҳрга, эътибору эҳтиромга тўлар экан.

Сўнгти йилларда бағри бойликларга кон, меҳнаткаш ҳалқи билан довруғи достон Шоғиркон янада кўркамлашди, жумладан, Ревгарий қишлоғи ҳам. Бу зиёратгоҳ гулларидан кўзлар шифоланди. Ширин лутфли уламолар билан сухбатидан диллар ором олди. Биз Хожа Ориф Моҳитобон масжидидан узоқлашар эканмиз, юрагимиз қанотлари кенгайганини ҳис этдик.

* * *

Хожа Ориф Ревгарийдан таълим олган “Силсилаи шариф”даги ўн иккинчи муршид Хожа Маҳмуд Анжир Фагнавийнинг зиёратгоҳларида-миз.

Бу масканни Анжирбог деб атайдилар. Вобкент туманида жойлашган мазкур кўркам гўша доим яшил бўстон ўлароқ киши хотирасида туради. Бу ерга олдин ҳам қўп келганмиз. Шу боис ҳар бир дараҳт, гуллару майсалар, ариқлардан оқаётган сув, ёқимли шабада ҳам қадрдондек туюлади. Гўё гуллар қошида фаришталар чилтор чалаётгандек бўлади. Фақат илм, эътиқод ғалаба қилгай, фақат маърифат, садоқат, тариқат, эзгулик дилларни поклагай.

* * *

Хожа Али Ромитаний – Хожи Азизоннинг қабри Ромитан туманидаги Қўргон қишлоғида жойлашган. Ул зоти муборак Абдулхолик Фиждувоний ҳақида бундай ёзганлар: “Агар Абдулхолик Фиждувоний фарзандларидан бири ер юзида бўлганида эди, Мансури Халлож асло дорга осилмас эрди”.

Хожаи Азизонга нисбат берилган қуйидаги байтда бундай ёзилган:

Бо ҳар ки нишасти нашууд жамъ дилат,
В аз ту нарамид сұхбати обу гилат.
Зинҳор зи сұхбаташи гурӯzon бибоши,
Варна нақунад руҳи Азизон биҳилат.

Мазмуни: ким билан ўтириб турдингки, кўр, агар юрагинг ундей одамлар сұхбатидан баҳра олмай, хижил тортса, зинҳор улар билан қайта ҳамсұхбат бўлма, йўқса, Азизон сени кечирмайди.

Хожаи Азизон сұхбати озор, тили заҳар одам олдидан қочмоқ керак, уларнинг тайин – тутириқсиз сұхбатларидан юрак гулини хазонлиғдан асрагандек, кўнгил қушини ҳалокатдан химоялагандек олиб қоч, деб уқтиради. Сабаби инсон қалби, юраги илоҳий ҳислар билан сугорилишга лойиқ. Инсон юраги муқаддасдир. Шу муқаддасликни мусибатга тутсанг, сени кечирмайман, дейди буюк пир.

“Мақомати Шоҳ Нақшбанд”да ёзилишича, размазон ойида бир кун Хожаи Азизонни ўн саккиз жойга ифтоторга таклиф қилибдилар. Хожа Али ҳаммасига бормоққа ваъда берибдилар ва бир вақтнинг ўзида ўн саккиз жойда пайдо бўлиб, ифтоторлик қилибдилар.

* * *

Ромитаннинг Самос қишлоғига борганимизда, айни туш пайти эди. Зиёратгоҳда экилган атиргуллар шундай ажиб ҳид таратар эдики, беихтиёр руҳингиз кўтарилади. “Силсилаи шариф”даги ўн тўртингчи пири муршид Бобоий Самосий Сайийд Мир Кулолга таълим берган. Сайийд Мир Кулолнинг эса ўн тўртта муршиди бўлиб, шулардан бири Хожа Баҳоуддин Нақшбанддир.



...Пирнинг зиёратига боришдан олдин устозларниңг устозлари зиёратига бордик. Жомийнинг “Нафоҳатул унс” ида таъкидланишича, Бобойи Самосий ўз кулоҳини ёш Баҳоуддинга берган. Шу кулоҳ шарофатидан ҳазрати Баҳоуддинга балогардонлик кароматини ато қилган экан.

Силсилаи шарифнинг ўн бешинчи ҳалқаси пири муршид ҳисобланмиш, тасаввуф илмининг йирик намояндаларидан бири ҳазрат Амир Кулолнинг зиёрати учун Сухор қишлоғига келдик. Ҳазрат туғилиб ўсган қишлоқ ғоят сўлим ва осудалиги билан қалбга яқин туюлади. Ул зоти муборак ҳақида эшитганларимиз тўқима ёки чўпчак эмас, айни ҳақиқат эканлигига ишондик.


Ҳазрат Сайид Ато Амир Кулолнинг оталари дўст бўлганлар ва дўстларига бундай деганлар: “Эй биродар, сизга Ҳақ субҳонаҳу ва таоло бир фарзанд каромат қиласиди, унинг файзи жаҳоннинг бошидан охиригача етади. Албатта, унинг исмини Амир Калон қўйинг”.

Дарҳақиқат, оз фурсат ўтгандан сўнг ҳазрат Сайид Атонинг башорати амалга ошган ва Амир Кулол муҳтрама оналарининг вужудларида пайдо бўлган.

“Мақомат” да бундай дейилади: “Сайид Амир Кулол ҳазратлари Сайидларнинг энг аълоларидандир ва у кишининг сайидлариданда ҳеч қандай қусур, нуқсон йўқдир. Ҳазрат ҳам насад, ҳам ҳасаб, яъни ҳам насл ва зотлари Мұхаммад (с.а.в.)нинг авлодидандирлар, ҳам эришган даража ва амалиётлари Расулуллоҳнинг йўлларига мос тушади”.

Мұхаммад (с.а.в.) бир ҳадисда айтганларки: “Одоб насаддан устундир”. Бу ҳадисдан сўнг манбада қўйидағи байт келтирилади:

Ҳазор хеш, ки бегона ас худо бошад,
Фидои як тани бегона, ки ошно бошад.



Мазмуни: Аллоҳдан йироқ бўлган мингта қариндошдан кўра, Аллоҳга яқин бўлган битта бегонага фидо бўлсанг арзиди.

Ким балои нафсин тийди,
Ким ишқ тожин бошга кийди,
Бурҳон ул-ҳақиқат дейди:
Дармонга яқин борайлик.

Оlamни ёритгуги нур,
Юракни бойитгуги сир,
Шарофул Мустафовий дер,
Аёнга яқин борайлик.

Султон ул-тариқат каби,
Ҳазрати Бориғъат каби,
Сайидул Орифон каби,
Рахмонга яқин борайлик.

Ҳазрат Амир Кулол сўнгги дамлари яқинлашаётганлигини сезиб фарзандларига юзланиб айтганлари орасида шундай назмий парча ҳам бор:

Шодамки, ки зи ман бар дилий
кас боре нест,
Касрози ману, коре ман озоре нест,
Гар нек шуморанду гар бад гўянд,
Бо неку бади ҳег кас коре нест

Мазмуни: Мен жуда хурсанмандки менинг туфайли бирор кишининг қалбида оғирлик йўқ. Мен ва менинг ишларимдан ҳеч ким озор чекмаган. Мени ёмон ёки яхши десалар-да, мен уларнинг яхши ва ёмонлари билан ҳеч ишим йўқ.

Дарҳақиқат, бу дунёда ҳеч бир кишининг қалбига озор бермай яшаб ўтмоқ энг гўзал хулқ ва фазилатдир. Бундан баланд мақом йўқ. То ҳануз ул зоти шарифдан ўргандилар, ўрганяпмиз, ўрганурлар.

Ҳазрат Баҳоуддин Нақшбанд зиёратгоҳидамиз. Таомилга кўра, уларни тавоғ қилишдан олдин оналарининг зиёратида бўлдик. Дарвозадан кирилган заҳоти оқ ва қизил атиргул-



ларга кўзингиз тушади. Бу ернинг шабадалари сирдош, қушчалари фикрдош. Бунда нигоҳлар меҳри, назарлар илтифотли. Бу ерда инсон бўлиб, инсон бўлганда ҳам мусулмон бўлиб яралганингга шукроналар айтасан.

Қуръон тиловатидан сўнг зиёратгоҳ дарахтларида учиб юрган қущдек, гулларга қўнган капалакдек енгил ҳис этасан ўзингни. Кўзингдан тўкилаётган маржонларни яширмоқ учун қиблага юз тутасан. Яхши ҳамки рўмолинг юзингни яшириб туради. Айрим одамлар сенга ажабланиб қараётганини ҳис этасан. Хижолат бўласан. Аммо бу ерда сенингдек руҳий юксакликка кўтарилганлар жуда кўп. Уларнинг-да, бошлари эгик, улар ҳам саждададирлар...

Баҳоуддин Нақшбанд ҳазратларининг зиёратгоҳлари таниб бўлmas даражада кўркам қиёфага кирибди. Зиёратгоҳга келадиган йўллар кенгайтирилиб, таъмирланган. Йўл ёқалари гулзор, дарвозалар нақшинкор. Баҳоуддин Нақшбанд пиrimиз ва оналари қабри оралиғида катта боғ барпо қилинган. Она ва бола руҳлари хушманзара боғда кезиб юргай, кўнглингизни сезиб юргай.

Устоз-шогирдлар ҳамиша бир-бириларини тўлдириб юрадилар. Уларнинг маъракалари, эл-юртнинг йўқловлари, тадбиру тантаналари

ҳам бир-бирига уланиб кетади. ЮНЕСКО ҳомийлигида Баҳоуддин Нақшбанд ҳазратларининг 675 йиллиги кент тантана қилинган 1993 йилда буюк бобомиз Хожа Абдулхолиқ Фиждувонийнинг 890 йиллик саналари ҳам нишонланган, кенг жамоатчилик диққат-эътибори шогирддан устозга қаратилган эди.

Хожа Абдулхолиқ Фиждувонийнинг 900 йиллиги тантаналари Баҳоуддин Нақшбанд ҳазратларининг 685 йиллиги шодиёналарига уланиб кетган эди. Бу йил Абдулхолиқ Фиждувонийнинг 915 ҳамда Баҳоуддин Нақшбанднинг 700 йилликлари нишонланади.

Жорий йилнинг 16-17 февраляда Бухорои шарифга ташриф буюрган Юртбошимиз Шавкат Марзиёев етти пирни мустаҳкам боғлаб турувчи ягона ва равон йўл қуриш, шунингдек, Хожа Абдулхолиқ Фиждувонийнинг зиёратгоҳлари – “Хожаи Жаҳон боғи”ни янада обод қилиш бўйича топшириқлар берганди.

Мана, боғ ўртасида қад кўтарган фаввора, хушманзара дарахт ниҳоллари гуркураб, чаман очилган гуллар боғ ҳуснига ҳусн қўшиб турибди. Бугунги кунда бу ердан дунё мусулмонларининг қадами аrimас, бу нурли маскан асрлар оша биз қандай эътиқодлар ила яшаганимизни келажак авлодларга сўзлаб тургусидир, иншоаллоҳ.

Журналиниз-нинг сабиқ рассоми, болажонларнинг бир неча севимли мультфильм қаҳрамонларига овоз берган машҳур сўз устаси, “Мультиликацион фильмлар студияси” раҳбари, Ўзбекистонда хизмат кўрсатган артист Обид Асомовдан ўзбек мультиликациясидаги янгиликлар, истиқболдаги режалар хусусида сўрадик.



Nabiralaringiz uchun yozib turing

– Обид ака, сұхбатларингизнинг бирида мультиликация соҳасидаги ишларни нолдан бошлиши кераклиги ҳақида айтган эдингиз. Сир эмас, ўтган давр мобайнида соҳа гиндан ҳам ривож топмади – болаларимиз қайта-қайта севиб кўрадиган мультфильмлар кам яратилди. Хўши, бунинг сабаби нимада?

– Асосий сабаб соҳага етарлича эътибор қилинмаганида. Менимча, фақат мультфильмлар эмас, кинода ҳам катта натижаларга эриша олмадик. Савиясиз, дидсиз ижодкорларнинг бир ҳафтада суратга олган фильмлари кўпайиб кетди. Оддийроқ бир мультфильм тайёрлаш учун камида беш ой вақт, катта маблаг керак. Дунё миқёсида олсан, бу соҳада Farb давлатлари анча илгарилаб кетди. 90-йиллар аввалида биз билан деярли бир хил вазиятга тушиб қолган Россия Федерацияси ҳам кейинчалик мультиликация соҳасида ўзини ўнглаб олди. Чунки уларда машҳур “Союзмультифильм”нинг мактаби сақланиб қолганди. Сабиқ иттифоқ даврида “Ўзбекфильм” қошида “Мультцех” бор эди. Бу студия даражасидаги катта ташкилот эмасди. Чикқарилган маҳсулотлар ҳам унчалик кўп бўлмаган эса-да, ҳар ҳолда сифатли эди. Студияда соҳанинг усталари ишларди. Кейинги вақтларда кўп аниматорлар маошнинг камлиги сабабли чет элларга кўчиб кетиб, фаолиятини ўша ёқларда давом эттира бошлади. Бу энг муҳим бўғин – мутахассисларнинг етишмаслигига олиб келди. Бошқа давлатларда анимация соҳаси компьютерлаштирила бошланганда, бизда қўл меҳнатига таянилди. Бу жараённи секинлаштириди. Ҳатто ҳозир ҳам кадрлар масаласи бизнинг энг оғриқли нуқтамиз. Энди ҳаракат бошланди, ёшларнинг хорижда малака ошириб келишлари учун шароитлар яратилмоқда. Бундан ташқари, Тошкент давлат санъат ва маданият институтида мультиликаторлик йўналишининг очилиши ҳам тарихий воқеа бўлди. Ана энди, соҳанинг ҳақиқий эгалари ўзимизда етишиб чиқади. Лекин барibir буларнинг мевасини тотишимиз учун бироз вақт керак.

– “Мультиликацион фильмлар студияси”нинг фаолияти, умуман, яхши мультифильмлар бевосита болалар адабиёти билан боғлиқ. Шу маънода, бугунги болалар адабиёти сизни қаноатлантирадими?

– Очигини айтсам, шу вақтга қадар замонавий болалар адабиёти билан унчалик таниш эмасдим. Лекин ҳозир ишим тақозосига

кўра, болалар адабиёти билан танишиб чиқяпман. Ҳар куни қандайдир асар, сценарийни ўқийман. Ўтган қисқа муддатда чиқарган холосам шу бўлдики, назаримда бугунги ижодкорлар болаларнинг кўнглини топа олгани йўқ. Биз болалиқда Худойберди Тўхтабоевнинг асарларини қўлдан қўймай ўқирдик. Устоз ёзувчи ўша пайтларда болаларнинг қалбини ҳис қилган, уларнинг ўй-хаёллари, қизиқишлари, асосийси, кўнглига йўл топган. Мана, ҳозир янги асарларни ўқисам, 70-йилларнинг анъанаси ҳамон сақланиб қолгандай туюлади. Ўша эскича воқеалар, ўша тил сақланиб қолган. Аммо ҳозирги, замонавий болаларнинг нутқи, тили бошқача эмасми? Айрим ижодкорлар замоннинг ўзгариб кетганини, бугунги болалар бошқа даврда, бошқа шароитда яшаётганини тушунмаяпти, менимча. Нега болалар кўпроқ хориж мультфильмларни томоша қиласизми? Чунки болалар катталарнинг улар билан болаларча гаплашишини ёқтирумайди. Бугунги болалар ўzlari билан худди каттадай муомала қилинишини хоҳлайди. Хориж мультфильмлари уларга шуни бера олади. Шунинг учун фарзандларимиз-

га тақдим қилинаётган асарлар ҳам уларнинг даражасига мос бўлиши керак.

Шу ўринда ёзувчиларимизга кичик мурожаатим ҳам бор. **Ҳурматли ёзувчилар, бизда бугун яхши асар – сценарийларга эҳтиёж катта. Фарзандларингизни, набираларингизни ўйлаб, уларга ҳам атаб ижод қилинг.** Бугун давлат томонидан 10 дақиқалик мультфильм учун 390 миллион сўм ажратилган. Демак, яхши сценарий учун қалам ҳақи ҳам ёмон бўлмайди. Албатта, буни ҳам ҳисобга олинг.

– *Телевидение ва интернет ривожланган замонда хориж мультфильмларини томоша қилиши имконияти кенг. Қайси-дир маънода, ортида миллиард долларлик сармояси бор ирик компаниялар билан рақобат қилишига тўғри келади. Бу борадаги режаларингиз қандай? Миллий мультфильмларимиз хориждагисидан қандай фарқ қиласи, томошабинларни нимаси билан ўзига жалб этади?*

– Биласизми, мен ҳамма нарсага реал қараб, вазиятни реал баҳолаб ўрганганман. Шу маънода, сиз айтиётган кинокомпаниялар билан рақобатлашиб бўлмайди, асло. Бу ҳақда ўйлаш ҳам, бунга ури-

ниб вақтни беҳуда сарфлаш ҳам керак эмас. Аммо шуниси аниқки, бизнинг студияда истеъододли, катта салоҳиятта эга ижодкорлар бор. Улар орасида ҳалқаро анимация фестивалларида, нуфузли мультиплекторлар томонидан эътироф этилиб, Гран-при олганлари бор. Тўғри, биз ҳали бир ярим соатлик мультфильм ишлаб ҳаммани лол қолдириб қўйганимизча йўқ. Аммо шуни орзу қиласиз. Шу мақсад йўлида изланамиз. Мен истайманки, бизнинг мультфильмлар ҳам кинотеатларда қўйилсин.

Уларга сарфланган маблағлар бир неча баробарга кўпайиб ўзимизга қайтсан. Мисол учун, дунёга машҳур “Кирол шер” мультфильмини олиб кўринг. Уни 450 та мутахассис 5 йил давомида тайёрлаган. Лойиха учун миллионлаб доллар сармоя киритилган. Аммо шундай бўлишига қарамай, асар унинг ижодкорларига катта фойда келтирган. Бизда ҳам мультиплекция соҳасини катта даромадли соҳага айлантириш имконияти бор. Биз ҳозирча буни ўзбек томошабинлари миқёсида амалга оширишимиз мумкин. Айтайлик, биз яратган миллий қаҳрамонлар брендга айланиб, реклама орқали ҳар бир боланинг кундалик турмушкига кириб, унинг ўйинчоқларига айланса, қаҳрамон суратлари ширинликларнинг зарқофозидан, кийимлар ва хона деворидаги суратлардан жой олса, кўплаб тадбиркорларга фойда келтиради. Бу ҳам ижодий жиҳатдан, ҳам моддий жиҳатдан бизнинг ютугимиз бўлади.

Бошқа тарафи, биз бугун дунёда гоявий курашлар кечачётганини ҳам унумаслигимиз керак. Айтмоқчиманки, беозор кўрингани билан хорижий мультфильмларда катта гоялар



бор. Улар болаларнинг онги, ўй-фирларига таъсир этмай қолмайди. Шунинг учун ҳозир миллий руҳдаги, халқимизнинг бой қадриятлари билан озиқланган асарларни яратиш зарурати бор. Бундан ташқари, болаларга кўпроқ улар билган, кўрган нарсаларни акс эттирган, миллий колоритдаги мультфильмлар қизиқ туюлади. Биз ҳозир мана шу эҳтиёжни қондиришга ҳаракат қиласиз.

– Бугун болаларни эртаклар билан ром этиши мушкул. Зоро, компьютер технологиялари асрида вояга етаётган жажжи авлод гайритабиий, муболагавий воқеаларга унгалик ишонмайди. Сиз бундай вазиятда қандай йўл тутмоқғисиз?

– Мен болаларни эртак билан ром қилиб бўлмайди, деган гапингизга қўшилмайман. Чунки эртакдаги ўзига хосликни, гаройиб сюжет ва foяларни ҳеч бир ёзувчи ярата олмайди. Барибир эртакларнинг минг йиллик сири каттаю кичикни ўзига жалб этиб қолаверади. Аммо замон нуқтаи назаридан эртакларга бироз бошқача ёндашиб мумкин-ку. Мисол учун, Голливуддинг “Оловуддин ва сехрли чироқ” мультфильмини эсланг. Мультфильм “Минг бир кеча” эртаклари асосида тайёрланган. Лекин давр талаби билан мультфильм воқеаларига замонавий элементлар ҳам қўшилган. Асар қахрамони жин, бир қарасангиз, гитара чалади, бир қарасангиз, “Феррари” ҳайдаб келади. Ўтмиш билан замонавийликнинг синтези бу асарни дунёга машҳур қилди. Худди шундай, Зумрад ҳам доим уйни супургида супуриши шарт эмас-ку. Балки энди у уйни чангюткича тозалар. Қиммат эса кун бўйи телефон ўйнаб ўтиргани учун болаларда ёмон таассурот

қолдирап. Хуллас, эртаклар эскириб қолди деб, болаларни улардан узоқлаштириш тўғри эмас. Керак бўлса, эртакларни болаларга яқинлаштиришнинг йўлларини топиш керак.

– Хориж мультфильмларидаги суперқаҳрамонлар жуда оммалашиб, дунё болаларининг онгу шууруни эгаллаб олмоқда. Бу қаҳрамонлар иштирокидаги мультфильм ҳамда бадиий фильмлар аллақагон фарзандларимизнинг ҳам кўнглидан жой олиб улгурди. Нима деб ўйлайсиз, бизда ҳам миллий суперқаҳрамонлар яратиб, уларни оммалаштириши вақти келмадимикин?

– Гапингизда жон бор. Бизда нафақат суперқаҳрамон, балки болаларнинг оддийгина қаҳрамонлари ҳам деярли йўқ. Ҳамма хориж мультфильмларидаги қаҳрамонларни билади. Мен шу ерда фаолиятни бошлабманки, миллий мультфильм қаҳрамонларни яратишни бош мақсадим қилиб олганман. Бу борада бизга ёзувчи ва рассомларнинг ёрдами жуда зарур. Яқинда миллий қаҳрамонлар қиёфасини яратиш бўйича танлов ҳам эълон қилдик. Майли бизга ўша қаҳрамонни чизиб беришмасин. Аммо, асосийси, бизга қимматли foяни беришсин. Бу қаҳрамон бирор бола, мева ёки буюм бўлиши ҳам мумкин. Лекин, муҳими, у ҳаммани ўзига ром этсин. Мана, масалан, россиялик мультиплекаторларнинг “Маша билан айик” мультфильми жуда машҳур бўлиб кетди-ку! Ҳозир бу мультфильмни севиб томоша қилмаган, билмаган ўзбек боласи бўлмаса керак. Аммо бу мультфильм, аслида, тўлиқ россиялик ижодкорлар томонидан ишланмаган. Фоя ва сценарий русларники бўлса

ҳам, анимация яратиш ишлари АҚШлик мутахассисларга буюртма қилинган. Чунки ҳатто Россияда ҳам бу қадар юқори сифатли мультфильмларни яратиш имкони йўқ. Уларнинг бошқа бир қанча мультсериалари ҳам Хитой, Америка каби давлатларда тайёрланади. Менимча, бунинг ёмон томони йўқ. Биз ҳам шундай қилишимиз, болалар учун севимли мультфильмлар лойиҳаси, сценарийсини ишлаб, уни Ҳиндистон, Украина, АҚШдаги аниматорлик студияларида буюртма асосида суратга олишимиз мумкин. Бу қайтанга хориж тажрибасини ўрганища бизнинг мутахассислар учун яхши имконият ҳисобланади.

– Юртимизда хусусий киностудиялар кўп. Баъзан яхши, баъзан савиясьиз маҳсулотлар билан бўлса-да, улар фаолият юритмоқда. Аммо хусусий студиялар мультфильм ишилашда фаол эмас. Бунинг сабаби нимада? Сизда улар билан ҳамкорлик қилиши имконияти борми?

– Хусусий студиялар бор. Биз улар билан ҳали жиддий ҳамкорликни йўлга қўймадик. Чунки уларда ҳам ҳолат, имконият бизницидай. Хусусий студияларнинг ютуғи компьютер билан ишлайдиган яхши мутахассисларга эгалигиди. Аммо бизда ижодий имконият кенгроқ. Балки келажакда кучларимизни бирлаштириб, бирор лойиҳани амалга оширафмиз...

– Обид ака, қимматли вақтингизни аямай биз билан сұхбат қурганингиз угун раҳмат, Ўзингизга ва жамоангизга илҳом, гайрат тилаб қоламиз.

Саъдулло Қуронов
сұхбатлашиди.

*Shunchalar
yaqinsiz yurakka...*

*S*alim ASHUR

* * *

Чаргамади тўзилган ёмғир,
Қараий-қарай кўзлар толдилар.
Нафас олиб оғирдан оғир,
Эшикка суюниб қолдилар.

Кун бўйи, кунбўйи, ку-унбўйи
Чаргамади тўзилган ёмғир.
Тун куйи, тункуйи, ту-ункуйи
Аттиқ ғогир ва соғиқ, сагир.

Кун бўйи, кунбўйи, ку-унбўйи
Деразадан боқдим оғунга.
Кўз тўлди топ-тоза, ям-яшил,
Гултувакда ўсган тутунга.

Кун бўйи, кунбўйи, ку-унбўйи
Дераза ёнида ўтирдим.
Тун куйин, тункуйин, ту-ункуйин
Ўзбек тилига ўгиридим.

*Ҳ*ОРАК

Негук боз бу? Негук бунда
Қушлар тунда сайрайди?
Негук тоз бу? Негук тунда
Тошни қайроқ қайрайди?

Негук диёр, негук ўлка,
Негук ватан, негук юрт,
Негук бунда ҳамма ўлган
Ёнар охирги гугурт.



*С*алим АШУР,
Ўзбекистон Республикасида хизмат кўрсатган
журналист.

1964 йили түғилган.
Тошкент давлат
университети (ҳозирги
ЎзМУ)нинг журналисти-
ка факултетини тұтат-
ган.

“Яшил гиёҳ”, “Атиргул”, “Сиз эртага кела-
сиз”, “Кечиккан тонг”,
“Аталган кунлар”, “Сен-
сиз”, “Дарз”, “Келажакка
қадам”, “Она тилим”,
“Машиналар карвони”,
“Мұхаббат китоби”,
“Титроқ” номли шеърий
тўпламлари нашр
этилган.

Бугун шанба, эрта – якишанба,
Гүё тугаб қолади умрим.
Дунё менга керак эмасдай,
Үн иккода ўрнимдан турдим.

Бугун шанба, эрта – якишанба,
Соқол ўсар икки кун эркин.
Хурриятга ҳали қўникмай,
Эрк ҳам тугаб қолади секин.

Бугун шанба, эрта – якишанба,
Эрта ёмғир, бугун қор ёғар.
Ҳег ким келмас мени кўргани,
Погталар ҳам келтирмас хабар.

Бугун шанба, эрта – якишанба,
Ухлаётган оловлар, жим шон.
Бир-бирининг қўлидан ушлар
Гузар, гулзор, ҳаммом ва дўкон.

Бугун шанба, эрта – якишанба,
Пиган тайнар шамол – кўк отим.
Кулбанинг бир кунжидан нондай
Синиб ётар бўрон – қанотим.

Наҳот, яна согинаяпман...
Юрагимда югурап титроқ,
Тун ярмида уйгонаяпман...
Кўзларини уқалар тироқ.

Кўйлагингнинг гулин туши кўриб,
Кўлларимдан тортиқилар кўйлак.
Изларингда югуриб, юриб,
Эшигимга суйкалар йўлак.

Дунё – тун ё тироили қафас,
Ҳавасим, сен қаёққа уғдинг?..
Наҳот, яна ёнимга эмас...
Наҳот, яна ёдимга тушдинг.

Хайҳот, мана... жонимга тушдинг.

БАРМОФИНГ УЧИ

Угирма қиласан қошингни,
Фавгога қўясан бошингни.

Қайдансан, бунгалар иссиқсан,
Қай боғдан – бунгалар тансиқсан?

Бармогинг тизиқдан юрмайди,
Кулгигинг кулгига турмайди.

Нозиксан – ўрикнинг гулидек,
Бекарор – қоқиғул кулидек.

Баъзида шамолсан, баъзида
Юзимга суйкалган шабада.

Юрасан бир томон оғгандек,
Севгининг мавжида оққандек.

Билагинг тутган ишқ – узукми,
Кўзлари шайдою сузукми?

Сиргалар юлдуздек сиргалар,
Ҳар кўға, бургакда тиргалар.

Согингга кеганинг ранглари,
Рангларнинг нургимол занглари.

Лабларинг ғетида ёнар дур,
Бармогинг угидан томар нур.

Шунгалар яқинсан юракка,
Шунгалар узоқсан тилакка.

* * *

Етишмайди баъзан олов,
Баъзан гугурт, баъзан ўтин.
Сув излайди баъзан бирор,
Улов излар кимдир, лекин...

Баъзан йўллар ўйдим-гуқур,
Ўзгаради турмуши секин.
Ҳали кимдир қилмас ҳузур,
Кимдир камроқ кулар, лекин...

Тушунмайди баъзан ҳаво,
Баъзан тушунмайди экин.
Баъзан сувга оқар даво,
Кегикади дармон, лекин...

Лекин ҳали уфқларда
Жаннат каби кунлар кутар.
Гуллар кулар совуқларда,
Қушилар ҳали тилла ютар.

Фарзандларим бол ейдилар,
Гулда сузар қора ерлар.
Буни азиз юрт дейдилар,
Буни азиз Ватан дерлар.

Кўнглимнинг ёнидан оқмоқда ҳаёт,
Севгининг ёнида титрайди дилим.
Умримни сиз угуни қилмадим бунёд,
Ҳатто “ёқасиз” деб айтмадим, гулим.

Бошка юрак эмас, тигал тугун бу,
Сизни яширганман, уни етмайман.
“Яхши кўраман”, деб айтмайман, лекин
Ҳег қатон, ҳег қатон сиздан кетмайман.

Қошингиз қаро йўл, оқ бармоқларим
Ҳег қатон бу йўлдан юриб ўтолмас.
Тингу титроқларим атрофингизда,
Сизни қуршаганлар гул ё қуши эмас.

Сизга қизиғи йўқ. Қизиқ гаплардан
Саодат сағратиб кула бошлийсиз.
Менинг шўримгами ёнгинангизда
Кимдир севишини билмай яшайсиз.

* * *

Сизни севмоқ ёки севмаслик
Бўлса эди хоҳии ё тортиқ,
Бу норасо, бадбин дунёда
Хўрламасдим ўзимни ортиқ.

Хаётдан-ку безгандим аввал,
Тамом, бугун кетаман сиздан,
Гуллар каби, кўз каби ва ё
Ҳовуглардек оғилган издан.

Умид, таскин, на ранг, на оҳанг,
На олам, на одам, на дўст-ёр...
Бу дунёда мухаббат йўқдир,
Бу дунёда фақат Худо бор!

Сизсиз менинг тириклигим ҳам
Ўлим каби ёлғонги бир гап.
Ўлимга-ку минг бор розиман,
Нима қиласай, ўлмайди бу қалб.

Игим тўла шароб эмас, йўқ,
Игим тўла сиз, гамларингиз.
Юрагимда сайр қилмоқда
Мендан кетган қадамларингиз...

Сизни севмоқ ёки севмаслик
Бўлса эди хоҳии ё тортиқ,
Бу норасо, тиркин дунёда
Хўрламасдим ўзимни ортиқ.





Исајон СУЛТОН,
Ўзбекистон Республика-
сида хизмат кўрсатган
маданият ходими.

1967 йили туғил-
ган. Тошкент давлат
университети (ҳозирги
ЎзМУ)нинг журналис-
тика факультетини
тамомлаган. “Муножот”,
“Ойдинбулоқ”, “Ҳазрати
Хизр изидан” номли қисса
ва ҳикоялар тўпламлари,
“Боқий дарбадар”, “Озод”,
“Генетик” каби романла-
ри чоп этилган.

Расмларни Аслиддин Калонов тизгани.

Isajon
SULTON

Ikki hikoya



Туман

Бу воқеага анча бўлган-да. У совуқлар ўтиб, ёмғирлар ерга сингиб, у қорлар эриб, ўрнида ям-яшил ўтлоқлар кўкариб чиқсан.

Ўша куни водийлару воҳаларни қуюқ туман босган эди. Сира тарқамас, булут каби ҳар ёқни бирдай энлаб олган, гоҳ қуюқлашиб, гоҳ сийраклашиб турадиган жонли бир нимага ўхшарди.

Туман ҳамма ёқни намлаб ташлайди. Со-вуқда баттар дийдиратади. Теварак худди ёмғир ёққандай бўлиб қолади. Ўтинлару ёғочларни, қолган-қутган шоҳ-шаббаларни, айвонларда қолиб кетган тўшагу шолчаларни ҳам жиққа ҳўл қиласди. Бунақа маҳалда чорвани очиқда қолдирив бўлмайди, дейдилар. Бостирма остида ҳам қолдирив бўлмайди, чунки туман – оқувчи бир нима, бостирма остига булуғдай оқиб киради, тандир ичида кулларини намлайди, мол-ҳолнинг ўпкасини шамоллатади. Шу сабаб, бостирмада турган сигир-қўйлар устига гоҳо эски шолча ёки йиртиқ-сиртиқ тўшак ташлаб қўйишади.

Уйда ўтин тугаган эди. Она болаларига:

– Болаларим, ёбонга чиқиб ўтин-чўп териб келмасангиз бўлмайди, – деди.

Қишлоқ далалари тугаган жойдан бошланиб, кўз етмас уфқларга қадар ястаниб кетган даштни кишилар “ёбон” дейишади. Пастак қайишқоқ буталар, ҳар ер-ҳар ерида дов-дараҳт яккам-дуккам ўсган у яйдоқ ҳудуд турли ёввойи жонворларнинг макони.

Катта ўғил – бўйи чўзилиб, анча эси кириб қолган барваста йигит:

– Хўп, онажон, дарров тўплаб келамиз, – деди.

Укаларига айтган эди, укалар ҳам бири болта, бири арқон олиб, қалинроқ уст-бошларини кийиб тайёр бўлишиди.

– Фўзапоя ёқсак бўлмайдими? – деб сўради ўтра бўйли, кўзларида гайрати чақнаб турадиган кичкина ука.

Катта ака жавоб қилди:

– Фўзапоя дарров ўчади, кулини чўғиям қолмайди. Энг яххиси – тут. Даштдаги қуриган тутлардан каллаклаб келамиз.

Энг кенжаси акалари сингари шиддатли эмас, қўй кўзлари ўйчанроқ болакай эса қўлидаги бир бурда нонини оловга тутиб, ўчоқ олдида ўтиради. Билсангиз, у маҳалларнинг ўчоқлари уйларнинг ичидаги бўларди. Ўчоқда ёнаётган ўтга қўлидаги нонини тутиб иситиб ўтиришни яхши кўтарди шу бола.

Катта ака:

– Юр, сен ҳам эркак бўлиб ўтин кесиб келишин ўрган, – деди. Кейин онасига қаратади:

– Она, кичкинангизниям опкетақолайлик, кўзи ўргансин.

– Майли, – деди она. – Фақат оғир кўтартирмагин, ёш бола, чақилиб қолмасин тағин.

– Хўп, – деди катта ака.

Шу тариқа тўртовлон, каттасининг ва ўртан-часининг қўлида болта, кейингисининг қўлида ўрам арқон, ўйдан чиқиб даштга йўл олишди.

Кенжатой боягина иситиб ўтирган нон парчасини ҳам қўйнига соловоди, “Очқасак, акаларим билан еймиз”, деб ўйлади.

Ҳа, булар тўрт ўғлон эдилар. Ота дунёдан эрта ўтиб кетган, шу сабабли уй-рўзгор ташвиши барвақт елкасига тушган уч паҳлавон ҳамда кичик ука. Кенжатойнинг акаларига меҳру муҳаббати баланд, буни иситилган нонни қўйнига соловолишидан ҳам, “ҳаммамиз бирга еймиз” дейишидан ҳам билса бўларди...

Қишлоқ йўлидан бироз юришгач, зовур устига қачонлардир қурилган омонат кўприқдан ўтиб, ёбонга чиқишиди.

Ёбонда туман янада қуюқ, оёқ остида рутубат қоплаган жонсиз ўт-ўланларнинг илвираган танаси кўзга ташланар, чўкиртаклари қорайган, муз тупроғи не учундир оқаринқираган экин ерларининг бир қисми, гоҳо қай бир қушнинг бузилган ини ҳам кўринарди.

Даштда туман янада қуюқлашди. Дўнглари, кесаклари катта-катта зовур устида қуюкроқ, йўл устида эса сийракроқ бўлиб сузарди. Туманда қадам товушлари эшитилмай қолар экан. Олдинма-кейин боришаверса, илгарида катта бир нима элас-элас қорайиб кўринаверди. Яқинлашиб қарашса, баҳайбат тол экан. Жиққа ҳўл шоҳларидан томчилар томчиламоқда.

– Шуни шоҳидан кесиб кетсак-чи? – деб сўради кичкина ука.

– Тол мўрт бўлади, тезда ёниб тугаб қолади, – деди катта ака қовоғини солиб. – Оз қолди, яна пича юрсак, жарлик олдида қуриб қолган беш-олтида тут бор, ўшани каллаклаймиз.

– Янаям бораверсанг, дашт ичкарисида саксувуллар ҳам бор, – деди ўртанча ака. – Аммо жуда узоқда-да, адашиб қолиш ҳеч гапмас. Кейин, у томонларда катта-катта эҷкемарлар изғиб юради.

– Чиябўриларни айтмайсанми? – деди катта ака, кўзларини ола-кула қилиб. – Қишида оч қолиб емиш излаб санқишиди. Емиш тополмаса, очлигидан осмонга қараб увиллаб, худодан ризқ сўрашади.

Кенжатой эса теваракка ҳуркиб нигоҳ ташлаб бораради-ю, “Нимага олдинроқдан ғамлаб қўй-

мадик-а? Аммо ўтин кесиб келмасак ҳам бўлмайди-да. Кечаси аёз кучайса, уй совиб кетади, кейин ҳаммамиз қийналамиз”, деб ўйларди.

Унинг назарида аёз ҳаракатланувчи, силжувчи бир нимадай туюлди. Йўқса, кучайиб ёки заифлашиб қолиши нимадан? Қиши қаттиқ келганида ўтларни қорайтириб илвиратади, очиқ маконларни билдирмай кезади, тирқишлардан уйларнинг ичига кириб, сабзавотларни музлатади, янада кучайса, ўрага кўмилган сабзини ҳам яхлатиб қўяди. Қопдаги яримлаб қолган ун сескантирувчи бўлиб қолади. Ерда ётган барглар устини жуда юпқа муз қоплайди, қўлингизга олсангиз, бўртиқ томирлари ўз-ўзидан қирсиллаб синади. Кўлмаклар тувию оқар сувнинг устини ҳам муз билан қоплаб, нақшлар чизиб қўяди.

Болакайнинг юзи, қўллари совқотарди. Намда аёз таъсири янада ортар экан. Арқонни бағрига босиб, қўлини қўйнига тиққан эди, баттар музлатди. “Пахтали қўлқоп бўлсайди” деб ўйлади. Акалар – тоғ келбатли, бўйчан акалар унга қарамай, тез-тез қадам ташлаб кетиб боришарди.

“Нимага акалар шунаقا бўлар экан, – деб ўйлади у, ҳануз арқонини қучиб улар ортидан чо-паркан. – Кучли бўлишгани учунми? Катта акамнинг аччиғи ёмон. Сира аямайди, суюкларимни оғритиб-оғритиб уради. Шиддати, фазаби тез-да. Мана, ҳозир ҳам қарагиси келмаяпти. Болтасини елкасига қўйиб бемалол кетяпти. Болта катта, ўткир, оддий эмас – ойболта. Шоҳ кесишига ярайди-ю, тўнка ёришга ярамайди. Тўнка ёргани ингичка, аммо пишиқ оддий болта керак бўлади”.

Бошқа маҳал бўлганида ака қувватини кўз-кўзлаб, йўл ёқасидаги бургану янтоқларни бир уришда кесиб ўтган бўларди. Янтоқ остидаги қумда “кулдиргич” деган ҳашарот яшайди. Туманда қандай жон сақлади экан? Болакай қизиқсиниб, янтоқлардан бирининг олдига борди. Ини турибди, аммо ўзи йўқ. “Совуқда ўлиб қолган бўлса-я”, деб ўйлади. Ин остини ковлаб ҳам кўрмоқчи эди, аммо бармоқлари баттар совқотини ўйлаб фикридан қайтди. Яна акаларининг ортидан чопди.

Ҳа, дала-тудза ҳар жонзот совуқдан ҳар турли сақланади. Юмронларнинг ини чуқур бўлади, қуруқ хаслардан опкириб соловолади. Ўша ерда қиши тугашини кутиб мудрайди. Қушлар узоқларга учиб кетишади. Чиябўрилар, ёвойилашиб кетган кучуклар эса яйлоқларда изғиб юришади. Қишида одамлар эшакларини ҳайдаб юборишади, улар даштда ваҳшийларга ем бўлишади.

Кенжатойнинг тасаввурида заиф бир ҳайвонни талашиб-тортишиб, этларини узиб-узиб гажиётган катта кучуклар жонланди. Итлар

бунақа маҳалда бирорни яқинлаштиrmайди. Бирор ёвуқ борса, панжаси билан ўлжасини босиб туриб, оғзида қони силқиб турган эти билан таҳдидли ириллайди. Яқин келма, бу мени ўлжам, деяётгандай бўлади.

Ана, дунёни босиб турган шу номаълумлик аро бир нима чўзиб-чўзиб увиллади.

– Ака, чиябўрими?

– Бўрининг нақ ўзи, – деб жавоб қилди катта ака.

– Йўғ-э, қишида итлар ҳам шунаقا увиллади-ку?

– Ит бошқача увиллади.

Кенжатой энди акаларига етиб юргиси келарди. “Бекор арқон олибман, – деб афсусланди.

– Ойболта олсайдим...” Аммо чиябўри чиқиб қолса, ойболта билан уришни тасаввур қилолмади. Чунки болта оғир. Уйда, айвондаги тўшак қатида буклама пичноқчи борииди, шуни олмаганидан афсусланди.

– Тез-тез юрақолинглар, эҳ-ҳе, ҳали қанча иш бор, – деди катта ака. – Қайтгунимизча қоронги тушиб қолмасин.

Ўрам арқон намдан оғирлашиб, чувалашиб қолган эди. Болакай энгашиб, уни қайта ўрашга уринди. Бу – тарам-тарам ўрилган, пишиқ жун арқон эди. Ўрмоқлари орасига нам тупроқ кириб, янада оғирлашиб қолди. Бир-икки уриниб кўрди-да, эплаёлмагач, акалардан бирига “Арқонимни қайтадан ўраб бер” демоқчи бўлиб бошкўтарди-ю, аланглаб қолди.

Чунки акалар фойиб бўлишган эди!

Ҳар тараф оқиши туман, баъзи жойлари сийракроқ, паға-паға сузар, ўзгарар, орасида бирор кўринмасди.

– Ие? – деб ҳайрон бўлди у.

Кейин пастроқ овозда чақирди:

– Ака-а!?

Ҳеч ким жавоб қилмади.

– Соди-и-иқ! – деда каттасининг исмини айтиб чақириб кўрди ҳуркак сас билан. Уларнинг исмига “ака” қўшмай чақиради. Акалар ҳам “Кичкина-ку ҳали”, деб индашмасди.

Жавоб келмади.

– Соби-и-р? – деда чақириб кўрди у ўртанчасини.

Жимлик.

– Ноди-и-ир?

Учовлонни гўё туман ямлаб-ютиб юборган, шу оқиши намчиллик аро бирданига фойиб бўлишган эди.

Болакай саросимага тушиб қолди. Ярим ўралган арқонни қўлига олувди, баттар нам тортгандай туюлди. “Ташлаб юборсаммикин” деб ўйлади, аммо акаларидан ҳайиқди.

Бу сафар учовининг исмини бирдан айтиб чақирди:

– Соди-и-қ? Соби-ир? Ноди-и-ир?

Содикдан ҳам, Собирдан ҳам, Нодирдан ҳам жавоб келмас эди.

Болакай теварагига аланглаб, “Акаларим илгарилаб кетишдию мен пайқамай қолдим” деб ўйлади. Бу туман аро қай тарафга кетишганини билиб бўлмайди, ўзича изларидан бораверай деса, адашиб қолиши ҳеч гапмас. Акаларим қайтиб келиб мени опкетишар, деб ўйлади саросимаила.

Вақтни ҳам билиб бўлмасди. Ҳозир пешинми, асми? Қоронги тушса нима бўлади? Бир-икки одим отиб, қархисида ҳўл юлгуннинг оқиши шарпасини кўрди, нима сабабдантир совуқ урмаган, калта баргчалари, қизил танаси йилтираб турарди.

Шу маҳал ёнгинасида ҳаракат сезилди. Қараса, арқон ўрами ўз-ўзидан эшилиб-буралиб, туман орасига кириб кетяпти! Ҳа, нимадир арқонни шитоб билан тортиб кетди. Уч-тўрт қулоч арқон бирпаста туман орасида кўздан фойиб бўлди.

Болакайнинг юzlари музлаб кетди.

– Соди-и-қ? Соби-ир? Ноди-и-ир?

Садо йўқ.

Сас келармикин деб теварагига қулоқ осар, туман сасларни ҳам ютиб юборгандай эди.

– Эна-а! – деб нидо қилди у чўзид, она етиб келолмаслигини, кичкинтоининг бошига не иш тушганидан бехабарлигини билса-да. “Эна-а” дея йиглаб юборди оғзи-бурни совуқда қизариб кетган, дийдираф турган муштдайгина шу болакай...

Йигласа-да, нигоҳи ҳар тарафга оғар, қайдан жон қутқарувчи нажот ёки хатар келишини биломасдан алантлар ҳам эди.

Елкалари учеб-учиб йигларди бояқиши.

Шу маҳалда шундоққина ёнгинасидан қўрқинчли бир товуш туманни ёриб-кесиб янграб кетди.

Бола ҳам қўрққанидан саросимага тушиб бақириб юборди.

Туман орасидан жуда узун, ҳайбатли бир нима эшилиб-буралиб, ўхаши йўқ ғалати товуш чиқариб яқинлашиб келаётгандай эди.

Товуш ўткир, ёввойи, бир жойдан эмас, ҳар жойдан келарди. Товушнинг ҳам бош-охир бўлар экан-да? Ҳаракатланадиган номаълум бир нима шундоқ ёнгинасида-ку? Илонми деса, илонлар қишида ер остига кириб кетишади. Ҳайвон деса, товуш оғир, залворли.

Болакай ўша томондан кўзини узмай, серрайганича нам ерга ўтириб қолди. Оёқчалари, қўлчалари титрар, лаблари бир нималарни пи chirлар ҳам эди. Тинмасдан “Эна... эна...” дея шивирларди.

Шивирлашининг сабаби қўрқувдан эди. Қаттиқроқ қақирса, ўша ғалати ҳайвон тўсатдан ташланиб қолади деб қўрқарди.

Шу маҳал бояги увиллаган товуш ўзгариб, мудҳиш қаҳқаҳага айланди. Бола ҳануз ўша алпозда ўтиради. Туманаро кимлардир шарақлаб кула бошлиши. Мудҳиш у ҳайвоннинг кулиши ақлга сифмасди, бола бешбаттар қўрқди. Ҳа, туман орасидаги ғалати кимсалар нима учундир шодланиб кулмоқда эдилар.

Яна бир сония ўтиб, оқиши парда ортида шарпалар кўринди. Қорнини ушлаб кула-кула келаётган уч шарпа. Уч ака, уч паҳлавон!

– Ҳа-ҳа, қўрқиб кетдингми? – деб куларди каттаси.

– Ўл-а, қўрқоқ! – дер эди ўртанчаси.

– Эна-а, энажо-он... – дея мазахларди кичиги.

Кичик ука мана шунда росманасига йиглаб юборди. Ўзини ниҳоятда майда, кичик, аҳамиятсиз, ҳеч кимга керати йўқ ношуд дея ҳис қилиб йиглади.

Қўрққани ошкор бўлиб қолганидан, акалари масхара қилишганидан алами келиб йиглади у.

– Бор ҳамманг, йўқол! – деб йиглади.

– Ака бўлмай ўл ҳамманг! – деб йиглади.

Сўнг туман орасига чопиб кириб, фойиб бўлди.

Туманда бешбаттар қўрқмадимиликан? Ахир, оқ юзли, қора кўзлари ўйчан боқадиган, кулганида чехраси яшнааб кетадиган болакай эди.

Ҳа, қўрқоқ эди. Ўзи тенги болалар билан уришолмасди. Бўйи ҳам паст, ўзи заифроқ, аммо юраги топ-тоза эди. Билагида кучи тошган акалар бири чиллак, бири ошиқ ўйнагани кўчага чиқиб кетишганида ҳам онасининг ёнидан айрилмасди. Катта пақирларни кўтариб сув таширди, она тандирга ўт ёқса гўзапоя олиб келарди, ўзиям ўт ёқмоқчи бўларди-ю, аммо тандирга бўйи етмасди. Онасига бошқача меҳрибон эди-да шу бола.

Катта аканинг ҳикояси

Эҳ... Ўзимизча катта бўпқобмизми? Бизларни ҳаёт катта қилди. Отамдан кейин рўзгорни ҳамма иши бўйнимизга тушиб қолди-ку? Ер чопиш, экинга қараш-ку майли. Сув жанжалларида кап-катта одамлар билан теппа-тенг

солишардим. Молбозорга саҳарлаб мол етаклаб бориб, молжаллоблар билан қўлларим узилгудай бўлиб савдолашардим. Ўтин дейсиз, тут ўтини қаттиқ бўлади, болтани бир урсангиз сапчиб қайтганида билагингиз, елкаларингиз зирқираф кетади. Тутларни кесиб келдим, сандаллар қурдим, қишининг қировларида муздай лойлар қилиб иморатнинг нураган жойларини уриб-сувадим.

Уйда юраверса, ойим билак бўпқолади дедим-да. Билаги кучга тўлсин, кўнгли қаттиқ бўлсин! Бултур ёзда сузишни ўргатганимдаям хафа бўлувди. Удум шунаقا-да, катталар кичикларни даст кўтариб сувга отворишиади. Жони ширин-ку, индамай чўкиб кетаверармиди? Кўзлари олайиб-олайиб, боши сувдан бир чиқиб-бир кириб ўрганади-да.

Ҳаёт ҳам шунаقا. Пишиши учун ҳаёт деган дарёга отвориш керак. Ҳали болалиги бор, кўнгли бўш, аммо вақти келганида турмушнинг ўзи шафқатсиз қилиб қўяди.

Мана, яна аразлаб кетди. Шу кетганича уйга боради, онамизга “Акам мени қўрқитди” деб шикоят қиласди. Онамиз кўнгли ранжиб “Супрақоқдимни нимага қўрқитасан?” деб бизларни койиади. Бироқ шунаقا юмшоқфеъл бўлиб ўssa, ўзига қийин эмасми? Бир хил ишлар бўлади – зарарга ўхшайди, аммо вақти келиб фойдаси тегади.

Қани, бораверайлик-чи.

Ҳой Собир, кўтар ўтинни!

Ўртанг ака ҳикояси

Аслида катта акам жуда бешафқат.

Бир куни иш буюрган эди, “Бор, ўзинг қил” деб тўнгилладим. Шунда қўлимни қайириб елкамга урувди, ёмон оғриди. Аламим келиб “Нимага урасан?” деб тиккamasига ташландим. Кучим етмаслигини, бир урса учиб кетишимни биламан, аммо аламим шунчалар эдики, ўлсам ҳам ташланавердим. Икки елкамдан ушлаб босганида қўлимни қимирлатолмай қолсам, оёқларим билан тепдим, билагини тишладим. Кўзимнинг ёши оқиб-оқиб, йифлаб бақиравердим:

– Нимага урасан? Кучинг кичкинага етдими?

Катта акам шундан кейин:

– Ҳа, тузук. Мана энди йигит бўлдинг, – деди қониқиш билан. Елкамдан тутиб бағрига босди:

– Ана, эркак бўлдинг, ука!

Эркак бўлишим учун уришишим керакми? Бақириб сўкинишим керакми?

– Эркак шунаقا бўлади, – деди катта акам. – Бир нимага тиш-тирноғинг билан ёпишасан. Кучинг етмаса, чайнаб узид оласан. Шунда бирор сенга теголмайди.

Яхши, ака. Сен айтгандай бўлақолсин.

Бугун ҳам шундай қилдинг. Кичкинамизни атай қўрқитдинг.

Энг кенжамиз шу, вақти келиб бизлар уйдан бирин-кетин чиқиб кетсак, онамизни ёнида қолади. Биз ҳам қараб турмасмиз-у, бироқ ўзининг рўзгоридан ташқари, онага қарашиб заҳматиям бўйнига тушади. Эҳ-ҳе, ҳаёт осон эканми? Бўйнига тушади дейман-у, ўйласам этим увишиб кетади. Бир тушса эмаклатиб қўядиган қийинчиликлар бор ҳали олдинда.

Онамизга тушунтирамиз, бизлар атай қилмаяпмиз, кўзи пишсин, довдирарамасин, қўрқмасин, туману совуқ не, ҳали шунаقا туманларни, шунаقا қаҳратонларни кўрадики, ўшанда бегона бирорларга жавдираб қолмасин деймиз-да.

Она-ку, боласининг озор чекишини истармиди? Ўғил бола эркак бўлиб улгайиши керак. Катта акам шунинг учун қийнади уни.

Ростини айтсам, ўзим ҳам бир маҳаллар шунаقا эдим. Энди эса кўнглим тошдай қаттиқ. Туман тутул, дев олдимга чиқсаям киприк қоқмайман. Олдимдан келганини узид-ғажиб ўтадиган шаҳдим бор. Ризқимни шунаقا қилиб топаман-да. Бўлмаса, бирорлар опкетиб қолиши ҳеч гап эмас.

Қани, бораверайлик-чи. Ўтиргандир ҳозир уйда, сандалга тиқилиб. Мендан эса совуқ ўтиб кетди. Қовургаларимгача, суюкларимгача зирқиради.

Кигик аканинг ҳикояси

Иккала акам ҳам бекор қилишди. Укамни бекор қўрқитишиди.

Ахир, жуда кичкина-ку? Қўрқар эди-ку? Боя қанақа жавдираб келаётганини сезмадингми? Шоқол чийиллаганида ранги бўзариб кетди. Сену менга қаради, ёнимизга чопиб келаётган эди, арқони чувалашиб қолди. Бизлардан тортиди, йўқса, пинжимизга тиқилиб оларди.

Бу туманда ёнимизда бўлса, ўзини бехавотир ҳис қиласди-да.

Онам уни нимага “Супрақоқдим” дейишини биласанми? Хамир қориб, нон ясаганини қўргансан-ку? Ўзинг ҳам сувлар ташиб берардинг. Нон ясаб бўлганидан кейин супранинг энг тубида қолганларини сидириб, жажжи кулча ясаб қўярди. “Бу майдагинамга” деб алоҳида меҳр билан ёпарди. Қип-қизил сингиб, қисирлайдиган бўлиб пишса, ўшаниям еб қўярдик. Жон ака, “супрақоқди” деган гапни тушунмаяпсанми?

– Фозил?

Жавоб келмас эди

– Ҳой Фози-ил?

Ҳар тараф оппоқ туман эди, холос.

Ҳақиқатан ҳам, қайлардадир шоқоллар яна чийиллашди. Билсангиз, уларнинг чийиллаши тоҳо одам овозига ўхшаб кетади. Шоқоллар қишида оч қолишади, дала-дашт бўйлаб изгиб, емиш ахтаришади. Булар гала-гала юришади, адашиб даштта келиб қолган кучукларни ҳам кўплашиб тутиб ейди.

Учала ака, елкасида ўтини, укаларини шу тариқа излашди.

Кейин “Барибирам уйга боради-да“ деб уйлагида жўнайверишиди.

Кенжатой ҳикояси

“Ота” дея ўксина-ўксина кетиб борарди кенжга, уйига қараб.

Жон ота, сиз бўлсангиз, бунаقا бўлмас эди.

Уйда ўтин гарам бўларди, биз ҳам шунаقا туманларда ўтинга чиқмасдик. Катта акам елкала-ри майишиб, қопда ун олиб келмасди. Ўртанча акам билаклари зирқираб ўтин ёрмасди. Кичкина акам совқотмасди.

Жон ота, сиз борлигингизда акаларим бунаقا эмас эдилар. Ёнингизда сиз билан бирга иш қилишса, суюниб кетардим. Тўрт томонимда тўргата тоғ бордай туюларди.

Сиз йўқсиз-да, акаларим мени мазахлашадиган бўлишди. Шунаقا маҳалларда доим сизни эслайвераман. Катта акам тўнингизни кийиб юради. Баъзан кириб келса, отажоним келдимикин деб ичим севинчларга тўлади. Кўзимдан ёшим дувиллаб оқиб кетаверади...

Шунаقا соғинаманки сизни, ота.

Мана, ҳозир уйга етиб бораман. Онам “Майдагинам” деб бағрига босади. Кейин акаларим кириб келишади. Яна устимдан кулишади. Онамга “Шу болангиз кўрқоқ” деб ёмонлашади.

Отажон, ҳеч кимга айтмасам ҳам сизга айтаман. Буларга айтсан, ишонишмайди барибири.

Туманда товушлардан ҳайиққаним рост. Орасида мен билмайдиган фалати ваҳшийлар изғиганидан саросимага тушдим. Даштда роса катта илон бор дейишарди, ўша келиб қолса-я, деб ҳам қўрқдим.

Аммо йиглашимнинг сабаби бошқа-ку?

Ўзим не, еса еб кетарди-да. Акаларим кўринмай кеттганида юрагим зирқиради. Мен ҳам, акаларим ҳам адашиб қолдик деб ўйладим. Ўшанга йиглаб юбордим.

Номаълум ваҳшийлар баримизни еб кетса, онам шўрлик нима қиласди деб йигладим.

Тоғдай-тоғдай акаларимга бир нима бўлиб қолса-я, деб қўрқдим.

Кейин, мени мазах қилишганида ўксиниб кетдим. Хавотир олганимдан, акаларимга бир нима бўлиб қолмасин деган изтиробидан ўзим оғриндим. Юрагимнинг ичи оғриб қолди-да, отажон.

Энди сира уларни ўйламайман. Хавотир ҳам олмайман.

Ҳали катта бўлволай. Вақт ўтаётир, йил сайин ёшимга ёш қўшилаётир... Бир кун келар ахир, катта бўларман, кучга ҳам тўларман?

Ахир, шундай қолиб кетмасман?

* * *

Болалар бирин-кетин уйга кириб келишиди. Елкаларидағи ўтинларни бостирма остига ташлашиди.

– Дастьёrlаримдан ўзим ўргилай, – деб суюнди она. – Бир гарам ўтин қилиб кепсизлар-а? Энди анчагача ўтимиз ўчмайди, қозонимиз қайнайди.

Кичкина олдинроқ кириб келган эди. Бағрига босиб, юз-кўзларидан ўпмоқчи бўлди:

– Кап-катта йигит бўпқолган майдагинамдан айланай...

Кичкина хомуш, ўзини четта тортиб турар эди.

– Сенга нима бўлди, болажон? – деб сўради она. – Совқотиб қолдингми? Ё қийналдингми?

– Йўғ-э, она, – деди катта ака, дўриллаб. – Сиз айтгандай, кап-катта йигит бўпти. Ўтинларни ярмини шу болангиз тўплади.

– Айтинглар, ростдан ҳам бир нима бўлдими? Ё уришдингизми?

Акалар бир кўз уриштириб олишди. Кичкина ҳануз уларга қарамас, лекин онасининг олдига бормас ҳам эди.

– Ҳеч нима дедим-ку, сўрайверасизми? – деди катта ака. – Собир, бор, ўтинни саржинла, ҳозир ўзим ҳам бораман. Катта болтани топиб кўй.

– Нодир, юр, – деди ўртанча кичигига қараб.

Катта ака бостирма томон кетаркан, онага деди:

– Хавотир олманг, она. Ҳеч нима бўлгани йўқ... Ўғлингиз бизга қўшилиб ўтин қилиб келди, холос. Бор-йўғи шу.

Ҳа, бор-йўғи шу...

Лекин имкон бўлсайди, учовининг ҳам оналарига айтадиган бир дунё гаплари бор эди. Ҳаммасидан ҳар хил гап чиқиши ҳам тайин эди. Ўтин ёриш, уйга опкириш, олов ёқиши керак эдида. Рўзгорда олов ёниб турмаса кун ўтармиди? Ҳар хил гапларни кўпайтиришдан нима наф? Булар ҳаётда рўй берадиган воқеалар-ку, вақт-соати келиб ҳаммаси жойига тушиб кетади.

Тушмай қолармиди...

Ҳаёт қанча нарсаларни ўз ўрнига қўйиб, саранжомлаб қўяди, бу нима бўпти? Ҳар нарсанинг ўз вақт-соати бор. У вақт-соат, албатта, келади.

Келмай қолармиди...

Ўшанда шу йигитчалар кап-кatta, росмана эркакларга айланишади. Она янада кексаяди, акалар бирин-кетин иморат солиб, рўзгорини бўлак қилиб чиқиб кетишади, онаизор кенжатоий билан қолади. Кенжатоий эса, акалари истаганидай, кўнгли қаттиқ, шафқатсиз эркак бўлиб вояга етади.

Етмай қолармиди...

Ҳаётнинг бешафқат қонуни шу: ҳамма нарса ўзгаради. Бу совуқлар ўтиб, ёмғирлар ерга сингиб, қорлар эриб, ўрнида ям-яшил ўтлоқлар кўкариб чиқади.

Шундай... Вақти келиб, ўзи ҳам бола-чақали бўлганида, катталар кек-сайиб, болалар улгайиб келаётганини идрок қилиб кўриб, ҳали суюги қотмаган ўғилчасига ҳар турли қийин юмушларни буюриб, синаб кўриши ҳам тайин. Чунки келажак олис, олдинда уни ҳам турли хатарлар, бўри қиёфасидаги инсонлар, дашту далаларнинг ваҳшийлари каби ҳар нарсага ташланишга ҳозиру но-зир қанча одамлар кутиб турибди. Тоза қалбли, мусаффо болакай келажакда ўшалар орасидан ҳақини айриб олиб, топганини тишида тишлаб кўтариб келиб, рўзгорини бир амаллаб тебратишни ўрганиши ҳам керак-ку?

Умр поёни кўрина бошлаганида эса, яшаб ўтилган ҳаётни мулоҳаза қилиб, кечалари олис хотиротнинг совуқ туманлари, ёмгиру қорлари орасидан гира-шира намоён бўладиган манзаралар аро, боласига бир маҳаллар бўлиб ўтган ўша воқеани сўзлаб бериши ҳам тайин, албатта. “Мен ҳам сендей ишонувчан, юраги яхшилик билан лиммо-лим тўлган бола эдим. У маҳаллар даштларга ўтин тўплагани чиқардик. Отам ўтиб кетган, тўрт ака-уканинг елкасига рўзгор деган жуда оғир юқ тушиб қолган эди. Уй-жойимни, рўзгоримни бут қилгунимча етти суюгим эзилиб, қирқ сўнгагим майишиб кетди. Энди менинг умрим сизларга ибрат бўлсин” дея, барини бирма-бир айтиб ҳам беради, албатта.

...Айтмай қўярмиди?

ОЛИСДАГИ УРУШНИНГ АКС-САДОСИ

Бу воқеага беш-олти йил бўлди. Аслида, айтишга арзигулик ҳам эмас. Баъзилар кулимсираб қўйишини ҳам сезаётгандайман. Лекин хаёлимдан кетақолмайди-да. Кўл бўйи, бақақуриллоқ. Тўнги самодаги тилларанг ой. Сув ёқасида тимирскиланиб юрган қора шарпа. Шу, холос.

Шу, холос, дейман-у... У манзаралар ортида баҳайбат, ҳаёт деган яшноқ тирикликни сўлдириб, аста-секин бостириб келадиган ғалати бир мусибат сезилгандай бўлаверади.

Пайқагандирсиз, айтишга ҳам тарааддувланиб турибман.

Баҳор маҳали элнинг сон-саноқсиз қишлоқларида, ой ҳаволаган тиниқ кечаларда ҳаммаёқни қурбақа нағмаси тутиб кетишини билмайдиган одам бўлмаса керак. Ариқлардаги, кўлмаклару сув ҳавзаларидағи сон-саноқсиз митти яратиқлар нима учундир ой ёғдусига маҳлиё бўлиб сайрайверишидаи. Зулмат кечаларда эса тек ўтиришидаи.

Баҳор. Ҳавода, тупроқда илиқлик сезилиб қолган, ўтлар ям-яшил, гуллаган буталар кечасиям оқиш бўлиб кўринади.

Қисқаси, тоққа борган эдик. Кўл олдидағи мўъжаз эски далаҳовлига жойлашдик. Кичкина уйча, айвон, чайла, қозон-товоқ... Кўл жимирилаб туриди. Теграсидаги майсалар қизил, сарик, яшил, кўкиш гул очиби. Бориб қараб, ҳайрон қолдим: кўкишлари чақиртикан экан. Ҳатто шуям гуллабди! Баъзилари сувга тўқилибди, орасида кичкина яшил бақа тек чайқалади. Аввалига биттасини кўрган эканман, салдан кейин қарасам, салнарида яна биттаси, кейин яна, яна...


Эрта баҳорда бунақа ҳавзаларда миллионлаб итбалиқлар уруғдан чиқади. Сузиб-сузиб, митти яшил бақаларга айланишидаи. Буни болалигимдан бери биламан. Ҳатто ёмғир кўлмакларида ҳам пайдо бўлиб қолишидаи.

Дўйстларимиздан бири кафтини қулоқларига босиб олди.

– Сукунатдан қулоғим шанғиллаяпти, – деди жилмайиб.

Қулоқ шанғиллаши босим ўзгаргани туфайли. Ҳар ҳолда, анча-мунча баланддамиз. Денгиз сатҳидан бунчалик юксаклиқда таом пишириб бўлмайди, дейишади. Тоғликлар шу сабабли овқатларини қайнатиб эмас, қовуриб тайёрлашади.

Қуёш ботиб, жуда нозик қоронфилик пардаси теваракни аста-секин чулғади. Фавқулодда дуркун майсалар, дарахтлар қиёфаси шом деган уммонга чўма борди. Тизза бўйи ўтлар, гуркираган кўк гулли тиканларнинг шаклу шамойили мулоҳимлашди. Роса узоқларда кичкина уйчаларнинг чироқлари милтиради. Яқингинада эса каттакон қуш овозсиз қанот қоқиб ўтди.



– Тинчлигини қара-я... – деди дўстларимиздан бири.

Теваракни анча кездик. Дараҳтлар орасидан улкан қизғиш ой кўтарилиди. Кўл сувида аксланиб, шуъла йўлакчаси ҳосил қилди. Унда-бунда сув остидан бош кўтарган ўтлар қорамтири бўлиб кўринди. Ёғду теварак рангларини ҳам ўзгартириб, майин, юмшоқ бўёқларга бўяди.

Салдан кейин, ойномо янада ҳаволагани маҳал тўсатдан бақалар хониши бошланиб кетди. Аввалига бир-иккитаси, кейин қолганлари жўр бўлишди. Теварак вақир-вуқир сасларга тўлди. Чунон сайрашяптики, нарёфи йўқ.

Атай бориб, кўл ёқасига қараб келдим. Ўзи кўринмайди, аммо овози қулоқни ёради.

Кўл қоровули озғин, юзи чўтири-чўтири, бармоқлари қийшиқ киши экан. Тоғ халқини сода-самимий деб ўрганиб қолганмиз. Бу – камгап, қошлари ўсиб кетган, бутун туриш-турмуши шу баҳор манзарасига мос тушмайдиган киши, қўлида болтаси, бултурги қуриган шох-шаббаларни бутаб юради.

Агар дўстларимиздан бири хато қилмаганида, у воқеа рўй бермас, менинг ичимда ҳам шу ачинишу ҳайиқишлиар бино бўлмасмиди? Афсуски...

– Шуларнинг овозини ўчиришнинг иложи йўқми? – деди дўстимиз илжайиб, қўли билан кўлни кўрсатиб.

Қоровул бир кўлга, бир унга қаради. Шунда кўзи совуқ йилт этди.

Ўша йилт этишда ҳам теварак манзарасига мос тушмайдиган бир нима сезилди.

– Бор, – деди паст, бўғиқ овозда. – Неч пул берас?

– Шунгаям пул оласизми?

– Соққасини берсангиз тинчтаман, – деди у, руҳсиз. – Ишонаверинг, то саҳаргача биронтасининг дами чиқмай қолади.

Бор-йўқ гапи шу бўлди.

– Бўпти, сиз айтгандай бўлақолсин, – деди дўстимиз ҳам.

Қоровул пулни олиб, яхшилаб чўнтағига жойлагач, шошмасдан кўл бўйига жўнади.

Ой янада ҳавога кўтарилиб, қизғишлиги билинмай кетди, олтиндай ярақлади. Кейин юлдузлар чарақлаб, осмоннинг узоқ-яқин жойларига тилла чангидай сочилди.

Қолгани бир неча дақиқа ичидаги рўй берди.

У киши бир қанча вақт соҳилни айланиб юрди. Нималарнидир чамалаётгани билиниб турарди.

Бақалар нағмаси янада авжига чиқди. Енгил шабада эса бошлади. Шунаёнги тўлиб-тошиб сайрашарди! Самодаги олтин ой шунча жўштиармикин деб ҳайрон эдим.

Кейин кўл бўйида нимадир рўй берди. Ҳалиги киши эгилиб, сувдан бир нимани олди-да, қулоқкашлаб нарироқча отиб юборди.

Отилган нарса ҳўв нарида чўлп этиб сувга тушди. Теварагида кичкина ҳалқалар ҳосил қилиб, қорайиб-қалқиб тураверди.

Шу заҳоти кўл бўйидагиларининг уни ўчди. Сўнг худди бирор атай қилгандай, бошқаларининг саси ҳам тина бошлади, гўё шамол бир эсиб, овозини биз турган жойдан бошлаб узоқларга қадар ўчириб ўтаётгандай эди.

Чирилдоқлар ҳам бор экан, вақиллашлар барҳам топгач, нимагадир чирилдоқлар ҳам жишиб кетишиди.

Теварак тинчиб қолди. Ниҳоятда сокин сукунат чўмди.

– Ия, ғалати бўлди-ку, – дедик бир-биримизга қараб.

У киши кўл бўйида типпа-тиқ, тош қотиб турарди. Ҳар ҳолда яна сас чиқарадими-йўқми деб чамалаётган бўлиши мумкин.

Анчагина вақт ўтгач, бизлар ҳам яқинлашиб бордик.

– Э тавба, нима қилдингиз?

У киши ҳануз ўша руҳсиз овозда жавоб қилди:

– Ой нурида жуда жўшиб сайраётган биттаси бор экан. Тутиб олиб бошидан эзиб ўлдирдим-да, қайтиб сувга отиб юбордим...

Кейин янада руҳсиз оҳангда гўлдиради:

– Афғонистонда... урушда... шунаقا қиласардик!

– Қанақа... қиласардингиз?

– Шу... ўзингиз кўрдингиз-ку!

Ҳаммамизниң нафасимиз ичимизга тушиб кетди.

Тасаввуримда у митти яшил маҳлуқларниң сув бетида оёқ-қўлини тўрт томонга ёйиб, чайқалиб тургани жонланди. Жуда сайрагиси келсаям, яқингинадаги ўлим нафасидан ҳайиқани учун сас чиқаролмасмикин? Ким билсин...

Айтдим-ку, баҳор эди. Теварак яралиш-яратилиш жўшқинлиги ичиди, ҳар тарафда кела-жакда мева бўлиб етиладиган куртаклар нишурган, кўкарган, гул очган, ҳатто юлдузлар ҳам янгидан туғилгандай, ҳамма нарса тозариш палласида эди. Бутун табиатни завқу шавққа тўлдирив юборган эди баҳор.

– Ўлдирса ўлдирнибди-да. Бор-йўғи бақа-ку?

Ҳа, тўғри. Агар кўлда эмас, кўлмакда дунёга келсайди, ўз-ўзидан ҳалок бўлиб кетарди. Баҳорда элнинг бепоён кенгликларида бунақа яратиқлар сон минглаб дунёга келади. Қанчаси яшаб, қанчаси ўлиб кетиши ҳам номаълум.

Бироқ у воқеа менга нима учун шунаقا қаттиқ таъсир қилмоқда? Болалигимда ўзим ҳам нечтасини ўлдирганман-ку? Ниначиларининг қанотини юлиб олганман, хивчин билан уриб қанчадан-қанчасини жонидан жудо қилганман, таъсирланмаганман-ку? Таъсирланиш не, нима қилганимни ўйлаб ҳам кўрмаганман.

Энди эса...

Овқатимиз пишди. Ҳақиқатан ҳам чирилдоғу бақаларниң саҳаргача дами чиқмади. Бир нимадан қўрқиб-ҳайиқиб, тек ўтиришаверди. Бизлар ҳам ўша жимжитлик аро едик-ичдик, кўл яратиқларининг тутумидан ҳайратланиб, ухлагани ётдик...

Тушимга болалигим кирибди. Бениҳоя кучли порлаган қуёш ҳар тарафни зар билан ўраган, ўзим каби навқирон дарахтлар орасида чопиб юармишман. Бобом, энам, отам тирик, менга кулиб қараб туришармиш. Шоҳдаги кўм-кўк хом олмалардан узуб, уларга узатармишман...

Қушлар сайроғидан ўйғондим. Қуёш чиқиб, кундуз оламга ёйилибди. Ҳамма ёқни тутиб кетган чугурларга кулимсираб қулоқ солиб ётарканман, кечаги ҳодиса эсимга тушди.

“Шуларниям биронтасини ўлдириб, дарахтга осиб кўйса, қолганлари чугурламасмикин?” деган ғалати ўй келди хаёлимга.

Чўмилмоқчи ҳам бўлдик, лекин ҳаво салқин эди, бунинг устига, ўлик бақа бор кўлга тушгимиз келмади. Нонушта қилиб, яна бироз айланниб, изимизга қайтавердик.

* * *

Орадан йил ўтгач, болалар тогу тошга оборинг дейишганида, “Хўп” дедиму кейин... боргим келмаётганини пайқаб қолдим. Оёғим ҳеч тортмади. Тоғда нима бор, дала-даштта чиқинглар десам, тушунишмайди. Дала-дашт дейман-у, у ёқда ҳам Худонинг беозор маҳлуқлари яшаб юришгани кўз олдимга келади. Ўша жойда ҳам бирон ноҳуш воқеа рўй берса-я, деб ўйлайман.

Хаёлимда ҳали-ҳануз ўша, сокин жимиirlаган сув. Ҳаволаб кетган ой, кўл ёқасида шамдай қотиб турган киши ҳамда биргина, бор-йўғи биргина жинсдошининг ўлдирилганидан қўрқиб, то саҳаргача дами ичига тушиб кетган беозор маҳлуқлар.

Ҳалиги киши ўша жойларни шошилмасдан айланниб юрганга ўхшайди.

У қиёфа яна кўп манзараларни ҳосил қиласди. Ўтган жойида майсалар қуриётганини кўриб қоламан. Яшноқ фасл ичра кезган ёвуз шарпа бўлиб туюлади. Туюлиши не, руҳсиз нигоҳию қийшиқ бармоқларигача аниқ-тиниқ кўраман.

...Ростдан ҳам, одамнинг айттиси келмайдиган воқеа. Болаларни ҳеч қаёққа юборгим келмаганининг сабаби шу. Ҳа, ўшандай ҳодисага яна дуч келишмасин, барқ урган ҳаёт жўшқинликлариаро фақат яхшиликлар ичиди улғайишсин, митти юраклари некбинликлар билан тўлақолсин дейман...

Бир отанинг истаги яна қанақа бўларди?

Kamtarin umr yodi

*Х*амидулло
MURODOV

Манишиў

Байтқўргон қишлоғида яшайдиган Иброҳим амаким бир гал бизнигiga келганларида менга: “Ҳамидуллажон, ўғлим, ёзувчи бўла-диган ҳаракатингиз бор. Ўқтамжон акангиз билан бир учраштириб қўяман”, деб қолди. Ёзганларим у-бу нашрда чоп этилиб турган ёш ижодкор сифатида, мен ана шу кундан бошлаб Ўқтам Усмон билан бўладиган учрашувни муштоқлик билан кута бошладим. Ўша кезларда Ўқтам аканинг асарлари, аллақачон, ўқувчилар назарига тушган, китоблари эса қўлма-қўл бўлиб ўқилаётганди. Кўп ўтмай, Ўқтам ака Ёзувчилар уюшмасига котиб бўлиб ишга ўтди. Мен эса амакимнинг тавсияси билан уюшмага бордим. Ўқтам ака билан Ёзувчилар уюшмаси биносида жойлашган “Китоблар” дўкони ёнида учрашиб қолдик:

Ҳамидуллажон, укам, келибсиз-да, – деб қўл бериб қўришди, ҳол-аҳвол сўраб хонасига таклиф қилди. Котибасига чой буюриб, мен билан Бўстонлиқ (собиқ Хўжакент) тумани, қишлоқларимиз, қавму қариндошларимиз ҳақида анчагача гаплашиб ўтириди.

– Ҳамидуллажон, эшитдим, шеър ёзар экансиз, олиб келинг. Бу ерда Сафар, Мирпўлат, Ҳожиакбарлар бор, Қуддус бувангиз ҳам бор, кўриб беришади. Ҳа, дарвоҷе, ёзганларингиз тогларимиз, табиатимиз ҳақида-я? Бошқаларга сира-сира ўхшамасин, уларда Бўстонлиғимиз мана мен деб қўриниб турсин...

Шу учрашув сабабми ё ёзганларим устозларга чиндан маъқул келдими, билмадим, матбуотда чиқишлиар қила бошладим. Қуддус Муҳаммадий билан тез-тез учрашиб, маслаҳатлар ола бошладим.

1986 йилнинг сентябр ойида ўтказилган республика ёш ижодкорларининг IV семинарига қатнашдим. Ёзганларим ҳақида Қуддус Муҳаммадий, Пўлат Мўмин каби устозлардан илиқ сўзлар эшитдим. Илк шеърий китобим нашрга тавсия қилинди. Бу менга озми-кўпми устозлик қилиб, йўл-йўриқ кўрсатган болажонларнинг севимли шоири Қуддус Муҳаммадийнинг ҳамда иқтидорли адабиимиз Ўқтам Усмоновнинг қилган саъй-ҳаракатлари натижаси эди.



*Х*амидулло
МУРОДОВ

1946 йили туғилган.
Тошкент давлат педагогика институти (ҳозирги педагогика университети)ни тамомлаган. “Ғалати бўталоқ”, “Товоқсойда тонг”, “Кийик булоқ”, “Қалдирғочлар қўшиғи” каби китоблари нашр этилган.



Ёнбулоқда

Ўқтам ака билан ҳар гал учрашганимда: “Ҳамидуллажон, биласиз, мен Сойлиқ қишлоғида туғилиб ўстганман. Шунинг учун тоғларни яхши биламан. Энди сиз мақтаган Товоқсой тоғларини ҳам бир кўрсак, ёмон бўлмасди”, дерди.

Ўқтам ака, сиз қачон Товоқсойга чиқамиз десангиз, ўша куниёқ чиқаверамиз, тоққа чиқишдан қочиш йўқ, – дердим.

Ниҳоят, 1985 йилнинг 8 май куни Ўқтам ака билан ўзим хуш кўриб мақтайдиган тоф – Ёнбулоққа қараб йўл олдик.

Тоғимизга чиқсанлар жуда яхши билади, қишлоғимиз уйлари тугаши билан баланд-баланд қир-адирлар орасидан илон изига ўхшаш буралиб-буралиб кетган сўқмоқ йўллар бошланади. Бу йўлларнинг бошланиш қисми пиёда юрувчилар учун бироз тикроқ. Айниқса, тоққа чиқиб юрмаганлар учун бироз оғирлик қиласди. Шунданми, озгина юргач Ўқтам ака менга ҳоргин қараб:

Йўлингиз тикроқ экан... – деди.

Назаримда, Ўқтам ака мендан сал рањигандай туюлди. Қарашидан: “Агар йўлнинг бунақалигини аввалроқ билганимдами...” – деган маънони уқиб олдим.

– Бироз юқорироқ кўтарилийлик, манзарани кўриб мендан хурсанд бўласиз, – дедим шоша-пиша.

Дарҳақиқат, боши тикроқ бошланган тош йўлимиз бир-икки тепалик айланиб ўтилгач, кенг текисликка – қир-яйлов ўтлоқларига олиб чиқарди. Ўтлоқзор манзараси жуда чиройли ва гўзал бўлиб, бағрида шашир, сирож япроқлари қуюқ ўсиб ётарди. Ана шу ерда туриб бутун Чирчиқ воҳасини, Бўстонлигимиз бағрида жойлашган қишлоқларимизни кузатса бўларди. Чоратрофдаги бетакрор гўзалик, ям-яшил манзаралар кишидаги бор чарчоқни аритиб юборарди. Дилемдагидай бўлди, қирнинг устига чиқсанимдан кейин Ўқтам ака йўл четидаги тошга бориб

ўтириди-да, атрофни ҳавас билан кузата бошлади.

О, нақадар гўзал манзара! Бир ёнда Чирчиқ шаҳри, бир ёнда Бўстонлиқ қишлоқлари, ҳатто Чорбоғ сув омбори ҳам кафтимиизда тургандай кўриниб туриби-я. Товоқсой қишлоғингиз манзараси эса жуда гўзал! Кўряпсизми, қандай ажойиб-а!..

Тоғнинг баланд-паст, илонизи йўлларидан юриб борар эканмиз, Ўқтам ака она табиатимиз, тоғларимиз ҳақида мароқ ва ҳаяжон билан гапиришдан тинмасди. Гап билан бўлиб, Ёнбулоқ тоги ён бағирларини тўлдириб ўстган арчазорга ҳам етиб келибмиз.

– Мана, бу кўриниб турган дараҳтлари қуюқ манзил, гўзал манзарали гўша – Ёнбулоқ! – дейман мен.

– Ёнбулоқ! Ёнбулоқ! – манзилимиз номини тақрорлайди Ўқтам ака. – Ажойиб! Қаранг! Бундай гўзал манзарали жой мен кўрган тоғлар ичида йўқ. Ҳа, айтгандай, булоқ қани?

Биз ёлғиз оёқ сўқмоқ йўлдан пастга, булоққа қараб энлаймиз. Юз-юз эллик одим юриб сувлари жуда тоза, тиниқ, шарқираб оқиши жарангдор булоқ олдидан чиқамиз.

– Жой танлашда янгилишмабсиз, дидингиз зўр, Ҳамидуллажон! Мен боя айтганимдай, бундай гўзал манзил бирор жойда йўқ. Яшил либосли кўркам дараҳтларга қаранг... лолаларга қаранг...

Ўқтам ака Ёнбулоқ сувидан ҳовучлаб-ҳовучлаб ичаркан, атроф манзараларининг тавсифидан сира тинмасди. Ўзи каби пок орзулар қиласди:

– Қани, мана шундай гўзал манзара бағрида ижод аҳли учун дам олиш маскани қурилса, ижодкорларга мавзумни табиатнинг ўзи берган бўлармиди...



Сўнгти учрашиш...

Ўқтам ака катта қалб эгаси, меҳр-оқибатни ўйладиган, каттаю кичикни бирдай ҳурмат қиласидан инсон эди. Ижод аҳлини жуда қадрлар, қўлидан келган ёрдамини аямас, бирини ака, бирини ука, деб ардоқларди. У қандай лавозимда ишламасин, ўз касби ва ҳамкаслари учун доим хайрли ишлар қиласиди.

– Ҳаракат қилинг, Ҳамидуллажон. Сўлим боғ, солиҳ фарзанд, яхши китоб – дунёда инсондан қоладиган энг катта бойлик, – деган эди Ўқтам ака ўшанда.

Ёзувчилар уюшмасида ҳам, Кинематография-чилар уюшмасида ҳам, марказий газетада ишланида ҳам тез-тез олдига ҳол сўраб кириб турардим. Ҳол сўраш узоқ сухбатга айланиб кетарди. Адабиёт, адаблар ҳақида, айниқса, Бўстонлиқда яшаган шоирлар ижодидан сухбатлашардик. Мавзу айланиб-айланиб Бўстонлиқ табиатига кўчарди. Саёҳатга чиққан еримиз – Ёнбулоқ тоғи манзаралари сухбатимизнинг асосини ташкил қиласиди. Асрий, девқомат яшил арчалар, номли, номсиз қорли чўққилар, тиним билмас булоғу жилгалар бир-бир сўзга кўчарди. Баҳор келса, албатта, ўша ерларга чиқамиз, деб ният қиласиди. Афсуски, бу ширин ниятлар ниятлигича қолди. Начора, инсон кутилмаган дардлар олдида ожиз экан.

Сўнгги бор Ўқтам ака чет эл сафаридан қайтганида, ҳозирги “Ўзбекистон овози” газетаси таҳририятида учрашдик. Ўқтам ака саёҳати чоғида кўрган-кечиргандарини мароқ билан узоқ ҳикоя қилиб берди. Одати бўйича чой дамлаб узатди. Қайтар чоғимда “Ҳамидуллажон, келиб туринг, одам одамга ғанимат” деб эшиккача кузатиб чиқиб хайрлашди.

Ўқтам акамнинг ўша пайтдаги қувноқ қиёфаси, чарақлаган тим қора кўзлари хотирамда бир умрга муҳрланиб қолган. Буни сира-сира унутолмайман, унтиб бўлмайди ҳам. Бу дунёни тарқ эттанига йигирма етти йил бўлибди, ишонгиси келмайди одамнинг. Мен ҳамон улкан адаб ишлаган жойларига бориб тураман. Аммо у кишини топа олмайман. Шундай кезларда Ўқтам ака ёзган китобларга қўл чўзаман. “Гирдоб”ни, “Қисмат”ни, “Кишан”ни такрор ўқийман. Ҳикоя-



лар тўпламларини варақлайман. Шунда бироз тасалли топаман. Ўқтам ака билан фойибона сирлашгандек, уни кўргандек бўламан. Бу асарларни адаб ҳаётига қўйилган муқаддас ҳайкал деб биламан. Бу ҳайкал бугун мустақил юрт, озод Ватан тупроғи бағрида турибди.

Шу эл, шу табарруқ замин бор экан, Ўқтам Усмонов ҳам юракларда мангу барҳаётдир.



Машхура
ШЕРАЛИЕВА,
филология фанлари бўйи-
ча фалсафа доктори.

1976 йили тұғылган. Андіжон давлат үніверситетининг ўзбек филологияси факультетини тамомлаган. “Адабиётшунослик лугати” (ҳаммұаллифликда), “Бобурнинг андишаси” номли китоблари, “Хозирги ўзбек насрода киноя” номли монографияси чоп қилинганды.

Mashhura
SHERALIYEVA

“Mo‘minlik ham QADRIYAT...”

Чингиз Айтматов ўзининг ҳикоя, қисса ва романлари билан аллақачон ўзбек китобхонларининг қалбини забт этган. Унинг кўплаб асарлари қатори “Оқ кема” қиссаси (1970) ҳам ўз вақтида жуда катта баҳс ва мунозараларга сабаб бўлган эди. Чунки қиссанинг бола, Мўмин чол, Ўрозқул каби қаҳрамонлари, уларнинг ўзаро муносабатлари кишида қарама-қарши ўй-фикрлар, ҳислар уйғотади. Зотан, ёзувчининг мақсади ҳам шу эди аслида. Қиссага “Эртакдан сўнг” деб иккинчи сарлавҳа қўйилиши унинг улгайиш ҳақида, улгайиш машиқатлари ҳақида эканига ишора қиласди.

Қисса бундай бошланади: “Унинг икки эртаги бўларди. Бири ўзиники бўлиб, уни ҳеч ким билмасди. Иккинчисини эса бобоси сўзлаб берганди. Кейин биронтаси қолмади. Гап шу хусусда”. Дарҳақиқат, қисса давомида рўй берган воқеалар боланинг эртакларини парча-парча қилиб юборади, унинг дунёси остин-устин бўлиб кетади. Албатта, инсон умрбод эртак билан яшай олмайди, барча-барча одамлар эртами-кеч ҳақиқий ҳаётга рўпара бўлади. Қиссада буни кўтаролмаган бола балиққа айланиб, отаси хизмат қиласидиган оқ кема томон сузуб кетади. Демак, қисса ўрозқуллар мўминчолларни камситадиган, хўрлайдиган оламда бола яшашни истамагани ҳақида. Бироқ қисса фақат шу хусусдагина эмас.

Қиссада бола балиққа айланиб узоқларга сузуб кетишни орзу қиласди. Айниқса, ўзининг бобосидан бошқа ҳеч кимга керак эмаслигини ҳис қилганида, Ўрозқул Бекей холани тутиб олиб урганларида, кампирнинг норозиликлари учун ўзини айбдор сезганида бу истак кучайиб бораверади. Зотан, бола ўзи яшаётган оламда ўзини ожиз ҳис қиласди. Қизиги шундаки, барча муаммоларнинг сабабчиси бўлган Ўрозқул ҳам ўзи яшаётган ҳаётни жинидан баттар ёмон кўради, қаерларгадир бош олиб кетгиси келади (“Ўрозқулнинг шаъни ва амалига ярашмайдиган, унинг кўнглидагидек бўлмаган бу дунёга ўт тушсин”). Унинг бефарзанд эканлиги аламзадалигини изоҳлайдиган юзадаги сабаб, холос. Чунки у бефарзандликдан ташқари, каттароқ амалга эришолмаганлигини ҳам тақдирнинг адолатсизлиги деб ҳисоблайди. Ўрозқул ич-ичидан ўзига ниҳоятда паст баҳо беради, бу ҳисдан азоб чекади. Буни ҳатто ўзидан ҳам яшириш учун бошқалар-

ни камситиш эвазига ўзига бўлган баҳони тиклаб олишга ўрганган. Шу боис ҳам амал ва пул унинг учун шахсиятидаги етишмаётган нарсаларнинг ўрнини тўлдириб олиш воситасига айланган. Ич-ичидан ўзини ҳурмат қилолмагани учун катта амалда ўтириб катта ҳурмат кўришни, бу орқали ичидағи бўшлиқни тўлдириб олишни хоҳлайди: “Қани энди ўша ёқса етишсанг, бирон жойга ўрнашиб олсанг экан. У ерда одамларни амалига қараб ҳурмат қилишни билишади... Катта амалга – катта ҳурмат”. Ўрозқулнинг ўзини Мўмин чолга қиёслашлари ҳам ўз-ўзига баҳосини кўтариб олиш истагидан: “Умрида эса бирон инсон унга (Мўмин чолга – М.Ш.) қарам бўлган эмас, у эса ҳаммага қарам бўлиб келган, ҳатто ўзининг кампирига ҳам – чол унга бир сўз қайтаролмайди”. Мўмин чол эмаслигининг ўзиёқ Ўрозқулга таскин беради, Мўмин чол эмаслигига ўзини ишонтириш, ўзининг ундан қанчалик баланд эканини таъкидлаш учун ҳам чолни камситаверади, камситаверади.

Кўрамизки, Ўрозқулнинг ўзидан норозилиги ўзини, ҳаётини ўзгартириш томон йўналтирилмайди, аксинча, ташқаридаги кимгadir, нимагадир қаратилади. Биргина мисол. Ўрозқул чўпонларнинг зиёфатларида ўтириб, ёғоч борасида қоп-қоп ваъдалар берган, ваъдини бажариш вақти келганида эса ёғоч судраб юриш алами, қўлга тушиб қолиш хавотири уни қуюшқондан чиқариб юборади: “Лекин Сейдаҳмад узоқда. Загчаларга ҳам қўл етмайди. Ҳаммасининг аламини хотинидан олиши мумкин – лекин уйга етиш амримаҳол. Биргина Мўмин чол бор”. Мўмин чол – кекса одам, Ўрозқулнинг хотини – эрга тобе аёл. Ўрозқул эса қўл остидагиларни, ожизларни камситиб, бундан ҳузурланишининг тагида ўз ожизлигини тан олмаслик истаги яширганидан бехабар. Ана шундай – кўз олдимиизда иккита Ўрозқул намоён бўлади: биринчиси – бераҳм ва зўравон иккинчиси – ожиз ва нотавон.

Шунга ўхашаш ҳолат Мўмин чолда ҳам кузатилади. Бироқ фарқ шундаки, битта Ўрозқулда иккита Ўрозқул яшаяпти, Мўмин чол эса битта бўлгани ҳолда унда иккита Мўмин чолни кўришга ўрганиб қолганмиз. Яъни Мўмин чолда кимни кўриш унга ким қандай муносабатда бўлишини белгилайди. Унинг таърифига эътибор беринг-а: “У очиқкўнгиллиги, ҳатто сал-пал биладиган одамига ҳам бирон яхшилик қилишга тайёрлиги, ҳар кимнинг хизматига ҳозири нозирлиги, ҳаммага садоқати ва хушмуомалалиги туфайли шундай лақаб (Мўмин чаққон – М.Ш.) олганди. Аммо



тиллани текин тарқатишганда ҳеч ким учун қадри қолмаганидек, унинг жонбозлигининг қадрига ҳам ҳеч ким етмасди. Унинг ёшидаги кишиларга қандай ҳурмат ва иззатда бўлишмасин, Мўминга ҳеч ким бундай муносабатда бўлмасди”. Кейинроқ яна ўқиймиз: “Ўз ҳурматини талаб қилишнинг уддасидан чиқмаган кишини одамлар оёқости қилаверади, деб бекорга айтишмаган-да. У шунинг уддасидан чиқмасди”. Ёзувчи яна таъкидлайди: “Мўминнинг бутун умри эрта тонгдан қора кечгача ишда, ташвишда ўтди, лекин ҳурмат талаб қилишни ўрганолмади”. Бу ерда ғалати пародоксга дуч келамиз. Ёзувчи Ўрозқулнинг катта амал ва катта ҳурмат ҳақидаги ўйларини маъқулламайди, Мўмин чолнинг ҳурмат талаб қилишни билмаслигини ҳам мақбул ҳолат деб билмайди. Ўрозқулнинг ҳурматталаблиги сабабини биламиз – Ўрозқул амал ва унинг ортидан келадиган “ҳурмат” воситасида ўз шахсиятидаги етишмовчиликни, руҳиятидаги бўшлиқни тўлдирмоқчи. У ҳолда нима учун ёзувчи Мўмин чолнинг ҳурмат талаб қилмаслигини фазилат ҳисобламайди?

Одам баъзан ўзига етишмаётган нарсаларни бошқаларга бериш орқали ана шу эҳтиёжини на-моён қиласди. Мўмин чол аслида бошқалардан кутгани – ҳурматни уларга кўрсатади, бошқаларнинг меҳр-эътиборига муҳтож бўлгани учун ҳам уларга яхшилик қилаверади, ўрозқулларнинг айбини кечираверади. Бу жиҳатдан қаралса, Мўмин чол руҳиятидаги эҳтиёж ҳам бўшлиқ, лекин Мўмин чол Ўрозқул каби йўл тутмагани учун ҳам руҳан хотиржам. Қисқаси, Мўмин чол бошқалардан кутгани муносабатни уларга, аввало, ўзи кўрсатади. Қолгани энди Мўмин чол билан муносабатдаги кишиларга боғлиқ: тиллани бекорга олгандек уни қадрламасдан, Мўмин чолга



баланддан келиб мумаладими ёки унинг муносабатига муносиб жавоб қайтарадими – буниси ҳар кимнинг виждонига ҳавола.

Бироқ ҳар доим ҳам ҳамманинг кўнглини бирдек олишнинг имкони йўқ. Ёзувчи Мўмин чолни Ўрозқулнинг бадхоҳлигига нисбатан исёнга олиб келиш учун ҳам чолни бола ва Ўрозқулнинг ўртасидаги танловга рўпара қилади. Кейинроқ эса Мўмин чолнинг қизи ва Шоҳдор она буғу ўртасидаги танлов ўртага тушади. Биринчи вазиятдаги Мўмин чол ва иккинчи вазиятдаги иложисиз Мўмин чол орасида нақадар катта фарқ бор-а... Моҳиятда-чи? Яқинлари учун исён қилган Мўмин чол яқинлари учун ўзлигини қурбон қилади – ўзи истамаса ҳам Шоҳдор она буғуни ўлдиради.

Ўрозқулнинг тантанаси ва Мўмин чол ўзлигини қурбон қилган вазият қиссанинг бош қаҳрамони – боланинг ҳаётида ҳал қилувчи аҳамиятга эга. Шу нуқтада бола иккига ажралади. Унинг ҳамма нарсага адолатли ва тўғри баҳо бера оладиган бола қалби балиққа айланаб оқ кема томон сузуб кетади. Соҳилда қолган бола учун эса икки йўл бор: ё Мўмин чол, ё Ўрозқул бўлиб яшаш. Бундай танловни кўтаролмаган, қабул қилолмаган қисми оқ кема томон кетди. Соҳилда қолган бола эса мана шу икки йўлдан бошқасини кўра олмайди. Ҳар қандай кўнгилсизлик, муаммолар учун айбсиз айбдор мақомида қоладиган Мўмин чол бўлиб яшайдими ёки бошқаларга зулм қилиш эвазига ўз ожизлигини ўзидан ҳам яшириб яшайдими – буни биз билолмаймиз.

* * *

“Оқ кема” қиссасида авлодлар ўртасиги муносабат бола ва катталар дунёси тарзида берилгандек кўринади. Аслида эса қиссада уч авлод вакили тасвиранган – Мўмин чол, ўрта ёшли Ўрозқул ва бола. Бу жиҳатдан Исажон Султоннинг “Қисмат” ҳикоясида қўйилган муаммо билан айрим умумийликларни кўриш мумкин. “Қисмат”нинг қаҳрамонлари уч ўғил ва ота. Шунингдек, ҳикояда отанинг отаси ҳақида ҳам гап боради. “Қисмат”даги ота “Оқ кема”даги Ўрозқул каби бефарзанд эмас, лекин Ўрозқул каби ниҳоятда аламзада. У ҳам муттасил ичади, ичиб олиб хотинини уради. У ҳатто ўз отасига қўл кўтаришгача борган, Ўрозқул эса қайнотаси Мўмин чолга қўл кўтарган. Шунга ўхшаш муштарак жиҳатларни кўплаб келтириш мумкин. Лекин муҳими бунда эмас. Муҳими, “Оқ кема”даги бола ва “Қисмат”даги катта ўғил образлари орқали қўйилган муаммода.

“Қисмат”да катта ўғилнинг хотираларидан: “Умр бўйи ота деб ёнингга яқинлашолмадим, бир бола бўлиб бағрингда эркалангим келса-да, ҳайбатингдану ўшқиришингдан чўчишим, токи ўн икки ёшимга етгунча мени кўтариб томга отиб юборишингдан кўрқардим”; “Бола бўлиб ота нималигини билмаганим етмади...” “Оқ кема”нинг қаҳрамони ўзи умрида кўрмаган отасини қанчалар соғинади, унинг ҳаётида отанинг ўрни билинади, унга шу қадар эҳтиёж сезадики, И.Султон қаҳрамонининг қисмати униқидан кам эмас: ота-

си тирик ва ёнида бўлатуриб, катта ўғил ҳам отага шу қадар эҳтиёж сезади.

Ўрзқул ичиб олиб хотинини дўпослаётганида бола бобосининг аҳволини кўриб жуда ачинади. Охир-оқибат бола уйқу ва иситма аралаш орзу қила бошлайди, хаёлан Шоҳдор она буфуга мурожаат қиласди: “Сен шоҳингда бешик олиб кел. Шундай қилгинки, бобомиз йигламасин, шундай қилгинки, Ўрзқул амаки Бекей холани урмасин, шундай қилгинки, уларда фарзанд туғилсин”.

Бир қарашда болада ҳамдардлик туйгуси кучли бўлгани маъқулдек кўринади. Лекин бу эмпатия туйгуси эмас. Эътибор беринг-а, бола энди ўз орзуси билан эмас, ўзганинг орзуси билан яшай бошлади. Ўзининг тинчлигию хотиржамлиги ўзганинг истаги амалга ошишига боғлиқ эканини ич-ичидан ҳис қилгани учун ҳам энди ўз ҳаётини кўйиб, бошқанинг ҳаётини яшай бошлади ҳисоб (Бу фикрга эътиroz билдирувчиларга савол: Ким ўзининг фарзанди гўдак ёшидаёқ катталарнинг ташвиши билан яшашини истайди?) Мўмин чолнинг кўзлари ҳар доим: “Нима истайсан? Бирор оғирингни енгил қилайми? Мен тайёрман, фақат айтсанг бас, нимага муҳтожсан?” дегандек мўлтираб туришини назарда тутсак, боладаги иложсизлик туйгуси уни Мўмин чол каби қадр-қимматсиз бўлиш томон етаклаши мумкинлиги ойдинлашади.

“Қисмат”даги отанинг катта ўғлига ўзининг ҳаётини яшаш насиб этмайди. У гўдаклигиданоқ онасининг ташвиши билан яшай бошлаган: “Энамни урганларингда қўлингга ёпишганларим эсингдами?” “Эсимни танибманки меҳнат қилдим, ҳайбатингдан қўрқиб уйдан кўчага чиқолмадим”. “Оқ кема”даги балиқقا айланиш билан “Қисмат”даги отанинг руҳи балиқقا ўтиши ўртасида қанчалик алоқа борлигини билмаймиз, лекин балиқقا айланиш ҳар икки асарда бошқабошқа вазифаларни бажаргани аниқ. Ҳикояда балиқни айнан катта ўғил тутиб келиб онага пишириб беради ва унинг ўзи ҳам ейди: “Катта акам балиқ гўштини узоқ вақтлардан бери емаганини айтиб, тилда эриб кетадиган бундай мазанинг қайдан келганига ҳайратланар ва мазани узоқроқ ҳис қилиш учун кўпроқ чайнашга уринар эди”. Ота руҳи яшаётган балиқни ейиш она ва катта ўғилнинг ҳаётида ота яшашда давом этा�ётганинг рамзи бўлиб, фақат фарқ шундаки, ёшини яшаб бўлган она кечириш, эрини ўзича тушуниш, ундан рози бўлиш орқали “кўзлари равшанлашэтган”ини ҳис қиласди. Катта ўғилнинг эса қисмати бўлак: ичкилик ва алам қалб кўзини кўр қилиб

кўйган отанинг ҳаёти ундан энг кўп азият чеккан катта ўғил – аламзада ва бераҳмроқ бўлиб қолган ўғилнинг ҳаётида давом этади, буни унинг хотиррасидан ўчмаётгтан жароҳатлар ҳам айтиб турибди: “Ичиб келиб, ҳаммани тумтарақай қилганларингда-чи? Менга кетмон отганингда елкамни ўпириб юборувдинг, изи ҳалиям бор, ҳалиям қони силқиб турипти, елкамда эмас, ичкарида, юрагимда!” Нақадар аянчли манзара.

Агар Ўрзқул, Мўмин чол ва бола образларига “таъқиби – қурбон – ҳалоскор (ҳакам)” архетипи нуқтаи назаридан қарасак, муаллиф учун бола аввалига воқеалар ва одамларга баҳо берадиган ҳакам вазифасини бажаради. Бироқ кейинроқ вазият боладан ҳалоскор бўлишни талаб қила бошлайди. Бола Мўмин чолни ва Бекей холани Ўрзқулдан қутқара олмай, хаёлан Қулибекни ёрдамга чақиради. Бу эса – “Қисмат”даги ўғил она ни ураётган отанинг қўлига ёпишганидек заиф ҳаракат. Ёш бола учун хаёлот дунёсига чекиниш табиий ҳол. Лекин худди шу ўринда у қадар табиий бўлмаган яна бир ҳол рўй беради.

Мўмин чол ва Бекей холанинг Ўрзқулга муносабатини ҳазм қилолмаган бола дастлаб шундай ўйлади: “Нега кечиришади? Бунақа одамларни кечирмаслик керак. У ярамас, саёқ одам. Бизга унинг кераги йўқ. Усиз ҳам кунимиз ўтади”. Бу болалик ақли билан англанган ҳақиқатда мантиқ бор. Лекин қисса охирида иситма ичиди бола Шоҳдор она буфуга шундай илтижо қиласди: “Ўрзқул амаки Бекей холани урмасин, шундай қилгинки, уларда фарзанд туғилсин. Мен ҳаммаларини севаман, Ўрзқул амакини ҳам севаман, сен унга фақат фарзанд бер. Уларга шоҳингда бешик олиб кел...” Ёш бола ҳаммани бирдек яхши кўришини тушуниш мумкин, лекин Бекей холани ураётган, Мўмин бобога азоб берәётган Ўрзқул амакини ҳам яхши кўришни қандай тушунса бўлади?

Исажон Султоннинг “Кичкина пуштиранг маҳлуқча” ҳикояси айнан мана шу ҳодисани “тушунтиради”. Албатта, ҳикоянинг мазмуни сизга таниш: оёғи ипга боғланган қуён боласига қасд қилган бўғма илон, хавф бироз ўтганини сезган қуёнболанинг қочиб қолиш ўрнига илон думига бориб суйкалиши, бу манзарани кузатиб турган кичкина маҳлуқчанинг ноласи... Илон пайдо бўлгунига қадар ҳаёт сурори ҳақида тўлиб-тошиб куйлаган пуштиранг маҳлуқча ўзи кўриб турган манзарага дош беролмай қўлларини еб битиради.

“Оқ кема”даги бола ҳам ўзи кузатиб турган манзарага тоқат қилолмай қолган пуштиранг маҳлуқчага ўхшаб кетади. Бироқ у пуштиранг маҳлуқчадан фарқли, бошқалар қатори қурбон мақомига ўтишдан, Ўрозқулни “яхши кўриш”дан бошқа чора топа олмайди. Шу ўринда Ўрозқулнинг ўйларини эслашга тўғри келади: “Замон бўлган-ку, ахир, бошлар учиб кетган, ҳеч ким чурқ этмаган. Аксинча, кўпроқ яхши кўришган, кўпроқ куйлашган. Мана бу хўп замон бўлган-да! Энди-чи? Ярамасларнинг энг ярамаси ҳисобланган мана бу чол ҳам дабдурустдан гап қайтаришини ўйлаб топди”.

* * *

Ўзбек адабиётида Мўмин чол каби қаҳрамонлар Ч.Айтматовнинг “Оқ кема”сидан аввал ҳам, кейин ҳам кўп яратилган. Абдулла Қаҳҳорнинг “Ўғри” ҳикоясидаги (1936) Қобил бобо, Шукур Холмирзаевнинг “Подачи” ҳикоясидаги (1975) Остонақул чол,Faфур Шермуҳаммаднинг “Қудуқ” қиссасидаги (2013) Лаллай ва ҳоказо. Уларнинг гапи рузвичи исмлариёқ қаҳрамонларнинг асосий сифатига ишора қиласди, ҳатто Остонақул исми ҳам (остона – ҳамма босиб ўтадиган жой). Бунақа образлар одатда қизгин баҳс-мунозараларга сабаб бўлади. Жумладан, “Қудуқ” қиссасидаги Лаллай образи ҳақида ҳамкаслар билан ўзаро баҳсимизда кимдир ҳозирги замонда Лаллайга ўхшаган одам умуман кун кўролмаслигини, бошқа бирор Лаллай кишида қанақадир ғашлик пайдо қилишини айтди, ёшлардан бири эса уни танишларидан бирига ўхшатиб устидан кулишгача борди. Шунда ёши улуғ устозларимиздан бирининг ҳикматнамо гапи баҳсни қизиқ жойида таққа тўхтатиб қўйди: “Мўминлик ҳам қадрият...”

Мўмин чол ҳақидаги гапларимизни унга қандай муносабатда бўлиш унинг атрофидаги кишиларнинг виждонига боғлиқ эканидан бошлаган эдик. Тасаввур қилинг-а, Қобил бобо, Мўмин чол, Остонақул чол ва Лаллайнинг уларга қарама-қарши қўйилган персонажларга боғлиқ бўлмаган ҳаёти ҳам бор-ку. “Оқ кема”даги боланинг Ўрозқул ҳақида “Бизга унинг кераги йўқ” деб ўйлаши бежиз эмас. Амин ва амалдорларсиз Қобил бобо, Ўрозқулсиз Мўмин чол, бўлим идорасидаги расмиятчи кишиларсиз Остонақул чол ва Эрат, Турдиқулларсиз Лаллайнинг ҳаёти рисоладагидек давом этаверади. Мўминчоллар ҳатто ўрозқулларда ҳам инсонни кўра олади, аммо

ўrozқуллар мўминчолларда инсонни кўришга, улардаги инсонийликни ҳурмат қилишга қодир эмас. Тупроқ каби хокисор Лаллай ҳатто номаълум кишининг устихонларига ҳам ҳурмат билан муносабатда бўлади. Эрат ва Турдиқул эса тирик одам – Лаллайнин тупроқчалик қадрлашмайди.

Масаланинг айни жиҳатини таъкидлаш учун ҳам “Оқ кема” ва “Қудуқ” қиссаларидағи ўхшаш бир эпизодга тўхташ керак бўлади. “Қудуқ”нинг охирида Лаллай ниҳоят ўз оиласи учун қудуқ қазий бошлайди. Буни кўрган одамлар чақирилмаган бўлсалар ҳам ҳашарга келишади, Лаллайнинг қўлидан ишини олиб, ўзлари унга қудуқ қазиб беришади. Бу ишни барча биргаликда, ҳамжиҳатликда қиласди (албатта, бу саҳнада Эрат ва Турдиқулнинг йўқлиги диққатимиздан четда қолмайди). Лаллай қачонки ўзи учун қудуқ қазий бошлаганида кутган нарсасига эришади – одамлар қалбидағи яхшилик булогининг кўзи очилганини кўради. Шу маънода, қиссадаги қудуқ ва сув образи шунчаки яхшиликнинг эмас, балки яхшиликка жавобан қайтарилиган яхшиликнинг рамзига айланган.

“Оқ кема”да пичан ортишга келиб қор бўронида қолган юк машиналарини юргизиш саҳнasi бор. Мўмин чолникида тунаб қолган йигитлар Мўмин чолда ҳеч қандай файритабиий, камситишга арзидиган жиҳатни кўрмайди. Буни фақат меҳмонлик одобигагина йўйиб бўлмайди, чунки ҳали Мўмин чолникига келмасидан аввалроқ Қулибекнинг бола билан суҳбатидаёт қарияни жуда ҳурмат қилишини сезган эдик. Ёзувчи ушбу эпизодни қуидагича якунлайди: “Ҳамма юк машиналари юргизилгач, қўшалоқ шатакка олинганча кечаси хандақقا тушиб кетган машинани тортиб чиқаришди. Бор одамларнинг ҳаммаси уни йўлга чиқариб олиш учун кўмаклашди. Бола ҳам ёрдамлашди. У кимнидир: “Сен нега оёқ остида ивирсиб юрибсан, қани қочиб қол-чи, бу ердан”, дейиншини кутиб, хавфсираб турди. Лекин ҳеч ким бундай демади, уни ҳеч ким қувламади”. Ушбу саҳнадаги ўзаро тенглик, ҳамжиҳатлик, ҳурмат, ҳатто бола шахсига нисбатан ҳам меҳр ва эътибор билан муносабатда бўлиш мўминлик ҳақидаги ҳозирги тасаввурларимизга таҳрир киритса ажабмас. Зотан, “Оқ кема” қиссасидаги бола, Мўмин чол образлари орқали муаллиф ана шундай ҳамжиҳатлик ва ўзаро ҳурматга асосланган муносабатни қарор топтириш ҳақидаги истагини кўрсатган эди.

O'zbekona fazilatlar sohibi

Ўзбекистон Республикаси Фан арбоби, Ўзбекистон Республикасида хизмат кўрсатган ёшлар мураббийи, филология фанлари доктори, профессор, моҳир муаллим Абдугафур Расулов ўзбек адабиётшунослигига салмоқли ҳисса қўйди.

Домланинг илмий фаолияти, шахси ҳақида гап кетганда, шогирдлари, яқиндан билган зиёлиларимиз ўзига хос таъриф берадилар. Қарангки, шу таърифларнинг баргаси узукка кўз қўйгандек Абдугафур Расуловга ярашиди. Мана, эътибор беринг-а: “Одамохун олим”, “Ўзбекона fazilatlar соҳиби”, “Холис ниятли танқидги”, “Куюнгак”, “Яхшилик угун түгилган”... Мураббий ҳақида бундай эътирофларни келтириар эканмиз, кундаликларида қолган мана бу: “Ўқидим, ўргандим, ўргатдим. Ҳаёт кўп бора синади, синмадим. Тинимсиз изландим. Самара эса яратган китобларим, рисолаларим, ўқиган маъruzalарим, шогирдларимнинг борлиги. Агар шу озгина меҳнатим маҳсули кимнидир қизиқтириса, бирор корига асқатса, эслансам, демак, умрим зое кетмабди”, гаплари хаёлни тортади.

Ҳа, Абдугафур Расулов минглаб кишиларнинг қалбига эзгулик ниҳолларини қадади-экди. Росманасига бир инсоннинг, олимнинг, мураббийнинг бу оламдаги йўлини викор билан босиб ўтди.





Саид Ахмад, Олмос Ахмедова, Умида Расурова ва бошқалар билан. 2004 й.

Абдуғафур Расулов устозлар, қурдошлар даврасида ўз овозига, мустақил мунаққидлик қарашиларига эга олим әди.

Бахтиёр Назаров



1959 й.

Абдуғафур Расуловнинг инсон ва олим сифатидаги сурати ҳамда сийрати түғрисида кўп гапириши мумкин. Бироқ уни билганинг кўйидаги таърифи олимнинг барҳаётлигини, ҳамиша биз билан бирга эканлигини англатиб туради: Абдуғафур Расулов яхшилик угуни туғилган одам әди.

Йўлдош Солижонов



Кафедралада мұхокама.

Биримиз илм, биримиз ижод йўлидан кетдик. Абдуғафур Расулов олим умдаррис бўлиб, мен шоири мұхаррир бўлиб, турли даргоҳларда ишласак-да, адабиёт деб аталган маконда ҳамиша ёндош бўлдик, сўз санъатининг сеҳри, дарду завқи билан яшадик ва бу умумият бизни ҳамиша боғлаб турди.

Эркин Воҳидов



Иброҳим Гафуров, Улғисир Ҳошимов, Нельматулла Иброҳимов, Мирпўлат Мирзо, Ҳамидулла Болтабоев, Ҳудойберди Тўхтабоев, Эркин Воҳидов, Умарали Норматовлар билан. 2007 й.

- ...энди-энди ўйлайман ва ўзимга қашф қиласман: бизни ром қилган, ёшлиар ҳурматини қозонган жозиба пойдевори меҳрдан пайдо бўлган экан. Зеро,
- Абдуғафур Расулов умри мобайнида ҳег бир жойда ва вазиятда кимгайдир оғир ботадиган, дилига озор етадиган мумомала қилмаган, табиий ҳар бандада юз берадиган жаҳл, зарда каби туйғуларини туркаб согмаган.
-
-
-
-
-
-
-

Хуршид Дўстмуҳаммад



Хуснуддин Шарипов билан.
1979 й.

Абдуғафур аканинг ниҳоятда яхши бир фазилати бор әди. Бу энди-энди адабиёт, адабиётшунослик оламига кириб келаётган йигит-қизларга нисбатан оталарга гамхўрлик қилиши әди.

Шухрат Ризаев



Мен Абдуғафур акани тўю маъракаларда, улфатлар даврасида кўп кузатганман. Унинг феъл-табиати ўзбеконалиknинг тажассуми эди. У мутойибага мойил бўлиб, ҳамиша тироили лутфга уста, ўзгаларнинг кўнглини кўтаришида беназир эди.

Мирпўлат Мирзо



Таалabalар даврасида.



Луқмон Бўрихон, Кўчкор Норқобил, Рихсивой Муҳаммаджонов билан. 2011 й.

Абдуғафур Расулов ҳайётда ўта ширинсуҳан одам, адабиёт майдонида ўта меҳрибон мураббий эди. Университет сабогидан кейин ҳам шогирдларини ташлаб кўймас, ижодий қадамларини сингковлик билан кузатиб борар, ютуғидан ўзиникидек суюнса, камгиликларини ҳам беозоргина “мақтаб” кўяр эди. У киши росмана эски мадраса мударрисларидан эди-я.


Эркин Аъзам



Завқли онлар.
2000 й.

Ҳар бир асарга, уни ҳаракатга келтирган персонажлар тақдирига самимият билан, тоза кўнгил билан қараш, аввало, асарда ҳам содда, ҳам мураккаб, галаёнли инсон қалбини түкүр таҳлил қилиши Абдуғафур Расуловнинг илмий-ижодий фаолиятининг муҳим жиҳатидир. Ҳали домланинг илмий-ижодий мероси кенг ўрганилади.

Маъсума Аҳмедова



Данагидан-магзи-ширин.
2000 й.

Абдуғафур Расулов сўзни қадрлайдиган, маъно қатламини теран идрок этадиган адабиётшунос эди.

Умида Расулова



*M*уратхан ШОКАН

1974 йили Тарбагатай вилоятининг Тўла тумани Ақбелли қишлоғида туғилган. Қозогистон Ёзувчилар ўюшмасининг аъзоси, шоир, файласуф. Олма-отадаги Ёшлар сиёсатини ривожлантириш фондининг “Адабиёт олами” маркази раҳбари. “Йигирманинг ёлқини”, “Баҳор учун мени сев”, “Юракка юкиниб”, “Покиза оқшомлар”, “Оқшом лирикаси” номли шеърий тўпламлари чоп этилган. “Яратилишнома” фалсафий асари муаллифи.

M
Muratxon
SHOKAN

**Barin aytdim –
ko'chdi ko'nglim
ohori...**

*Б*ОҒ КЕЗАМАН

Боғ кезаман ҳоритганда эски мунг,
Қалай ўтаётир, дўстим, беш кунинг?
Боғ кезаман, болаликни хотирлаб,
Чирилдоқлар ҳуштак ғалар кетқурун.

Ёлгиз ўзим айланаман – сўққабоши,
Кунлар қайда бизлар бирга яйраган?!
Бир-бирини горлаяпти қайгадир,
Чирилдоқлар сайрагани сайраган!

Тўхтатиб тур, қурбинг етса фурсатни,
Ҳаёт ўтар, ўтар фироқ, фараҳлар.
Боғ кезаман, туюлади гаройиб,
Қушлар мени горлагандай ғах-ғахлаб.

Ўжарларни ҳаёт мангу ўр этгай,
Икки қиргоқдамиз, қолдинг саргариб.
Гўё олис тўқайда ўсаётган
Ёлгиз терак каби сўққабоши, гариб.

Беҳол қилди севги, алам, қайғу-ғам,
Мендан ўзга ҳолингни ким тушинар?
Согинаман, согинаман, бир куни
Мени сенга олиб боради қушлар.

Боғ кезаман ҳоритганда эски мунг,
Қалай ўтаётир, дўстим, беш кунинг?
Боғ кезаман, болаликни хотирлаб,
Чирилдоқлар ҳуштак ғалар кетқурун.

Куз ёмғири

Куз ёмғири эзиб ёгар тун бўйи,
Фамгин бокча ким ҳам қўяди кўнгил?
Атрофдаги майдалардан таргадим,
Муҳаббатга қарайдилар еп-енгил.

Хазонрезги...япроқ узилар – ўлар,
Афсус-афсус нафас олмай узилар.
Узуқ-юлуқ ийллар ётар дашит узра,
Кўхна афсоналар айтади улар.

Ҳар ён гийбат – муҳаббатнинг гўриндай,
Гўр қазишга гевармиз биз эринмай.
Кўкда турар булут итра тўлин ой –
Совуққотган қизнинг рангпар лабиндай.

Ёмгир ёгар...стилар сабру тоқат,
Кўгаларнинг кўзларида сўнди нур.
Ёздагидай олисларга интилиб,
Капалаклар утмоқ истар баривир.

Куз ёмғири эзиб ёгар тун бўйи,
Богнинг оҳин тинглар энди қай кўнгил?
Атрофдаги майдаларга қарайман,
Муҳаббатга қарайдилар еп-енгил.

ҚАЙФУРМОҚ-ЧУН КЕЛМАГАНСАН

Умидларинг йўлга солса ёприлиб,
Олга эмас, ғекина бил бир қадам.
Армон баъзан ўзи излаб топади,
Соғингандан кириб келар ўзи гам.

Умид баъзан бузиб ўтар деворни,
Сен илинжнинг ўзанидан ўтма кўп.
Тақдирлар бор оёқости, эзилган,
Зое бўлган оқ умиддан заха еб.

Хою ҳавас орзуларга алданма,
Ўкинарсан ўринланмай қолгандা.
Бу ҳаётга қайгу угун келмадинг,
Кулиб қарай билмоқ керак ёлгонга.

Умр – ганимат, яшаб бўлмас шунгаки,
Бизлар нега интиламиз қийнаб жон?
Дард ғекмоқча келмаганмиз дунёга?!
Кулиб қара, ёлгонги-ку бу жаҳон!

Умидларинг қўлдан тутса ёприлиб,
Олга босмай, ғекина бил бир қадам.
Умид сени ўзи излаб топади,
Соғингандан кириб келар шодлик ҳам.

Қозоқ тилидан Музaffer АҲМАД
таржисаси.

ҚАРОҒИМДА ҚАЛҚИБ-ҚАЛҚИБ КЎЛ ТУРДИ

Сўзларимдан маъно кетди, ёзмадим,
Барин айтдим – кўғди кўнглим оҳори.
Тақдиримнинг кўрмагандай ёзларин,
Тақдиримнинг кўрмагандай баҳорин.

Гулбогларнинг англамадим гулини,
Япроқларнинг тушунмадим тилини.
Гоҳо бошдан, гоҳи айтдим пойидан,
Юрак-багрим минг паргага бўлиниб.

Шамолларнинг қўлларида туттадим,
Фамгин қолдим, гуссаларга беланиб.
Булут кўрдим кўк тоқида бир парга
Мўл ёмгиrlар сўрадим мен эланиб.

Ёголмади, тишилаб қолдим тилимни,
Илон каби ташлаб кетди ут бўлиб.
Мен ноумид қайтдим сўнгра қошингдан
Уйгонгандек гира-шира туши кўриб.

Қарогимда қалқиб-қалқиб кўл турди,
Богларимни яна завқча тўлдиргин.
Айтмайдиган сўзниң барин айтдим-ку,
Айтадиган сўзниң барин ўлдиридим...

АРБАТ*ДА

Бироннинг жим тургани, гапиргани,
Гоҳи нотинг юрагимни паргалайди.
Бир томонда қувонг кўнглимни сийласа,
Бир тарафда ҳижрон кўксимни ялайди.
Менга нима керак, тагин англолмайман,
Билолмайман кимга кўнгил ёришимни?

Дил ёзади кимдир гитарани ғертиб,
Кимдир кўзда ёши билан тинглайди тик.
Ҳаёт ўзи тотли, гарти гўзал эмас,
Арбатдаги музқаймоқнинг суратидек.

Кимдир тошу санамларга қиласар тоат,
Кўксимдаги қушиб кўкка ўрла фақат.
Кўз ташлайман ён-атрофга мен шунгаки,
Юрагимга таскин берар истироҳат.

Бироннинг жим тургани, гап отгани,
Гоҳи нотинг юрагимни паргалайди.
Бир томонда қувонг кўнглимни сийласа,
Бир тарафда ҳижрон кўксимни ялайди.
Менга нима керак, тагин англолмайман,
Билолмайман кимга кўнгил ёришимни?

Қозоқ тилидан Фахриддин ҲАЙИТ
таржисаси
Арбат – Олма-ота шаҳридаги кўтанинг номи.

№9 2018 (328)



Саъдулло КУРОНОВ,
филология фанлари бўйича
фалсафа доктори.

1989 йили түгилган.
Ўзбекистон Миллий
университетининг ўзбек
филологияси факультети
ни тамомлаган.
“Ифода ва ифодавийлик”
номли адабий-танқидий
мақолалар тўплами ва
“Эгиз санъатлар” номли
монографияси нашр қи-
линган.

Sa'dullo
QURONOV

Modern she'riyatda tasvir

XIX аср охири – XX аср бошларида Ф. Ницше, З. Фрейд, А. Бергсон, К. Юнг каби файласуф ва руҳшуносларнинг қарашларидан таъсирланган бир гурӯҳ ижодкорлар янгича – модернизм йўналишига асос соладилар. Дастреб Европа маданиятида кент тарқалган мазкур йўналиш XX асрга келиб бутун дунёда оммалаша бошлади. Модернизм жаҳонда глобаллашув жараёнлари бошланётган бир вақтда сиёсий, маданий, иқтисодий омиллар ўзаро кесишган нуқтада вужудга келади.

Модернистлар оламни мантиққа таянмаган, ҳиссий “тафаккур” асосидагина тўлақонли тушуниш мумкин, деб ҳисоблайдилар. Улар бунда мантиқий-таҳлилий мушоҳадага қарши туриб, иррационал онгни етакчи санайдилар. Шунинг учун модернистлар анъанавий методларни инкор этиб, абстракт, нореал ифода шаклларида ижод эта бошлайди. Бу йўналиш вакиллари ижтимоийликдан чекиниб, ўз шуури томон юзланади. “Яъни бу ўринда воқеликни акс эттириш эмас, ижодкорнинг ўз-ўзини ифодалаши устувор аҳамият касб этади”.¹

Ўзбек адабиётига модернизмнинг кириб келиши ёки таъсири борасида олимларимизнинг қарашлари турлича. Хусусан, профессор У. Норматов ўтган асрнинг 20-йилларида Чўлпон, Қодирий, Фитрат, Боту, Ойбек каби ижодкорлар Farb модернизмидан кучли таъсирланганини таъкидлаб ўтади. Филология фанлари номзоди М. Йўлдошева ҳам ўз тадқиқотида жадид адабиётига хос баъзи хусусиятлар ўзбек адабиётида XX аср бошларида ёқ модернизмнинг бўй кўрсаттанидан дарак беришини айтади. М. Холбеков эса модернизм ўзбек адабиётига ўтган асрнинг 80-йилларидагина кириб келган деган фикрни илгари суради. Умуман, модернизмга хос хусусиятларнинг адабиётимиз тарихининг турли даврларида учратиш мумкинлигини кўплаб олимларимиз тасдиқлайдилар. Адабиётшуносликда янги ҳодисага нисбатан қарашларнинг турлича бўлиши табиий, албатта. Аммо, бизнингча, адабий йўналишнинг муайян даврга хослиги унга тегишли хусусиятларнинг учраб туриши билан эмас, балки бутун бир ижтимоий гурӯхнинг шу йўналишга хос ижодий кайфиятда

¹ Куронов Д., Мамажонов З., Шералиева М. Адабиётшунослик лугати. – Т.: Akademnashr, 2010. – Б. 201.

экани билан белгиланиши керак. Шу маънода, биз М.Холбеков кўрсатган давр (80-йиллар)ни ўзбек адабиётига модернизмнинг кириб келиши даври деб ҳисоблаймиз.

80-йилларнинг охирларида мафкура босимининг бир қадар пасайиши маданий ҳаётдаги жиiddий ўзгаришларга туртки бўлди. Аввало, ижодкор кўнглидаги дардни айтишда нисбий эркинликни ҳис қиласи. Айни дамда, қарийб бир аср давомида одамларнинг бутун фикр-хаёлини банд этиб, эътиқод даражасига кўтарилган коммунистик мафкуранинг асл қиёфаси ошкор бўлади. Қудратли ва улкан “империя” емирилаётган пароканда давр санъаткор руҳиятига, унинг ижодига жиiddий таъсир ўтказади. “80-йиллар охири 90-йиллар бошларида вазият бизда модернизм адабиётининг, абсурд инсон образининг туғилиши учун замин тайёрлади”². Ўзбек модернизмининг “қайнаган” вақти 90-йилларга тўғри келади. Бунга сабаб ижодкорларни бирлаштирган бир хил кайфият ва шу кайфиятни таъминлаб турган “ўтиш даври” эди. Абдували Қутбиддиннинг “Тасаввур лаҳзалари” шеъри, Фахриёрнинг “Мучал ёши”, “Ёзиқ” каби достонлари, Баҳром Рўзимухаммад, Азиз Сайднинг бир туркум шеърлари, Назар Эшонқул ҳамда Улугбек Ҳамдамнинг қисса ва ҳикоялари айни шу даврнинг маҳсули эди.

Модернистик ифодада бадиий синтезнинг аҳамияти бошқа методларга нисбатан кучлироқ саналади. Зоро, модернизмнинг фалсафий асосида санъатларга бир бутун ҳодиса сифатида қараш гояси туради. Умуман, модернизмни вужудга келтирган фалсафа замирида ҳам санъат турларига, кенг маънода, бутун инсониятнинг маданий ҳаётига яхлит ҳодиса сифатида қараш устувор бўлган.

80-йилларга келиб замонавий ўзбек шеъриятидаги баъзи ўринларда рангтасвирнинг модернизм йўналишига хос унсурлар қўлланила бошланди. Бундай ўзига хосликнинг илк намуналарини Рауф Парфи “чизган” манзараларда кўриш мумкин:


Юлдузларнинг аттиқ нурларига тирмашар,
Юлар ойнинг намхуш согларини
Фалакка термулиб қолган кўзларинг.

Рауф Парфининг 1980 йилда ёзилган “Тонг саҳардан ўтирибсан...” мисралари билан бошланган шеърида маъшуқа кўзлари билан кузатилаётган манзара тасвирланган. Шоир манзарани бевосита тасвирлашга интилмайди. У маъшуқанинг ҳолини ифодалашга уринар экан, ўз-ўзидан ўқувчида муайян табиат манзарасини кўриш имкони туғилади. Аммо бу ўқувчи ўрганган шеърий тасвирлардан жиiddий фарқ қиласи. Яъни шоир ақл бовар қилмас ўхшатиш билан инсон кўзларига “янгича вазифа”ни юклайди. Ўқувчи бир лаҳза бўлса-да, Ой ва юлдузлар нурига “чирмashiб” ўсиб бораётган нигоҳларни тасаввур қила бошлайди.

Рауф Парфи шеъриятимизга тасвирнинг ўзига хос, модерн кўришиларини олиб кирган ижодкорлардан биридир. Унинг ижодига визуал образларнинг ноодатий шакллари жило бериб туради: “Юлдузларнинг нурлари оғир”, “Қора пардангни ташла юзингга, тун”,

² Норматов У. Умидбахш тамойиллар // Шарқ юлдузи, 1993. – № 10–11. – Б. 182.

“Санъат –
ижтимоий ҳодиса.
Ижодкор қайси даврда,
қандай шароитда ва қандай
истакда асар яратмасин, унда ба-
рибир ижтимоийлик акс этаве-
ради”



“Юлдузларни тугма каби юлсалар”, “Деразамга урилади қор / Жаранглайди жарангсиз кумуш”, “Тоғларимга чўқди осмон” ва ҳ.к.

Замонавий ўзбек шеъриятидаги модернистик тамойилларни яхлит ҳолда тасаввур этишда “Ўзбек модерн шеърияти” номли тўплам аҳамиятга молик. Мазкур тўпламда йигирма тўрт нафар шоирнинг ижод намуналари жамланган. Тўплам тузувчилари ўтган асрнинг 20–30- ва 70-йилларида шеъриятимизда модернизмга хос хусусиятларнинг акс этганигини қайд этсаларда, китобга 80-йилларга келиб ижод эта бошлаган шоирларнинг шеърларини киритадилар. Китоб мундарижаси шоир Абдували Қутбииддин асарлари билан бошланганини ҳисобга олсан, тузувчилар уни ўзбек модерн шеъриятининг пешқадами сифатида кўради.

Абдували Қутбииддин ижодига назар ташлар эканмиз, унинг асарлари ҳам анъанавий услубда, ҳам модернизм йўналишида битилганини кузатишимиш мумкин. Шоир шеърлари рамзларга ўта бойлиги билан ажralиб туради:

Наҳрларда этаги йиртиқ
Лўли қиздай қарганар осмон.
Соҳил бўйлаб кетмоқда йўртиб –
Оппоқ бия
Бедард,
Бедармон

Арқон каби тортилади ел,
Сургилади офтобранг қозик.
Сапчиётган тўлқин угидан –
Яна тўрга
Тушади
Балиқ.

А.Қутбииддиннинг 1984 йили ёзилган “Наҳрларда этаги йиртиқ” мисралари билан бошланувчи шеърида абстракт, ўта рамзийлаштирилган тасвири кўриш мумкин. Ўқувчи шеърнинг бадиий-гоявий магзини учинчи банддаги биргина мисра – “Муқаннани сотган хиёнат” орқали илғаб олади. Демак, шеър муайян тарихий воқелик ҳақида. Бу ўринда биз учун муҳими, тарихий воқеликнинг муайян тасвирида, тасвир бўлганда ҳам модернизмга хос абстракт йўсинда ифода этилганидир. Шеърни ўқиркансиш, шоир тасвираётган манзаралар билан Муқанна қисматини уйғунликда кўра бошлайсиз. Биринчи бандда кучли довул, момақалдироқ, чақмоқ тасвирланган бўлса, иккинчи бандда дарёнинг қоядай кўтарилаётган тўлқинларини кўрасиз. Айни дамда, шоир кичик деталлар билан Муқанна қисматининг характерли ўринларига ургу бериб ўтади: “Сапчиётган тўлқин учидан – Яна тўрга Тушади Балиқ”. Шоир шеър матнида тарихий воқеликка ишора қиласа-да, аслида, ўз даври воқеаларига юзланяётганини англаш қийин эмас. У Муқанна сиймосида нафақат ўзини ва зиёлиларни, балки бутун ҳалқни кўраётган бўлиши ҳам мумкин.

А.Қутбииддин ижодида шеъриятимизда биринчилардан бўлиб модернистик тасвир тўлақонли намоён бўлди. Ундан олдинги шоирларнинг шеърларида муайян модернистик визуал образлар яратилган бўлса, А.Қутбииддин бутун тасвири, бутун манзарани модернистик услубда “чизади”:

Қор гулхани...
Бигиллаб қайнаётган товгун...
Бўғотларда ҳакалаб юрган қиши...
Қор ғақмоги...
Этаги куйган изгирин...
Қор бўрони...
Ўйин тушаётган аёл...
Чарх уриб... Чарх уриб...
Чарх уриб...

“Тасаввур лаҳзалари” шеърий туркумидан олинган ушбу парчада шоир қиши манзараларини бу фаслга хос бўлмаган кўринишлар билан (“Қор гулхани...”, “Қор ғақмоги...” в.б.) тасвирилашга уринган. Албатта, бу ўринда муайян манзарани, шоир мақсад қилган бадиий гояни англаб олиш жуда қийин. Чунки биз шундоқ ҳам тушуниш мушкул бўлган мисраларни катта ҳажмли шеърдан ажратиб олганмиз. Аммо “Тасаввур лаҳзали” шеърини тўла ўқиб, гап 90-йилларнинг ач-



чиқ ҳаёти ҳақида кетаётганини тушунган ўқувчи юқоридаги “мантиқсиз” парчада ҳам муайян манзарани кўради, асосийси, лирик субъект кайфиятини ҳис қиласи. Зоро, 90-йиллар ҳаёти ижодкор наздида шу каби алғов-далғов, сира ўхашши йўқ манзаралардан иборат эди. Шоир ҳали ўзи ҳам тушуниб улгурмаган ҳаётий, ижтимоий манзараларни шу каби нореал тасвир билан ифодалайди. Бу шеърнинг ифодавий ўзига хосликлари модернизмнинг дадаизм оқимида ижод қилган мусавирларнинг картиналарини ёдга солади.

Ўзбек модерн шеъриятининг яна бир ёрқин намояндаси сифатида шоир Фахриёр эътироф этилади. Фахриёр ўзбек шеърхонини янгила образлар олами билан таништирган, ўз ташбиҳлари билан замонавий ўқувчи дидини ўстира олган саноқли ижодкорлардан бири. Шоир чизган манзаралар ўзига хослиги, ёрқинлиги, асосийси, ноодатийлиги билан ажralиб туради:

кўйлагини ечаётган аёлдай
тунни йигишишиб олар табиат
борлик устидан
ва уни
фаришталар тахмонига солиб қўяди
тун худонинг омонати
юлдузлар омонатга тушган куядир
тунни илма-тешик қилиб ташлар юлдузлар


Фахриёрнинг “Тонг ташбиҳлари” номли шеъридаги образларни реал олам кўринишлари билан фақат узун ассоциатив занжир воситасидагина боғлаш мумкин. Шеърда туннинг тонгга яқин, осмондан юлдузлар бир-бир “терилаётган”, аста-секин қоронгуликнинг қуюқ ранги йўқолаётган паллалари тасвирланган. Бунда шоир, аввало, ўқувчини туннинг либос (мато) эканлигига ишонтишиб олади. Шу боис энди ўқувчи бемалол юлдузларнинг куяга менгзалишини ҳам ҳазм қиласи. Гўёки юлдузлар – куя, улар мато (осмон)ни илма-тешик қилиб еган, унда туйнукчалар ҳосил қилган. Мато ортида эса чексиз ёргулек бор. Ҳар кечак, тун кўйлагини кийганида ёргулек нурлари шу туйнук (юлдуз)лардан ўтиб келади...

Ўзбек модерн шеъриятининг рангтасвир билан алоқалари Баҳром Рўзимуҳаммад ижодида яққол кўринади. Б.Рўзимуҳаммад ўзининг тасвирий лиракасида модернистик ифода услугубларидан унумли фойдаланади. Аниқроғи, шоирга

“Ўзбек модерн шеъриятини
миллий-ижтимоий
кайфиятнинг мева-
си сифатида қара-
ш тўғри бўлади”.

“ўтиш даври” уйғотган кайфиятни ифодалашда модернистик услуб жуда қўйл келади. Шу маънода Б.Рўзимуҳаммаднинг тасвирий шеъриятида лирик қаҳрамон руҳий оламини, унинг кайфиятини ифодалаш биринчи планда туради.

Б.Рўзимуҳаммад шеъриятида ги тасвирлар модернизм оқимларининг манифестига жуда мос кела-ди. Шоир шеърларида тасвирни мо-



дернист мусавирнинг муайян картинаси билан бемалол таққослаш мумкин. Б.Рўзимуҳаммад ижодини диққат билан кузатар экансиз, шоир ифодада модернизмнинг назарий асосларига таянганига шубҳа қилмайсиз. У ўзининг “Чўлпон – тонг юлдузи демак” номли китобида санъатларнинг ўзаро яқдилликда талқин қилиниши, ҳис этилиши, модерн шеъриятни тушунишда асосий калит эканини таъкидлайди. Бундан англашиладики, шоир модернизмнинг синтетик ҳодиса эканини назарий билимлари эвазига яхши тушунади, ҳис қиласи. Унинг тасвирий лирикасини модернизмнинг рассомчиликдаги турли оқимлари билан қиёслаб, шоирнинг аксар асарлари шеърият ва рангтасвир ўртасидағи бадиий синтез асосида яратилганига гувоҳ бўлиш мумкин:

Тонг ўрнига нимадир отибди
бир эмас жуда кўп кундузлар жимирлар
тўртбургак угбургак кундуз ва кундузгалар

баъзиси ним пушти баъзиси жигарранг
баъзиси тундек қоп-қора
рангсиз баъзиси...

1905 йили Парижда бир гурух ёш рассомларнинг ижодий кўргазмаси очилади. Ўзларини жамоатчиликка фовист мусаввир сифатида таништирган бу ижодкорлар чиндан ҳам рангтасвирда катта бурилиш ясаган эдилар. Фовизм модернизмнинг дастлабки оқимларидан бири сифатида эътироф этилади. Фовистлар тасвирга, аввало, жуда қуюқ рангларни олиб кирадилар ва тасвирланётган обьект шаклини бузишга уринадилар. Шу сабабли фовистлар тасвирида синиқ чизиқларни, баъзан, геометрик шаклларни учратиш мумкин эди. Шоир Баҳром Рӯзимуҳаммаднинг “Тонг ўрнига нимадир отиби” мисралари билан бошланувчи шеърида айнан фовизм оқимига хос тасвирийликни учратиш мумкин. Шеърда шоир лирикадаги анъанавий пейзаж тасвирларидан умуман фарқ қилувчи манзарани чизади. У табиатни турли геометрик шакллар воситасида (“тўртбурчак”, “учбурчак”), ўзига хос, ноодатий ранглар билан ифодалашга уринади. Албатта, табиат ўз ҳолича ҳам жуда гўзал, аммо унинг инсон кўзларидан яширин баъзи гўзаллуклари ҳам борки, буни санъаткоргина бошқаларга кўрсата олади.

Баҳром Рӯзимуҳаммаднинг “Ёз кечаси” номли шеърида энди сал бошқачароқ, аммо ноодатийликда олдингисидан қолишмайдиган манзарани кузатиш мумкин:

Чирилдоқ овози
ой нурига илашиб
гувалди қолди...

Шеърни ўқиркан-сиз, тахайюлда айнан ниманинг гавдаланаётганини тушунолмай ҳалак бўла бошлайсиз. Сиз реал ҳаётда кўришингиз ва эшитишиңгиз мумкин бўлган тун, ой ва чирилдоқ овозлари бирданига қоришиб, тасаввурда ўзига хос тасвирни ҳосил қила бошлайди. Агар бу шеърдаги “манзара”ни реал тасвирга “ўғирсак” осуда тунни, нурафшон осмонни – Ойни ва даланинг ҳар-ҳар жойида чириллаб тундаги сокинликни бузаётган чигирткаларни кўришимиз мумкин. Аслида, шоир манзарани жуда ҳам

топқирилик билан, ўта нозик дид билан “чиzmоқ”да. Чунки бундай нурафшон тун манзарасида фақат Ой ҳукмдорлик қилиши мумкин. Яъни Ойнинг ёрқинлиги тун бағрида жамики нарсани пардадай тўсиб қўяди. Лекин фақат “чирилдоқ” овозигина унга қарши чиқиши, Ой нури билан беллашиши мумкин. Аммо тасаввурни ишга sola олмасангиз, мазкур лирик манзарада ҳеч нарсани кўра олмаслигингиз аниқ. Зоро, бу тасвирда муайян композиция мавжуд эмас. Унда фақат ой нурига “илашиб,чувалашиб” қолган чирилдоқ овози бор, холос. Бу тур тасвир модернизмнинг дастлабки оқимларидан бўлган экспрессионизмнинг ифода тамойилларига яқин туради. Экспрессионист мусаввирлар тасвирда предметлар шаклини бузишга, номутаносиб ранглар “ўйғун”-лиги асосида реал композицияни тўзғитишига уринганлар.



“
90-йилларда-
ти ижтимоий-маданий
ҳаёт миллий адабиётимизда
модернизмга хос бўлган хусуси-
ятларнинг вужудга келишига турт-
ки бўлди.
”

Модернизмнинг яна бир катта йўналиши сифатида абстраксионизмни кўрсатиш мумкин. Бу йўналиш ўзида модернизм оқимларига хос барча хусусиятларни жамлайди. Мутахассислар абстраксионизмни “предметсиз тасвир” деб ҳам аташади. Ҳақиқатан ҳам, бу йўналишга мансуб суратларда ҳеч қандай предмет тасвириланмаслиги мумкин. Абстраксионизм ҳам модернизмнинг илк оқимлари билан бир қаторда вужудга келган. Унинг намояндалари фотография мавжуд оламнинг реал кўринишларини лаҳзага муҳрлаши мумкин, аммо олам моҳиятини тасвирда фақат ўzlari, яъни абстракционистларгина ифодалашга қодир деб билганлар. Кўпроқ рассомчиликда оммалашган бу оқимда мусаввирнинг лирик, айни дамда пароканда қалб кечинмалари акс эттирилган. Картиналарда саросимага тушган, шу билан бирга, мутлақо ёлғиз кишилар қалби тасвириланган. Абстраксионизмнинг бошқа йўналишлардан фарқи унда лиризмнинг мавжудлиги эди. Мусаввир картинада жудаям эркин, “тўлқинланиб”, “сузиб” турган шаклларни турли “тебранма” ранглар воситасида ифодалашга уринган.

Эътибор берилса, Б.Рўзимуҳаммаддинг “Ёмғирда ивиган...” мисраси билан бошланувчи қуийидаги шеърида тасвирнинг деярли предметларсиз эканига гувоҳ бўлиш қийин эмас:

Ёмғирда ивиган
ўрик гулини
хўroz қигқиригига ўраб ушладим

гир атрофда шафақ
қуёшдан нур эмас
қон томаётгандек

оппоқ пар
икки ранг ҳокимлиги
мен ва теварак...

Кўряпмизки, шоир жудаям катта, кенг кўлами манзарани бир-икки детал билан “чизишига” муваффақ бўлади. У тасвирда, мусаввирона таъбир билан айтганда, минимализм тамойилига амал қилган. Шеърни ўқиркансиз, кўз олдингизда табиатнинг гўзал манзараси гавдалана бошлайди. Аммо ниманинг эвазига? Аслида, шеърдаги айни шу жиҳат уни абстракционист мусаввирлар чизган картиналарга яқинлаштиради. У бир-икки тасвирий элемент билан кўз ол-

дингизда бутун манзарани гавдалантира олади. Ўқувчи деталлар воситасида умумийликни эмас, балки умумлаштирувчи тасвир асосида бошқа предметларни кўриши мумкин. Масалан, “ўрик гули” баҳордан, “хўroz қигқириғи” тонгдан, қуёш ёмғирнинг тинганидан ва осмоннинг ўта мусафро эканлигидан, оппоқ парлар эса қуёшнинг тафтидан далолатдир...

*Рассом ўйлаб топган
бу қора ранг қоп-қораки
унга тизсанг тун кўриниади
Бемалол тизаверинг қора мушукни
айниқса думини
қилларини...*

Б.Рўзимуҳаммаддинг “Рассом ўйлаб топган” мисраси билан бошланувчи шеъри абстракционистик ифода учун яқъол мисол бўла олади. Шеърни ўқиркансиз, беихтиёр машҳур рус мусаввiri Казимир Малевичнинг абстраксионизм йўналишидаги “Қора квадрат” картинаси ёдга тушади. Дунё санъатида ўзига хос мавқега эга бўлгали “Қора квадрат” сурати фақат қуюқ қора рангдан ташкил топган.

Шоир ҳам худди “Қора квадрат”нинг муаллифи каби фақат қора рангнинг аҳамиятини кўрсатишига уринган. Яъни у назарда туттган қора ранг шу қадар қораки, унинг устига bemalol қора бўёқ билан тунни чизиш мумкин. Шунда ҳам тун зулмати ажralиб, кўриниб туради. Бу ранг шу қадар қораки, агар чизсанг, унда мушук думидаги тим қора толалари ҳам ёрқин бўлиб кўриниади... Шоир ҳатто рангни тасвирлай олмоқда. У битта яхлит рангга эстетик жозиба бағишлишга эришмоқда.

Санъат – ижтимоий ҳодиса. Ижодкор қайси даврда, қандай шароитда ва қандай истакда асар яратмасин, унда барибир ижтимоийлик акс этаверади. Чунки ижодкор – шахс мавжуд жамиятнинг бир бўлгадидир. Шу маънода, ўзбек модернизмига муайян миллий-ижтимоий қайфиятнинг меваси сифатида қараш тўғри бўлади. Шундай экан, биз Farb модернизми ўзбек заминида айнан такрорланган дейиш фикридан йироқдамиз. Лекин 90-йиллардаги ижтимоий-маданий ҳаёт миллий адабиётимизда модернизмга хос бўлган хусусиятларнинг вужудга келишига туртки бўлди. Бунинг натижасида замонавий ўзбек шеърияти янги номлар, бетакрор асарлар билан бойиди.



*A*кбар МИРЗО

1961 иили туғилган.
Ўзбекистон Миллий университетининг журналистика факультетини тамомлаган.
“Қалб исёни”, “Аёзи чўзилган баҳор”, “Нажот кемаси” каби ҳикоя ва қиссалари тўпламилари, “Оқтепалик ўғри” ва “Ажал билан юзма-юз”, “Суиқасд” ва “Сўнгги нидо” каби бир қатор романлари нашр этилган.

*A*kbar MIRZO

Urushning eng so'nggi QURBONI

Hikoya

Сафарга чиқсам, эртаси куни онам ҳол-аҳвол сўраб, албатта, телефон қиласди. Бу гал ҳам шундай бўлди. Бироқ нима дейишни билмай қолдим. Бўғзимга нимадир тиқилди. Гўшақдан эса, “Вой, нима бўлди сенга, гапирсанг-чи, болам!” деган овоз эшитиларди. “Зоя опа вафот этди!” дедим ичимда. Онам “Гапингни эшитмаяпман, болам” дея яна такрорлади. Бу совуқ хабарни қандай етказаман? Бўлиб ўтган воқеани қай йўсинда сўзлаб бераман? Балки борганимда ётифи билан тушунтирасман? Ҳа, уйга қайтгач, бир бошидан айтиб бераман. Ҳозирча бўлмай турсин, онажоним.

- Сизга ўзим телефон қиласман. Хавотир олман!
- Зоя яхшими? Узоқ қолиб кетманлар.
- Хўп-хўп. Хайр энди.
- Зояга салом айт.

Онамнинг кўнглини хотиржам қилдим, лекин ўзим тинчимни йўқотган эдим. Эртаси куни хайрлашиш учун Зоя опанинг қабрига бордим. Нима деб видолашишни билмай икки қабр тепасида туриб қолдим. Узоқ-узоқдан эса паравознинг ҳайқириги, кейин вагонларнинг бир-бирига урилиб, поезднинг йўлга тушганини билдирувчи овоз эшитила бошлади...

Уруш бошланиб Украинадан кўчириб келтирилганларнинг кўпчилиги бизнинг қишлоққа, ҳозиргина эслаганим марҳума Зоя опа эса ён қўшнимиз Олмосхон аянинг уйига жойлаштирилган эди. Ўша иили биринчи синфга боргандим. Мактабдан келсам, онам янги қўшниларни йўқлаб эндиғина чиқиб кетаётган экан. Ортидан эргашдим. Кечадан буён “Фоқ-гоқ”лаб ҳовлини бошига кўтараётган оппоқ гозни жуда кўргим келаётган эди.

Олмосхон ая ишком тагидаги ёғочлари аллақачон қуриб-қақшаб, қийшайиб бир аҳволга келиб қолган сўрида ўрис кампир билан нималарнидир гаплашиб ўтирган экан. Онам эски кигиз устига тўшалган шолчага нигоҳи тушиб, меҳмонларнинг шарофатига бўлса керак, деб ўйладилар чоги, қошлирини сал учириб қўйди. Дарҳақиқат, Тўлқин амаким олиб келган йўл-йўл шолча тўй-маърака ёки бирор меҳмон сабаб ёзилар, бошқа пайтларда ўнғиб кет-

ган кигизнинг ўзи бўларди. Қўй жунидан пиши-тилган кигизнинг четидаги шапалоқдай куйган жойи тўшакнинг тагида билинмас эди. Ўртоғим Иқбол ўйиндан ютиб олган қанд қофозларини ана шу тешикка қўл тиқиб беркитар, ўтирганида ҳам айнан ўша жойни эгалларди.

Олмосхон ая онамга пешвуз чиқди. Эри, икки ўғли урушга кетиб қадди букилган бўлса-да, кўпчиликнинг бошига тушган мусибат деб унчалар билинтирмас, эртаю кеч оғзидан: “Немиснинг ўйи куйсин!” деган сўз тушмасди. Ўрис аёлларни кўрмаган эдим. Бироз ҳайиқиб онамнинг ортига беркиниб турсам, кампир “Иди суда, сыночик” деб ёнига чорлади. Гапига тушунмадим, аммо қўл ишорасидан олдига чақираётганини англайдим. Онам бор, бора қол, деди. Аммо мен тортиниб бормадим.

– Келинингиз кўринмайди, – деди онам русчани яхши билмасалар-да, амаллаб тушунтириб.

– Бояқиши, хонага қамалиб олиб йифлагани йифлаган, – дәя кампирнинг ўрнига жавоб қилди Олмосхон ая. – Биргалашиб овқатга чақирсан ҳам чиқмаяпти. Жуда хижолат бўлиб қолдим.

– Нега? – деб сўради онам ширмой нон ҳиди анқиб турган қўлидаги дуррани қўшнимизга тутқазаркан.

– Уйимиз... ёқмадимикин?

– Нега унақа дейсиз?

– Кечадан бери туз тотмади-да, айланай, – деди Олмосхон ая қўзларини жовдиратиб.

– Ер юткур немислар уруш бошлиб ҳамманинг тинчини бузди. Шўрлик ҳам эридан, ҳам ўй-жойидан жудо бўлганига эзилиб йифлаётгандир, – деб қўшнимизни юпатган бўлди онам.

– Эзилиб йифласа майлига эди, қон-қақшаб йифлаяпти...

– Ҳаммадан ҳам унга қийин бўлса керак-да. Ҳа, айтгандай, иссиққина нон ёпгандим, чиқса яхши бўларди, ё ўзим кириб чақирайми-а? – деди онам сўрига ўтиришдан олдин.

– Майли, уриниб кўринг. Зора, сизга кўнса.

Онам ичкарига киришдан аввал ўрис кампирга юзланиб, келинига нима бўлганини, нега бунчалар куйиниб йифлаётганинг сабабини сўради.

– Мен... мен айтиб беролмайман, – деб кампир ҳам қўзларига ёш олди. Унинг қуруқшаган, рангсиз лаблари титраганини ўз қўзим билан кўрдим.

– Киринг, кира қолинг. Қанийди, уни юпата олсангиз. Лекин тилка-пора бўлган юрагига малҳам бўла олмайсиз деб қўрқаман. Мабодо... алам устида қаттиқроқ гапириб юборса, кўнглингизга олманг, хўпми?

Онамга эргашдим.

Дераза ёнидаги темир каравотда дим тушганича озгин аёл ётар, унинг титраётган нозик елкалардан билиниб турарди. Оёқ томонида эса кечати семиз гоз турарди. Бориб ушламоқчи бўлдим. Аммо онам қўлимда тутиб қолдилар. Мени эшик олдида жим туришимни тайинлаб, ўзлари аччиқ кўз ёши тўкаётган аёлнинг олдига бордилар. Фоз безовталаниб овоз чиқарди, гўё бегона одам яқинлашаётганини билдириб, эгасини хавфдан огоҳ қилди. Аёл қўмирлаб ҳам қўймади.

– Дочинка, – деди онам бисотидаги бор русча сўзларни эслаб, – Мы соседи. Горячий хлеб принос. Ставай, доченка.

Аёл қўмирлаб ҳам қўймади. Онам унинг ўксик қалбини тинчлашириш учун олдида боришини ихтиёр қилар, аммо нари кетай демаган. Фоздан бироз чўчиб турарди.

– Киш! – деди онам қўлини кўтариб.

Бир пайт аёл ётган ерида “Нетрогайте, ему!” деб бақириб берди. Кейин “Выйдите, от сюда. Немешайте, мне!” деб дераза томонга ўгирилиб олди. Онам нима қиларини билмай, каловланниб қолди. Устига тўқилган каттагина оқ рўмол ташланган аёлнинг нима деганига тўлиқ тушунмадим, аммо онам менинг олдимда ғалати аҳволга тушиб, турган жойидан анча вақтгача қўмирламадилар.

– Кетдик! – дедим онамга раҳмим келиб.

Тўғриси, бегона, бунинг устига жувоннинг қўпол муомаласидан аччигим чиқсан эди. Онам бечора қийналиб ёпган нонларидан сингиб пишганини унга илинса-ю... Бориб қўлидан тордим. Шундагина онам ортига қайтдилар.

– Ҳеч кимга қулоқ солмаяпти, – деди Олмосхон ая онамни хижолатдан қутқарган бўлиб.

– Исми нимайкан? – сўради онам.

– Зоя, – деди бу гал кампир ёнидан онамга жой кўрсатаркан. – Она мая невестка. Муж и сын ушли на войне. Остались двойом.

– Айтинг-чи, ўғлингиз урушда ҳалок бўлдими? – деб сўради онам кампирдан.

– Слава Богу, пока жив, – деди кампир онам олиб чиқсан нонга ҳавас билан тикилганича.

– Балки ота-онаси бомбанинг тагида қолгандир?

– Нет, они тоже живы.

– Унда, нега бунчалар куйиниб йифлаяпти? – қизиқиб сўрашини қўймасди онам.

Кампир бирдан бошини чанглаб ўкириб йифлагаб юборди. Шу ҳолатда у келинидан қолишмай кўз ёши тўкарди. Лекин йиги сабаби ҳақида оғиз очмади.

– Менга ҳам айтиб бермаяпти, бояқиши, – деди Олмосхон ая дастурхонга янти узилган узумларни қўяркан. Балки бир-икки кундан кейин сал ўзларига келишса сўрармиз. Қани, дастурхонга яқинроқ ўтиринг.

Шундай қилиб биз келинчак Зоянинг нима учун бунчалар жон кўйдириб бағрини тифлаётганини билолмай уйга қайтдик. Онам бечора кейинчалик ҳам бунинг тагига етолмади. Кам-пир келиним ўзи айтар дея, дардини ошкор қилмай бу ёргу оламни ғамга ботганича тарк этди. Тўрт йилдан кейин уруш тамом бўлди. Хурсандчилик бошланди. Бироқ Зоянинг ранг-пар юзида кулги кўринмади. Аксинча, баттар қайғуга чўмди. Юртига қайтишга негадир шошилмасди. “Қайтиб боролмайман у ерга” деганмиш қўшнимизга. Онам каби мен ҳам ҳайрон бўлдим. Негаки, энди анча-мунчага ақлим етадиган катта йигит бўлиб қолгандим. Аслида ҳам шундай, уруш бизларни аллақачон улғайтириб қўйганди.

Мактабни тамомлаб ўқиши ниятида Тошкентга йўл олдим. Бироқ университетга кириш насиб этмади. Кейинги йили ҳарбий хизматта чақирилдим. Украиналинг Харьков шаҳрида йигитлик бурчимни ўтай бошладим. Буни эшишиб, қўшнимиз Зоя опа ҳам менга салом айтиб юборадиган бўлди. У айнан шу шаҳарда туғилган экан. Бироқ севган йигити қримлик бўлгани учун ўша ёққа турмушга чиққан экан. Бир йилдан кейин таътилга чиқишим керак эди. Шунда онам билан Зоя опани бу ерга таклиф қилиш фикри туғилиб қолди. Уларни икки-уч кун айлантиromoқчи, сўнг биргалашиб қайтмоқчи эдим. Бироқ Зоя опа онамга қишлоғимга қайси юз билан бораман, унга нима дейман? Йўқ, асло бора олмайман!” деб қаттиқ йиглаганмиш. Бу гаплардан кўнглим фашланди. Зоя опанинг бағрини ўртаётган ҳодисани билгим келди. Қизиқ, у ҳамон на Олмосхон опага, на қўни-қўшниларга бу ҳақда оғиз очмаган эди.

Ҳарбий хизматдан кейин университетнинг тарих факультетига ҳужжат топширдим. Ўқишини тамомлаганимдан кейин шу факультетда ишга олиб қолишиди. Айни пайтда аспирантурада ҳам таҳсил ола бошладим. Ҳарбий хизматда украин ва қрим татар тилларини яхши ўрганиб олгандим. Шу сабаблими, мени Ташқи ишлар вазирлигига ишга чақиришди. Бу ердан дунёнинг кўплаб мамлакатларига бориб турардим. Бир сафар делегация билан Украинага борадиган бўлдик, Кумушконга бориб ота-онамнинг дуосини олиш учун қишлоққа борардим. Зоя опа юртига

кетаётганимни эшишиб, анча жойгача кўзида ёш билан кузатиб қўйди.

– Юринг, сизни ҳам олиб кетаман, – дедим навбатдаги сафар чогида.

Зоя опа унамади. Йигламсираб ортига қайтди. Бироқ кейинги гал шаҳар четидаги қишлоғи ва бир замонлар яшаган уйининг манзилини берди. “Уйимиз вайронага айлантирган бўлса керак. Кейин Расима исмли чақалоқ ҳақида ҳам сўраб кўр” деб тайнинладилар. Лекин бу гапни айтгунича қора терга ботиб, ҳушидан айрилишига бир баҳя қолди.

Ҳайрон бўлдим. Қишлоғимизга кўчиб келгандаёқ унинг кўқимтири кўзларида ёш кўргандим, мана ҳозир ҳам ҳамон бу қайгули нигоҳларда, титраб чиқаётган гап-сўзларида қандайдир аянчли ва оғир жудоликнинг мунгли садоси акс этиб турарди. Қандай аламли ҳодисаки, уни ҳали ҳамон унутишнинг иложи бўлмаса? Нима у – эсадан чиқаришнинг умуман имкони йўқ баҳтсизлими? Нима у – киндик қони тўкилган ватандан айирувчи азоб? Қандай ҳис-туйғуки, уриб турган юракни тарк этмаса? Уйғоқ қалбни ҳамон титратиб, ларзага солса?

Ваъдага вафо қилиб, вақт ажратдим. Бу кўзда тутилмаган режа, деб делегация раҳбари мендан шубҳаланиб қолди. Воқеадан уни ҳам хабардор қилишга тўғри келди. Бир амаллаб розилиги-ни олдим, бироқ ортимдан одам қўйилганини сездим. Аммо ўзимни билмаганга олиб, Зоя опа яшаган шаҳар четидаги қишлоққа бордим. Одамларнинг кўпчилиги ўз уйларига қайтган, бўш хонадонларга эса бошпанасизлар кўчиб келишган экан. Уйлар анча тартибга келтирилган бўлса-да, урушнинг асорати ҳамон билиниб турарди. Зоя опа келин бўлиб тушган уйни топишга унчалар қийналмадим. Ярми янгитдан қурилган шекили, уй иккига ажралиб турарди. Бироздан кейин овозимни эшишиб, эллик ёшлар чамасидаги семиз хотин чиқиб келди.

Унга шу уйда яшаган аёлнинг илтимосини айтгач, бу ерга қаҷон кўчиб келганини сўрадим.

– Қирқ олтинчи йилнинг баҳорларида, – деб хавотир илиа жавоб қилди ўзини Альмира Рауфовна деб таништирган хотин. Кейин дарҳол уйининг эгаси қайтиб келмоқчими, деб кўзларимга тикилди. “Йўқ” деганимдан кейингина унинг нигоҳларидан хавотир ариди.

Кейин Расима исмли чақалоқ ҳақида сўз очдим.

Альмира Рауфовна икки фарзанди билан ярми вайронага айланган уйга ноилож кириб яшай бошлайди. Кунлардан бир куни оёғини



сұдраган бир чол кириб келади. Күчіб келган аёлнинг бегоналигини күриб индамай ортига қайтади, бироқ Альмира Рауфовна чолнинг қандайдыр айтмоқчи бўлган гапи борлигини сезиб, шундоқ қўйиб юбормайди. Яхшилаб меҳмон қилади, тўйгунича ароқ қуйиб беради. Маст бўла бошлаган қария ниҳоят ичидагини айтади: одамлар қишлоқни тарқ этишганида, у шу ерда ёлгиз қолган экан. Кейин емиш излаб ҳар куни биттадан уйга кира бошлади. Навбатдаги уй айнан ўша Зоя яшаган хонадон эди. Овқат ташвишида кирган чол дераза олдиғаги каравотда турган йўргакка нигоҳи тушади. Аста бориб қараса, чақалоқ майити экан. Шундай ташлаб кетишга кўзи қиймайди. Бироқ қабристон қўшни қишлоқда. У ерга кўтариб олиб бора олмайди. Кейин бир амаллаб ҳов анави тепаликка бориб чукур ковлади-да, мурғакни кўмади. Ҳолдан

тойган қария эртаси куни бир парча тахтага “Расия – уч ойлик чақалоқ” деб ёзишга арант қодир бўлади. Шундан сўнг бир парча қотган нон топиб ейди ва унинг кучи билан тахтани қабр тепасига суқиб келади. Кейинги қунлари, яъни уруш тугагунча у хорлиқда кун кечиради. Бу уйда одам яшаётганини эшитиб, келган экан. У ўша куни Альмира Рауфовнанинг қўлига йўргак ичидан топилган “Туғилганлик ҳақида гувоҳнома”ни тутқазади. Уй эгалари қайтса, бериб қўйишини сўрайди. Лекин чақалоқни ташлаб кетган онани буралаб роса сўқади. Қария ўшандан кеин узоқ яшамаган экан.

Мен ортимга қайтарканман, Зоя опанинг бир умрлик ғамга ботганлиги сирини англаандай бўлдим: демак, у боласини қолдириб кетган! Лекин қандай қилиб? Ахир, қайси она ўзининг уч ойлик гўдагини ташлаб кетади? Наҳот, тинчини ўйлаб, кейинроқ бемалол турмушга чиқишини кўзлаб шундай мудҳиш ишга қўл урган бўлса? Ишонгим келмаса-да, Зоя опадан нафратланиб кетдим. Қилғиликни қилиб қўйиб, доим кўз ёш тўкиш нимаси? Одамларнинг раҳмини келтирмоқчими? Лекин шу пайт Зоя опани ноҳақ ҳақорат қилаётган бўлмайин тағин, деб ўйлаб қолдим. Негаки, бева аёл умуман турмушга чиқмади. Ўйнаб-кулгани ҳам йўқ. Урушдан сўнг дарҳол юртига жўнаб қолмади.

Бутун бир халқлар тарихини: ўтмишини бунгунти кунини, динини ва маданиятини ўрганиб олим бўлибман-у, ёнимда яшаган оддий бир аёлнинг хатти-ҳаракатини тушунолмай ақлим лол. Бошида онамга қилган қўпол муомаласидан бола қўнглим ранжиб, кейинроқ тақдирига қизиқмадимми? Балки шундайдир. Ахир, унинг ўзи ҳам қандайдир сирли ва одамови эди-да. На Олмосхон опа, на онам билан очилиб-сочилиб гаплашиб ўтирганига кўзим тушмаган.

Ҳа, бу мунгли ва қайғуга ботган ҳолда яшаб юришнинг сабабини энди билгандайман. У чақалоқни ташлаб кетгани учун ҳам ўзини кечира олмаяпти. Қайтиб юртига ҳам кетолмаяпти? Наҳот шундай бўлса?..

Зоя опа мени кўриб, бағримга отилди. Анча пайтгача қўйиб юбормади, бу орада тўйиб-тўйиб йиглади. Бироқ бу кўз ёшлар бемеҳр аёлнинг соҳта йиғисидай туюлди ва ундан ўзимни нари олишга чоғландим. Зоя опа буни сезиб баттар йиглади. Кейин “Бу сен ўйлагандай эмас!” деди овози титраб.

– Нима бўлмаса? – дедим қаҳрланиб.

Кўнгли яримта мусофир аёл билан нега бу тарзда гаплашаётганим онам бечорани ҳам ўй-

лантириб, ҳам ташвишга солиб қўйди. Зоя опа ниҳоят кўз ёшларини артди.

– Нима хабар келтирдинг? – деб сўради ногоҳ фижимлаб олган костюмимнинг ёқаларини қўли билан аста тўгриларкан.

– Аввал сиз айтасиз?

– Йўқ, сен гапир.

Онам бизларни ичкарига бошлади. Куз энди бошлаганига қарамай, ҳаво бироз салқин эди. Шундай бўлса-да, ишком тагидаги сўрини тандадик.

Мен сафар чоғида кўрган ва эшитганларимни сўзлаб бердим. Гап озиқа илинжида уйларига кирган қарияга келганда, Зоя опанинг кўз ёшлари шашқатор бўлди. Дераза олдида ётган жонсиз чақалоқ ҳақида гапираётганимда ўзини тутиб туролмади. Ўзини онамнинг бағрига отиб жон аччиғида йиглади. Онам ҳамон гап нимада эканлигини тушунолмай туради, аммо унинг ажин босган қўллари энди баравла жўнграб йиглаётгандан ожизанинг титроқ босган елкасини, тўзғиб кетган сочини силар, лекин нима деб юпатишни билолмай жовдираган нигоҳлари билан оғзимга тикилган эди. Ҳикоя чолнинг қишлоқ четидаги тепаликка гўдакни кўмганига келганда, Зоя опа бирдан бошини кўтариб:

– Расиянинг қабрини кўрдингми? – деди.

– Кўрдим. Қабр тепасига қизалоқнинг исми ҳам ёзиб қўйилган. Мана бу эса унинг ҳужжати.

Зоя гувоҳномага қараб қотиб қолди. Анчадан сўнг ўзига келиб, титраган қўллари билан аста мендан олди-да, юзларига босди. Шу туришда у бўлиб ўтган ҳақиқий воқеани эслаб, жим бўлиб қолди.

... Қишлоқ оқсоқоли ва бир қўлидан айрилган эллик ёшлардаги майорнинг тонг сахарда уйма-уй юриб тарқататётган хабари шундоқ ҳам саросимада яшаётган одамларни баттар довдиратиб қўйди.

– Бир соат ичида вокзалга етиб боришларинг керак! Поезд роппа-роса олтида жўнайди. Фақат энг зарур нарсаларни олинглар. Эшитяпсизларми, ҳужжатларингиз ва бир-икки кунлик озиқ-овқат!

– Кўрпа-тўшак-чи? – сўрайди шу тўполонда кимдир.

– Ҳеч қанақа кўрпа-тўшак мумкин эмас. Бўла қолинглар, вокзалда одам жуда кўп. Олтидаги поездга улгурмасаларинг, қолиб кетасизлар. Немислар эса жуда яқин қолишиди! Тез, тезроқ ҳаракат қилинглар!

Бақирган овоз энди Зоянинг ҳовлисида эшитила бошлади.

– Фозим-чи? Уни олиб кетсан бўладими? – дейди Зоя қаерга борса ортидан қолмайдиган гозини кўрсатиб. Ахир, ҳадемай қўлидаги чақалоги юриб қолса...

– Эсинг жойидами сени? Ҳали ўзинг билан болангга жой топиладими-йўқми?! Йўқот, уни! Нега анграясан, анаву кампирнинг лаш-лушкини тутиб, тезроқ қўлига тутқазмайсанми?

Овозининг борича бақирган майор энди қўшни уйнинг деразани тақиллата бошлаши.

– Уй ичида нима қиляпсизлар. Тезроқ возкалга, вокзалга етиб боринглар!

Зоя типирилаб қолди. Қайнанасининг устига қалин жемперини кийгизди, бошига иссиқ рўмол ўратиб, учларини белига айлантириб маҳкам боғлаб қўйди. Шу чоп-чопда оёғига кигиз этигини кийгазишга ҳам улгурди.

– Сиз илдам бораверинг! Мен Расияни киинтириб, ортингиздан етиб оламан! Туринг, турақолинг.

Кампир йўлга тушишдан олдин дорилари эсдан чиқиб қолмаслигини тайинлади.

– Хўп, албатта, оламан. Одамларнинг ортидан боринг!

Зоя ичкарига отилди, ортидан фоз ҳам лапанглади. Эски сервант тагини титкилаб, сарғайган газетага қайта-қайта ўралган ҳужжатларни олди. Шошиб ичини очди: ҳаммаси жойида. Энди чақалогини ўйготиб, кийинтирса ҳам бўлади. У ёқдан бу ёқقا чопиб, иссиқроқ кийимларини топди, ўйқусираган гўдакни бир сидра кийинтиргач, қолганларини елкасига осиб оладиган тутунга ташлади. Фоз типиричилётган эгасининг хатти-ҳаракатидан фалокат яқинлигини сездими, одатдагидан бошқачароқ овоз чиқариб, Зояга соядек эргашар, оёғи тагидан нари кетмасди. Ётоққа кирса, орқасидан чопди, даҳлизга ўтса, яна эргашди. Зоя зарур кийим бошларини оларкан, дам-бадам фозга нигоҳ ташлаб қўяр, уни ёлғиз ўзини қолдириб кетаётганига ичи ачиша бошлаган эди. Кечаги овқатни олмай унга қолдирса-чи? Мана бу ноннинг ярмини ҳам ташлаб кетади. Кейин амаллаб бир кунини... Йўқ, қандай ҳам ўзини қолдириш мумкин? Ахир, босқинчи немислар ўйлаб ҳам ўтирай уни сўйиб... Зоя шу югур-югурда бу аянчли манзарани кўз олдига келтириди шекилли бир сесканиб тушди. Йўқ, уни бераҳм фашистларга қолдирмайди. Вокзалга олиб чиқади, у ёфи бир гап бўлар. Шу пайт унинг хаёлига фозни ҳам йўргаклаб олиш фикри келиб қолди. Оғзини ип билан маҳкам боғласа,

бўлди, овоз чиқармай кетаверади. Йўлда питирлаб юбормаслиги учун оёқларини ҳам боғлаб қўяди. Поездга чиқиб олгач, кимнинг ҳам иши бўларди. Зоя топқирилгидан хурсанд бўлиб, эски адёлнинг ўртасидан иккига бўлди. Бир хил қилиб ўраса, эгизак боласи бор экан, деб ўйлашади ва текшириб ҳам ўтирумай поздга чиқишига навбатсиз йўл беришди. Унга жон кирди. Аввал фозни йўргаклади. Жонивор кетишини сезди чоғи, қаршилик қилмай жим турди. Ҳали ўзига кийим қидираётганда, ойна ўрнига оқ читдан парда тутилган шкафида қишида ўрайдиган иссиқ рўмолига кўзи тушганди. Бир-бирига ўхшаш иккитасини олди-да, ишга киришди: фозни қимирламайдиган қилиб боғлагач, навбат чақалогига келди. Уни ҳам адёлга яхшилаб ўради, сўнг белидан чимдига рўмол боғлади. Поездда ҳужжат сўраб қолса, қидириб юрмаслик учун боланинг туғилганлик ҳақидаги гувоҳномасини йўргакка солди. Ана энди йўлда оч қолмасликлари учун у-бу егулик олса бўлади.

– Бўлдингми, Зоя!

Ташқарида қишлоқ оқсоқолининг ваҳимали овози эштилди.

– Кетяпман! – деди питирлаган Зоя каттагина тугунни елкасига осаркан.

– Ҳамма кетиб бўлди-ку, нима қилиб ҳалиям ивирсиб юрибсан!

– Мана, ҳозир!

Зоя икки йўргакни бир амаллаб қўлларига олдида кўчага отилди. Сал нарида турадиган қўшниси беш ёшли ўғилчасини судраганча чопқиласб ўтиб кетди. На салом, на алик бор. Юз-кўзларидан ваҳимага тушгани, биргина илинжда – тезроқ поездга чиқиб олиш учун одимлаётгани билиниб турибди. Зоя энди қўшнининг ортидан йўлга тушмоқчи эди, ногоҳ ҳаллослаб келаётган майорни кўриб, нафаси ичига тушиб кетди: “Тамом сезиб қолди!” Ҳа, майор Зоянинг бир қўлидаги йўргакда фоз борлигини фаҳмлган эди.

– Билганингдан қолмабсан-да! – бақирди анча яқин келиб қолган майор.

– Ахир...

– Хомтама бўлма, барибир поездга чиқармайман! Менга фақат одамларни эвакуация қилиш топширилган! Тушунарлими, сенга! Тўхта, қани яқинроқ кел-чи, қайси бири боланг, ўзи?

Майор шундай деб, аввал йўргакларни ушлаб кўрди, кейин ичига назар ташлади. Тумшуғи боғланган фозга кўзи тушиб, Зоянинг чап қўлидан шартта юлқиб олди-да, ёғоч панжарадан ошириб ҳовлига улоқтириди.

Зоянинг жон-пони чиқиб кетди, аммо газабкор майорга қарши ҳеч гап айтолмади. Қасдлашиб поездга чиқармаса, нима бўлади? Чақалоги билан немисларга асир тушса... Худо кўрсатмасин!

– Майли, олмайман. Фақат ипларини ечиб қўйай! Бу ҳолда...

– Фақат тез бўл. Ортимдан етиб олмасанг, ўзингдан кўр! – деб кўзлари жовдираган Зоянинг гапини бўлди оқсоқ майор.

Зоя қаршисида турган ҳарбийнинг жирраки одам эканлигига аҳамият бермай шитоб билан ортига қайтди. Даҳлизга кирибоқ елкасидаги тутунни полга ташлади. Қўлидаги йўргакни эса ўртадаги думалоқ столга қўйди. Ҳовлига чопди, йўргакни очмоқчи эди хаёлига фозни ечиб юборсам, барибир ортимдан қолмайди-ку, деган фикр келиб, ниятидан қайтди. Нима қилса экан? Ҳа, айтгандай, шу ҳолича тутуннинг ичига яширса-чи? Амаллаб поездга етиб олар? Шундай ҳам қилди, аммо тугун ҳаддан зиёд катта бўлиб кетди. Анову жаҳлдор майор бу сафар пайқаб қолса, фозни аяб ўтирумаса керак. Бир тегиб майиб қилади ёки шартта отиб ташлаши мумкин. Зоя бирор қарорга келолмай торгина хонада айлана бошлади. Демак, илож йўқ экан-да? Ўрганиб қолган фози билан шу ерда хайларашадими-а?

Деразадан кўча тарафга қаради. Майор кўринмади. Сал нари кетса орқасидан чиқарман, балки менинг ҳам қайсарлигимни қўриб раҳми келар, деб ўйлади ва очиқиб йиглай бошлаган гўдатини кўтариб, ётоқхонага кирди. Темир каравотга ўтириб боланинг оғзига кўкрагини тутди. Майли, тўйиб эмиб олсин, бир югурсам етиб оламан. Олтида дегани билан ўз вақтида жўнармиди? Зоя хаёлида кеч қолмайдигандай бемалол эмиза бошлади. Ҳали ёш, жадал-жадал қадам ташласа, майорга бир зумда етиб олади. Балки ундан ўти ҳам кетар. Қизалоқ тўйди. Зоя болани каравотга ётқизиб, фознинг олдига борди. Уни қўлга олганича бир зум ўй суриб қолди.

– Зоя!

Зоя эшик олдида қўли мушт қилиб туғилган майорни қўриб тарашадай қотиб қолди.

– Тугунингни ол-да, кўзимдан йўқол!

Зоя беихтиёр тутунни елкасига осди.

– Кетгинг келмаяптими? Нима, немисларга таслим бўлмоқчимисан? Балки уларнинг айғоқчисидирсан? Гапир! Агар шундай бўлса, сени ўзи отиб ташлайман!

Майор шундай деб ёнига осилган тўппончани қўлига олди.

– Гапир, ярамас!

Зоя дағ-дағ титраганча ҳовлига отилди. Майор уйда одам бормикан, деган хаёлда хоналарга бош суқди. У ётоқхонага қадам босганды очиқ деразадан шабада кириб, дарпардани учирдию бир зумга йўргакдаги чақалоқнинг устига ёпилиб, майорнинг ўткир ва шубҳали нигоҳидан тўсди. Одам зоти кўринмади. Майор ортига қайтди...

Тинка-мадори қуриган Зоя амаллаб вагонга чиқиб олди, сўнг йўрдакдаги боласини шундоқ бағрига олганича орқасига суюнди. Фала-ғовур, болаларнинг йифи-сифиси қулогига кирмади. Поезддан қолиб кетмаслик учун ўзиям роса чопди-да. Ортига қараса, кўзларига қон тўлган майор худди отиб ташлайдигандай туюлаверди: тўхтамай югурди. Хайрият, улгурди! Ана энди бирпас мизғиб олсаям бўлади. Чақалогининг қорни тўқ, уям лўкиллаб чарчагандир? Майли, ухласин.

Зоя поезд қаттиқ тебранганда чўчиб уйғониб кетди. У ёнида мунқайиб ўтирганча “Илоя, уйинг куйсин, сен Гитлерни!” дей пичирлаб қарғанаётган хотиндан қанча юрганини сўради.

– Икки соатдан ошди.

Зоя қизалогига қулоқ тутди. У жим эди. Уйғусини бузгиси келмади. Ором олсин, гўдаккина! Поезднинг шовқини, безовта одамларнинг ғам-ғуссага ботган нигоҳлари, қариларнинг оҳвоҳию, турли ёшдаги болаларнинг тўполон ва инжиқлари унинг жажжи юрагига ваҳм солмасин. Қанча кўп ухласа, шунча яхши.

Бироқ орадан тахминан бир соатларча вақт ўтса ҳамки, гўдак жим. Тўғри, вагоннинг гоҳида аста тебраниши болаларни гўё аллағандай ҳам эди. Лекин наҳот шунча пайтдан бери қорни очқамаган бўлса? Қани...

Зоя бақадай қотиб қолди. Кўзлари қинидан чиқиб кетгудай катталашди. Кейин бирдан бошини чангллади. У гапирмоқчи, йўқ, йўқ, бақирмоқчи бўлар, аммо нафаси ичига тушиб кетгани боис, бўғзидан ҳаво чиқмас эди. У йўргакнинг бир четини очганидаёқ юраги тўхтаб қолгандай бўлди. Атрофдаги одамларнинг деярли барчаси ўзи билан ўзи овора. Кимдир қотган бир бурда нонни кафтлари орасида яширганича майда чайнайди. Овоз чиқариб ёнидагиларнинг эътиборини тортишни истамайди. Кимдир чанқоқдан томоғи қақраган бегона болага темир кружкада бир ҳўплам сув тутқазади. Бирор йўқотган синглисини қидиради, бирор қунишиб олганича кўзларини очишни истамайди.

Айни шу маҳалда вагоннинг ичини ўта ваҳимали чинқириқ овози тутдию катта-кичикни

бирдай ларзага солиб, ўтакаларини ёрди. Каракт ҳолатидан ўзига қайтган Зоянинг ичига тўплаган ҳаво гўё даҳшатли вулқоннинг портлашини эслатди. Юракнинг туб-тубидан отилиб чиқсан нидо вагон ичидаги ҳар қандай шовқин-сурондан устун келганди:

– А-а-а-ааа!

Зоя чуқур нафас олди-да, овозининг борича яна бақирди:

– Аа-ааа-аааа!

Одамлар ҳеч нарсага тушунмади. Фақат Зояга яқин ўтирган хотингина унинг боласидан айрилиб қолиби шекилли деб тахмин қилди ва кўрқибгина йўргакнинг бир четини кўтарди.

Тумшуғи боғлаган фоз!

– Поезднинг тўхтатинг!!! Поездни тўхтатинглар, деяпман сизларга!

– Поездни тўхтатиш мумкин эмас, – деди сал нарида ўтирган қария. – Вазият оғир қизим. Тахлика остида қолган ҳудуддан чиқиб олмагунча...

– Унда мен тушиб қоламан! Ҳа, вагондан сакрашим керак! – Зоя шундай деб отилиб ўридан қўзгалди. Одамларни туртиб-суртиб вагон эшиги томон интилди.

– Нима гап, нима бўлди?

– Уйда қизим қолиб кетибди! Қизалогимни қолдириб келибман! Эшитяпсизларми, уч ойлик гўдатимни ташлаб келибман!

Айримларнинг юзида ачиниш, баъзиларда эса нафрат ифодаси зоҳир бўлди.

– Вой, нега қолиб кетади?

– Она деган ҳам шунаقا ҳардамхаёл бўладими? Қандай қилиб чақалоқни ташлаб кетиш мумкин?

– Кўзинг қаёқда эди?

Атрофдан шунга ўхшаш ҳақли саволлар ёғила бошлади.

– Атай қилмадим, ахир. Шошганда қизим ўрнига фозни кўтариб келибман.

– Фозни??

– Йўғ-е?

– Ана холос!

– Эшикни очинглар! Ёрдам бермай нега қараб турибсизлар? Мен қишлоққа қайтишим керак! Уйда Расиям ёлғиз қолган. Унинг олдига боришим шарт! Агар бормасам у ўлиб қолади! Э, Худо менга мадад бер. Унинг олдига боришимга кўмак бер ўзинг. Мен боргунча қизчамнинг жонини омон сақла!

– Камида тўрт соатча юрдик, – деди ҳалиги қария Зоянинг қўлидан тутиб. – Бу икки юз-икки юз эллик километр дегани, қизим. Биринчидан, поезддан сакрашинг хавф-

ли. Жонингни хатарга қўйишинг мумкин. Оёғингни синдириб олсанг нима бўлади? Судралиб қачон етиб борасан? Бирор жойинг лат емаган тақдирда ҳам уйингга икки кунсиз етиб боролмайсан.

– Майлига, поезддан тушиб қолсам бўлгани!

Зоя энди “дод” соганича вагон эшигини силтаб очишига тириша бошлади. Қария эса жабрдийда онани тўхтати қолди. Аёллар чолнинг гапида жон бор дейишиб, Зояни тақдирга тан беришга ундар, ичкарига олишга ҳаракат қилишарди. Аммо қани энди юраги ловуллаб ёнаётган аёлни тўхтатишга кучлар етса, ҳовуридан тушира олишса.

Бирдан Зоянинг кўз олди қоронгулашди. Ҳолдан тойдими ёки ҳушидан айрила бошладими, ўзини полга ташлайди...

* * *

Зоя опанинг ҳикоясидан юрагим даҳшатга тушди. Урушнинг азоб-үқубати унинг нозик вужудида ўчмас жароҳат қолдирган эди. Нима сабаб кўзларидан доимо ёш қуилишининг сабабини энди англадим. Бечора ўша кунни асло унутмаган. Унтуломаса ҳам керак.

– Сендан биргина илтимосим бор, – деди Зоя опа кўзларимга илтижо билан боқиб.

– Бажонидил.

– Энди қишлоққа қайтмасам бўлмайди. Мени кузатиб борсанг, дегандим.

– Бутунлай... кетмоқчимисиз?

– Ҳозирча бир нима дея олмайман.

– Қишлоқ одамлари сизни кечиришармикин? Ахир, улар...

– Улар нима деб ўиласалар ўйлайверишин. Мен қизимдан ном-нишон қолмаган бўлса кепрак деб юардим. Худога шукрлар бўлсинки, қабри бор экан. Энди қабрини зиёрат қилишим, унга бош қўйиб, кечирим сўрашим керак. Ундан ёлвориб сўрайман, мен гуноҳкор онасини кечиришини. Агар шу ишни қилолмай ўтиб кетсан... яна ўзимни кечира олмайман. Илтимос, кейинги боришингда мени ҳам олиб кет.

Зоя опага ваъда бердим. У биринчи марта менинг пешонамдан ўпига қўйди.

Айни баҳор пайтида яна хизмат сафарига отландим. Зоя опани қайтиб келса керак деган ўйда турист сифатида расмийлаштириб, чипта олдим.

...Қишлоққа яқинлашарканмиз, қадамлар се-кинлашди. Бармоқлари титрай бошлаган, оёғидан тобора мадор кетиб бораётган Зоя опанинг қўлидан тутдим. Анча кексайиб қолган Зоя опа қаршилик қилмади. Ёшга тўла кўзлари билан миннатдорлик билдириди.

– Тепаликка яқин қолган сари юрагим эзилиб кетяпти. Келишга келяпману, аммо унинг қабрига қай кўз билан қарайман. Шу ёғини ўйламабман.

– Бардам бўлинг. Ахир, атай қилмабсиз-ку. Расия сизни аллақачон кечирган бўлса керак.

– Зора шундай бўлса...

Зоя опа аста кўзга ташлана бошлаган тепаликдан кўз узмас, томогига тиқилиб келаётган ўкирикни аранг босар, оёқлари оғирлашиб зўрга қадам босса-да, ҳеч нимага парво қилмас эди. Ниҳоят, тепалик ва унинг четидаги кичкина қабр ёнига етиб келдик. Зоя опа бир бўлак эски тахтага ўйиб ёзилган ёзувни кўрганда, ўзини тутиб тура олмади: хўнграб йиғлаганча майсалар кўкара бошлаган жажжи қабрга ўзини отди. У энди ҳамма нарсани унуган эди, фақат зорланниб йиғларди, холос.

Уруш туфайли кечирилмас хатога йўл қўйган, бу жудоликдан бир умр азоб тортган, ҳаёти заҳарга айланган ва юрак ютиб марҳума қизалогининг қошига келган, тинмай: “Мени кечир, кечира қол” деб қалбини тирнаётган онаизорнинг маҳзун ҳолатига чидай олмай нари кетдим.

Назаримда орадан бир мунча вақт ўтди. Бориб Зоя опани қабр устидан олгим келди. Ахир, қачондан бери намиқдан ерга кўксини бериб ётиби. Яна касал бўлиб қолса...

– Зоя опа, туринг энди. Гўдакнинг руҳини кўпам қийнаманг.

Бироқ Зоя опа гапимга жавоб қилмади. Эшитмагандир деб елкасига қўлимни қўйдим. Бирдан хаёлимга... Негаки, уруш сабабли бирор кун ҳам рўшнолик кўрмаган, юраги адои тамом бўлган муштипар онанинг вужуди энди титрамаётган эди-да. Қўлидаги томирга аста бармогимни қўйдим. Хаёлимга келган совуқ фикр тасдифини топган эди: жудоликдан қон қақшаб “тирик жасадга айлаган” Зоя опа турки совуқ ҳарбийнинг дағ-дағасидан титраган пайтида очлик гирдобида қолдирб кетган уч ойлик жигарпорасининг қабрини кучоқлаганча бу фоний дунёни тарк этган эди.

Шу куни кечга томон тепаликда яна бир қабр пайдо бўлди.



*Х*орор БАЙЗО

1967 йили туғилған.
Тошкент тиббиёт институты (хозирги Тошкент тиббиёт академиясы)ни тамомлаган.
“Мунаввар тонглар”,
“Согинч суврати”, “Сир соҳили” каби китоблари чоп этилған.

Thoror BAYZO

*Boychiborli
elim, chavandoz
elim...*

Ишқ майин узатса малакдай моҳлар,
Оҳ, деб юборсалар дилингда оҳлар.
Жонингга ўт қўйиб олов нигоҳлар,
Сўзсиз сўйлагандага сўзга нима бор?

Лаҳзалар куй ғалиб тор бирла кегса,
Кўнгил умри кўнгли бор бирла кегса,
Йигитлик онлари ёр бирла кегса,
Баҳор айёми бу, кузга нима бор?

Пою патакларга илашган хаслар,
Билмайсиз, дунёда не хабар, саслар.
Куймоқ лаззатидан бебаҳра каслар,
Мухаббат қасрида сизга нима бор?

Қизгалдоқ пойида тупроқ бўлмасак,
Тупроқка тўкилған япроқ бўлмасак,
Япроққа ярашиқ титроқ бўлмасак,
Шеърият богида бизга нима бор?!

Бободекқон юрти – ҳотамнинг юрти,
Момо Ҳаво юрти – онамнинг юрти.
Имом Буҳорийлар дуо қилған эл
Отингдан айланай,
Отамнинг юрти.

Алномишли элим, ёйондоз элим,
Бойгиборли элим, ғавандоз элим.
Борим пойларингга пойондоз элим
Отингдан айланай,
Отамнинг юрти.

Тупрогинг сурайин кўзларимга ман,
Юзларим босайин юзларингга ман,

Балогардон бўлай бўзларингга ман
Отингдан айланай,
Отамнинг юрти.

Яқинлардан яқин – яқин керагим,
Тушимда ҳам аҳволингни сўрагум.
Ватан игра Ватаним – Мингтерагим,
Отингдан айланай,
Отамнинг юрти.

Нони беминнатим, огиқ қўлимсан,
Замахшарий битган кўҳна илмсан.
Боримсан, оримсан, жону дилимсан,
Отингдан айланай,
Отамнинг юрти.

Xayolimda asraganím

*S*alim
ABDURAHMON

Hikoya

Фарҳод Ширинни ҳеч кутилмаганда қадрдан боғда учратди. Ёнида ширингина қизалоқ. Шунда мўъжиза рўй берди: бир лаҳзада қалбининг тубига кўмиб ташлаган сирлари хаёлида жонланди, хотиралар кўз олди-дан кино тасмасидек ўта бошлади.

...Улар бир-бирини университет ётоқхонасида топишиди. Топганда ҳам бу учрашувдан роппа-роса икки йил ўтгандан кейингина топишиди. Ўшанда баҳор эди. Ҳар томон яшилликка бурканган, ётоқхона ҳовлисида турфа гуллар очилиб, атроф ўзгача бир гўзал қиёфага кирган. Йигит-қизлар қалбида нафис туйғулар ўзини намоён эта бошлаган кунларнинг бири. Улар бир муддат ётоқхона олдидағи ўриндиқда ўтириб сұхбатлашишиди. Йигит шундоққина ўриндиқ ёнидаги қийғос очилиб турган атиргуллардан бирини узиб, қизга тутди. Қиз ҳам жилмайиб қўлини узатди. Бир муддат сұхбатлашишиди ҳам.

– Исмингиз нима, яхши қиз?
 – Қайси қиз ўз исмини илк кўришганда айтаркан?
 – Дўстона сўрайпман.
 – Ширин.
 – Ширин! Ростданми? Меники эса Фарҳод.
 – Ҳазилни ҳам олар экансиз-да.
 – Бу ҳазил эмас. Ростдан ҳам шундай. Мана, истаган одамингиздан сўрашингиз мумкин. Бу бир тасодиф, холос.
 – ...

Бу сұхбат кейингиларига йўл очди. Ушбу танишув ҳар иккисининг наздида тақдир иноятидек эди. Аввал дўст бўлиб юришиди. Бу дўстлик муҳаббатга айланиб улгурганини улар мана шу икки йил ўтгандан кейингина билишиди.

Фарҳод ва Ширин бошқа-бошқа вилоятдан, бошқа-бошқа университетда ўқир, ўшанда қиз ётоқхонага қариндошини кўргани келганди. Қариндош эса Фарҳоднинг ўртоги бўлиб, бу барчасини шу ўриндиқ атрофига жамлаганди.

Бир куни Фарҳод унга севгисини билдириди. Бедор тунларнинг бирида дилидагини бир дунё қилиб SMSга жойлаб жўнатди. У тарафдан аниқ жавоб бўлмади. Лекин Фарҳод қизнинг ўзига мойиллигини яхши англарди. Жавобсиз SMS уларнинг яна ҳам тез-тез кўришишига сабаб бўлди. Борар манзил эса шаҳар марказидаги боғ, у ердаги ўриндиқлардан бири. Улар ҳар куни дарсдан кейин метро бекатидан чиқсан жойда учрашишар, боғни айланишарди.

Фарҳод севгилисининг жавобини интиқ кутиб, ўзидан сўраб рози-ни ололмай юрган кунларнинг бирида Ширин қўлига булоғлик қофоз



*S*алим АБДУРАХМОН

1984 йили туғилган.
 Ўзбекистон Миллий
 университетининг ўзбек
 филологияси факультети-
 ни тамомлаган.
 Ҳикоялари матбуотда
 эълон қилинган.

тутди. Фақат ётоққа боргач очишини тайинлади. Фарҳод сўз берди-ю, ётоқхонага боришга сабри етмай таксидаёқ очди. Илк жумлалар уни ширин ҳислар қаърига улоқтириди. Хурсандлигидан бақириб юборди. Шофёр жинними бу дегандек бир-икки борунга қараб қўйди. Хат эҳтирос билан бошланганди:

“Фарҳод ака, юрагимдаги бир дунё орзу-умидларимни сизга ишондим. Яна ишонганим – сиздан бошқа мени баҳтли қила олмайди... Севингизни изҳор қилган кечадан бўён қалбимда бир сўз, бир гап: хўп, хўп, хўп...

Рости, ўзим ҳам баҳтиёрман, чунки оппоқ, пок орзуларимни, ўзимни яхши бир инсоннинг қўлига, кўнглига топширяпман. Ўлайманки, йиллар бўйи бир-биришимни ардоқлаб, асрар яшаймиз. Ўртадаги ишончимиз, самимиятимиз, муҳаббатимиз умримиз охиригача шундайлигича қолади. Бу қарорга келишим осон бўлмаганига ўзингиз ҳам гувоҳсиз. Лекин мен энди танладим, танлаганда ҳам ўзимга муносиб, хаёлларимда асрарсан, йиллар бўйи кутган инсонимни танладим. Бу танловдан, аввало, ўзим баҳтиёрман...

Мениям сизники каби орзуларим кўп, баҳтли бўлишни, бўлганда ҳеч кимни кига ўхшамайдиган баҳтим бўлишини, севикли ёрим билан ҳамиша ҳамдам, ёнма-ён, сирдош, дўст бўлишни истайман. Бу йўлда неки қийинчилик бўлса, барчасини енгиб ўта оламан, бунга иродам етади. Биласиз, бироз ўзига ишонган, ҳатто бино қўйган қизман. Мабодо, сизнинг ёнингизда ҳам шу қилиғимни қилиб қўйсам, мени кечиринг, тўғри тушунинг. Зеро, бу инжиқ кўнгилнинг нозлари, тантиқлари менман, мен шу туйгулар билан борман. Менам романтикман, романтик бўлганда ҳам унча-бунчамас. Фақат ҳаёт менга ҳамиша бешафқат муносабатда бўлади, лекин мен унга жавобан ҳаммага, ҳамиша баҳтлиман, дея уқтириб яшайман...

Оила – муқаддас даргоҳ, мен у ерга ёлғон ёки хиёнат билан кириб боришни истамайман. Мени жонимни, имонимни бутун қиладиган инсоннинг юзини ерга қартишни истамайман. Шунинг учун қалбимни, тизгинсиз, осмонвор орзуларимни ҳеч кимга бермай келдим, юрагимни ўзгалардан, айниқса, йигитлардан қизғониб яшадим. Сизга тухфа этаётганим, энг нафис чиннидан ҳам шаффофроқ, нафисроқ бўлган қалбимни асранг (ўзим уни ҳар доим ҳам асрай олмайман)... Шунда мен ҳам сизнинг кўнглингизни, орзуларингизни асрай оламан, ўзим истаган оиланинг баҳтли бекаси бўла оламан. Сизни эса шу оиланинг шодумон беги бўлишингиз учун неки қийинчилик бўлса, барчасини енгиб ўтишга ҳаракат қиласан. Фақат сиздан бир илтимос, мени ҳеч қаҷон ёлғиз қолдирманг. Ёлғизликдан қўрқаман, ундан нафратланаман!

Ширин”

Шудамда Фарҳод осмонларга учди. Атрофдаги ҳамма, йўлида учраган ким бўлсин – барчасига баҳтиёргини айтмоқчи бўлар, Ширин рози бўл-

ди, деб баланд овозда ҳайқиргиси келарди. Ўзига келганда, қандайдир нотаниш жойда эди. Таксидан яrim йўлда тушиб қолган экан. Бошқа машина тўхатишга тўғри келди.

Шундан сўнг ҳақиқий севги, ҳақиқий учрашувлар бошланди. Адоғи йўқ SMS ёзишлар тунни тонгга уларди. Нима бўлганда ҳам йигит қизни ёлғиз қолдирмасликка интилди.

Кунларнинг бирида бир-бирига боқиб ўтиришганда Фарҳод қизнинг қўлидан тутиб, ўзига тортиди. Ширин нима бўлганини англаёлмай қолди. Шошиб ўрнидан туриб кетди. Буғдоранг юзи қизил олмадек бўлди. Фарҳод ҳозир у аразлаб кетиб қолади, деб қўрқсанди, бундай бўлмади. Ширин ёнидаги чинорга елкасини бериб, нигоҳини ердан узмай:

– Бунақа қиладиган бўлсангиз, бошқа келмайман, – деди.

– Хўп, хўп, кечир...

Улар қўл ушлашиб узоқ сайр қилишди. Бу каби учрашувлар ҳар куни канда бўлмай давом этар, қуёш ботай деганда, Фарҳод Ширинни гоҳ автобусга чиқарип, гоҳ ўзи таксида уйига ташлаб ортига қайтарди.

Тунлари SMSлар ёмғири икки қалбнинг туб-тубида ётган сўзларни бир-бири томон олиб учар, алангали муҳабbat тобора авж оларди:

“Шириним, мен сенга жуда-жуда муштоқман, мен сенга интиқман. Ҳозир сени, кулиб турган нигоҳингни, борлиғингни хонамдаги ҳар бир нуқтадан излаяпман. Девордаги сурат, стол устидаги чироқ, ўқиётган китобимдаги ҳар бир варак... Қайдা бўлмай сен кўринасан. Тутиб олай дейман-у, қўл узатсан қўйлим фақат ўша совуқ жисмларга тегиб, хаёлларим чувалашади. Ҳозир ёнимда бўлиб қолсанг-у, кўзларингга узоқ тикилсан...

“Фарҳод ака, мен-да орзунинг покиза деворларига ҳар куни, ҳар лаҳза шаклсиз суратлар битаман, SMS лавҳалар ёзаман ва уларнинг барча-барчасини Сизга атайман. Биласизми, Сиз Ширинни эмас, унинг кўнглини, руҳини изланг, девонавор туйгуларини топинг, маҳкам ушлаб олинг. Шундагина саркаш бу қизнинг бори, борлиги сизники бўлади”.

Кундузлари эса дарслардан сўнг уларни ўша қадрдан ўриндиқ қарши оларди. Уйқусизлик, дарслардаги чарчоқ билиниб турса-да, бир-бирини кўрганда барчаси ортга чекинарди. Шундай баҳтли кунларнинг бирида худди шу жойда ўтиришарди. Бу пайтда баҳор ёзга ўринини бўшатганди. Боғда, асосан, Европа дараҳтлари бўй чўзган. Шундай дараҳт бўлган ўрикнинг ҳар-ҳар жойда кўринаётган меваси пишган улар узиб олиб еб, унинг бошқача тахир таъми борлигини бир-бирига айтишарди. Елкалар бир-бирига тегиб туради, иккиси ҳам шодумон эди. Фарҳод гап жиловини бутунлай бошқа томонга бурди:

– Ширин, фарзандимиз кўп бўлади-а?

Қиз уялиб, ерга қаради.

– Нега фарзанд ҳақида гап очиб қолдингиз?

– Яхши ният, ҳаётим.

– Бўёғини вақт кўрсатади.

– Биринчиси қиз бўлади. Ширингина қизалоқ. Ўзингга ўхшаган, Ширин.
 – Йўқ, биринчиси ўғил бўлади.
 – Йўқ, қиз.
 – Ўғил.
 – Майли, сен енгдинг. Ўғил бўлса исмими нима деб қўямиз.
 – Сизга ёқсан исмни қўямиз. Ўзи сизга қайси исм ёқади?

– Исл... Исл. Зафар бўла қолсин. Муҳаббатимизнинг зафар қучгани ва ўзи ҳам ҳамиша зафар қучиб юриши учун исми шундай бўлади. Аслида менга шу исм ёқади. Тўхта, қиз бўлса-чи?

– Раъно. Буни кўпдан ният қилганман. Қизим бўлса исмими Раъно қўяман деб.

– Раъно, жуда чиройли исм. Келишдик, қиз бўлса Раъно, ўғил бўлса Зафар. Билиб қўй, биринчиси, албатта, қиз бўлади.

– Қиз ё ўғил бўлсин – Худойим, аввало, берсин. Умри билан берсин. Ниятимизга етайлик.

– Айттанинг келсин.

Ширин диплом олганда, Фарҳод қип-қизил гулдаста ва иккита каттакон оппоқ ўйинчоқ айиқ сотиб олиб, бирини кўтариб борди. Мўъжазгина кафеда нишонлашди. Иккисининг ҳам шодлиги чексиз эди...

Фарҳод ҳам дипломини олди. Соҳаси бўйича пойтахтда ишга жойлашди. Ширинга совчи қўйди. Совчилар унинг амакисиникига гоҳ поезда, гоҳ енгил машинада икки-уч боришиди. Шириннинг ота-онаси ўшлигидаёқ автоҳалокатдан вафот этган, шу амакисиникида ўстанди. Етимнинг эгаси кўп бўлади, дерди отаси. Бу гапнинг мағзини Ширинга совчи қўйганда чақди. Чаққанда ҳам яхшигина чақди. Қизнинг уруғи мўл, эгалари кўп топилиб қолди. Бу қариндоши рози бўлса, буниси ўйлаб кўрамиз деди, буниси рози бўлса, учинчиси узоқ деди. Хуллас, ора йўлда қолишиди. Совчилар ҳар сафар аниқ бир жавоб ололмасдан қайтишарди. Ширин агар ота-онам бўлганда, бундай бўлмасди, деб ийғлаб ҳам олди. Фарҳод ҳаммаси яхши бўлади деб уни юпатди. Лекин...

Бу орада Шириннинг амакиси Фарҳод билан сухбатлашгани Тошкентта келди. Узоқ йўл бостанини айтишни канда қилмади. Улар кафеда кўришишиди. Бир пиёла чой устидаги сухбат қисқа бўлди. Амаки савол берди:

– Келажақдаги режаларингиз қандай, ука?
 – Танлаган соҳам бўйича кетаман. Мана, ишни ҳам бошладим.
 – Яшаш қаерда, қандай бўлади?
 – Бу йил отам уй олиб бермоқчи.
 – Мабодо, Тошкентдан кетар бўлиб қолсангиз, нима бўлади?
 – Дипломим бор. Борган жойимда ишимни топаман. Ҳеч бўлмаса қишлоғимга борсам, иш тайин.
 Шу гапи амакига ёқмади. Юзи гезарди.
 – Энди, ука, насиб деб гапириш керак. Ҳаракат қилса ҳамма нарса бўлади. Ҳудо насиб қилса, шу



ерда ўз ўрнимни топаман деб ният қилиб, шунга интилиш керак.

– Амаки, бор гапни айтдим-да, ҳеч ким келажагини олдиндан кўролмайди-ку.

– Ният қилинса, ҳаммаси бўлади.

– Тўғри айтасиз. Менинг ҳам ниятим – шу ерда қолиб ишлаш. Шундай ҳам бўляпти.

Улар хайрлашишиди. Амаки нима қарорга келди – кўришишганда Ширин бу ҳақда индамади. Ўзи ҳам аввалгидек эмасди. Кўп ўйланарди. Сўраса, ҳаммаси жойида деб ўзини кулишга мажбур қиласди. Фарҳод буни сезар, бир кун яхшилаб гаплашиб олишни кўнглига тукканди.

Куз ҳукмини ўтказиб бўлган шундай кунларнинг биралидаги улар боғдан чиқиб, автобус бекати томон юришиди. Йўлда кўп гапларни гаплашиб, бекатга етиб келганини билмай қолишиди. Таниш рақамли автобус кўринди. Бу рақам Фарҳодга ёқмасди. Сабаби, бу рақамни асли ҳаётда ҳам ёқтирмасди, ҳам севиклисини олиб кетиб қоларди-да бу рақам. Автобус тўхтади. Қизнинг меҳри ийиб кетди. Айни дамда Фарҳодга шундай туюлди. Бу етти ухлаб тушига ҳам кирмас, чунки Ширин ҳеч қачон бундай қилмасди. Бу сафар шундай бўлди. Юзи-

ни чўзиб, йигитнинг юзига секингина лаб босиб, автобусга чопиб чиқиб кетди. Кетди. Сонияларда юз берган бу ҳолат Фарҳодни гангитди. Ҳозиргина севиклисисининг лаблари теккан жойни бармоқлари билан сийпалаганча жилмайиб, автобус кўринмай кетгунча ортидан қараб қолди. Ичдан шодланди. У айни пайтда бу бўса, бу шодланиш охиргиси эканини билмасди. Ўзига келгандা бу рақамли автобусдан яна бир нечаси ёнидан ўтиб улгурган, у эса кафти юзида ҳамон бекатда турарди. Кеча кечаси қариндошлари ё бизни де, ё ўшани, деган шартидан сўнг ора йўлда қолган Ширин бу гапни учрашувда севиклисига айта олмаган, бекатга етгач бўса ҳадя этиш билан чекланган, ўриндиққа ўтиргандан кейингина юм-юм йиглаб кетганди. Унинг ҳолатини Фарҳод билган-да қай ҳолга тушарди. Буни тасвирлаш қийин. Жуда қийин. Ёзувчи учун ҳам жуда оғир. Шу орада...

Ҳаммаси телефон компаниясининг тугатилиши билан бошланди. Аксига олиб Фарҳод ҳам шу компания мижози эди. Телефони ишламай қолди. Бошқа компанияга уланишига эса вақти бўлмади. Уч қунча Ширинга телефон қилмади. Сонияда эслаб турадиган севикислисини уч кун йўқламади. Ҳар он хаёлида бўлса-да, сим қоқмади. Учрашишни таклиф қилмади. Битта бўлсин SMS ёзмади. Қани Ширинсиз қанча яшар эканман, деб ўзини синаб кўрмоқчи бўлди. Бу синов уч қундан ошмади. Охири ишхонасидағи телефондан сим қоқди. Шундан сўнг, улар учрашадиган бўлишди. Ўша боғда. Фарҳод юриб эмас, учиб борди. Шу жойда ҳаммаси аксига олди.

Шириннинг кайфияти бутунлай тескари эди. Фарҳод қўлидан тутмоқчи бўлди. Туни билан йиглаб чиқсанми, кўзлари шишиб кетган Ширин рўйхушлик бермади. Аксинча, хафа бўлганини баралла ошкор қилди.

- Нега телефон қилмайсиз?
 - Номерим ишламаяпти, биласан-ку.
 - Эътиборсизсиз.
 - Унақамас. Янги номер олай.
 - Яхши кўрсангиз, бундай қилмасдингиз. Гаплашишнинг иложини қиласдингиз.
 - Бу нима деганинг.
 - Аввалги эътиборингиз йўқ. Мендан совугандексиз?
 - Ундай дема.
 - Худди шундай.
- Фарҳоднинг жаҳли чиқиб кетди.
- Инжиқлик қилма.
 - Ким инжиқлик қиляпти.
 - Сен, ҳарқалай мен эмас.
 - Шунақами? Ҳали мен инжиқ бўлдимми?
 - Шунақага ўхшаяпти.
 - Унда мени унутинг.
 - Бу нима деганинг.
 - Унтуинг, вассалом.
 - Бунақа дема.
 - Нима дейин?!

Бу гаплардан сўнг орада кўринмас жарлик ҳам пайдо бўлгандек кўринди Фарҳодга. Қиз ортиқ бир сўз демай кўзда ёш билан ўз йўлида кетди. Бу пайтда қаҳратон қиши қадам қўйган, изғирин эсар учиб, йўлда туриб қолган сап-сариқ япроқларни Ширин этиги билан эзгилаб-эзгилаб кетиб борарди. Фарҳод ортидан маъюс тикилиб қолди. Елкаси кўтарилиб-тушиб бораётган Шириннинг борган сари қадами секинлади. Бир бор тўхтади ҳам. Кетиш ё орта қайтишга иккила-наётгандек эди у. Биринчиси устунлик қилди. Фарҳод ортидан чопмоқчи бўлганда қиз таксига ўтириб бўлганди. У бир бор бўлсин ортига қарамади. Кетди.

Шу-шу бири-бирини кўришмади. Фарҳод кўп бор телефон қилди, тушолмади. Номерини алмаштириди. Уйига, ишхонасига қидириб борди. Тополмади. Кейин билди... Билганда кеч бўлган Ширин асли ўзлари томондан бўлса-да, ушбу шаҳарда яшайдиган ўзга бир инсоннинг ёрига айланганди.

Шириннинг қариндошлари устун келди. Танловда Ширин уларни танлади. Шунга мажбур эди. Оқ сут бермаган эса-да, туз берган, тарбиялаган, ўқитган. Ширин буни асло унутадиган қизлардан эмасди. Уларни ҳам тушуниш керак, жигарларидан қолган биттаю битта омонатни узоққа иргиттиси келмаяпти, деган хаёлга ҳам борди. Ўйлай-ўйлай охири шундай қилишга, яъни Фарҳоднинг олдига келаётганда бир қарорга келган, уни ортиқ умидвор қилгиси келмай, ранжитиб, ўзидан совутишини мақсад қилганди. Телефон қилмагани тайёр сабаб вазифасини ўтаб берганди. Йиглаб ортига қайтиб севикислисининг кўксига бош қўйишга бир баҳя қолган, бу жойда яна озгина турса, аниқ шундай қилишини билиб ўзини мажбуrlаган ҳолда илгарилаган таксига ўтиргачгина кўз ёшлирига эрк берганди. Кейин... Кейин... Қанча-қанча кўз ёшлар дастрўмолини ивитди. Барчаси фойдасиз бўлди. Ўшандәёқ бошқа сабаблар қаторида Фарҳоднинг жавоби амакига ёқмаган, у киши бир қарорга келганди.

Йиллар ўтди. Фарҳод уйланди. Фарзандли бўлди. Ўғил. Исмини ўзи қўйди: Зафар. Бу исм Ширинни ҳар қадамда эслатиб туришини, зафар қучмаган муҳаббат азоби янгиланишини билса-да, нима бўлди билмайди, тилида шу исм айланаверди. Охири Зафар исми тилида жаранг соғди. Бу исм ҳаммага, келинга ҳам ёқди. Зафар улгайиб, бешга кирди. Бир куни...

Юртга яна нечандирип баҳор меҳмон бўлган, атроф яшилликка бурканган, ҳовлиларда олчалар оппоқ гулга кирган пайт. Дам олиш кунларидан бири. Фарҳоднинг иккинчи фарзанди кутилаётган пайт. Хотини УЗИга тушганда, дўхтирлар қиз дейишибди. Келибоқ эркаланиб исмини нима деб қўямиз, деди эрига. Раъно жавобини олгач, жуда чиройли исм, мен ҳам шу исмни айтмоқчи эдим, қизимизнинг исми, албатта, Раъно бўлади, деб хурсанд бўлиб кетди.

Ҳозир у шифохонада. Шифокорнинг айтишича, бир-икки кун бор кўзи ёришига. Фарҳод ҳар куни бориб, хабар олади. Бугун ҳам бориб, ҳар эҳтимолга қарши ёнида қайнисинглисини қолдириб келди. Сўнг

Зафарни етаклаб кўчага чиқди. Чиқди-ю, боф томон юрганини билмай қолди. Авваллари оёғи тортмасди. Хотини бир-икки бор айтганда, у-бу нарсани баҳона қилиб унамади. Бугун эса...

Нима бўлди, билмайди, оёқлари ўзига бўйсунмаган ҳолда шу томон судради. Борди. Таниш жойлар. Хаёли минг бир кўчага ўрмалади. Ўша чинор. Ширин унинг панасига яшириниб, бошини чиқариб кулиб турган ҳолати. Илк бўса. Бу ҳамон кўз олдидা. Унутмайди. Унотолмайди. Ёнида Зафар чинорнинг пўстлоқларини сийпалаб, биж-бижлаб ниманидир сўзларди. Ёлғизоёқ сўқмоқ. Ўрик, ҳа, ўша тахир таъмли ўрик гулга кирибди. Юрди, тўхтади. Юрди. Олдинда... Юраги беихтиёр дук-дук ура бошлади. Эътибор берди. Қаради. Қаради-ю қотиб қолди.

Бир пайтлардаги қадрдан ўриндиқда Ширин ўти-рарди. Ҳа, ҳа, адашмаяпти: у – Ширин. Ширин ҳам ўрнидан туриб кетди. Бир-бирига қараганча қотиб қолишиди. Узоқ туришди. Ўша нигоҳ, ўша ёндирувчи кўзлар. Фақат юзи озигина сўғин. Ёнида ширингина қизалоқ. Кўзлар намланди. Ёш томчилади. Орадаги масофа икки одим. Икки одим-а. Икки одим ташлашса, бир бирига етади. Бир пайтлар етишарди. Энди-чи? Бу икки одим улар учун жуда узоқ манзил. Етиб бўлмас манзил. Минг уринишса-да, бунинг иложи йўқ.

Зафар жилмайиб уларнинг ёнига борди.

– Ассалом, опа.

Жимлик. У бунга эътибор бермади. Қизчага қараб жилмайди.

– Исминг нима?

– Раъно. Сеники-чи?

– Зафар. Дада, қаранг исми Раъно экан. Ойинг сенга Раъно деган сингил олиб келишга кетди дегандингиз. Бу ўша Раъноми, дада? Унда ойим қани?

– Йўқ, у...

Хурсанд бўлиб кетган Зафар Раънога гапирди:

– Менинг исмимни дадам қўйган.

– Меникини ойим. Менинг ҳам Зафар деган акам бор.

– Ростданми? Дада, Раънонинг Зафар деган акаси бор экан. Менга ҳам ойим Раъно деган ука олиб келади-а?

Зафар дадасидан жавоб бўлмагач, Раънога ўтирилди.

– Нечи ўшга кирдинг?

– Тўртга. Ўзинг-чи?

– Бешга. Дада, дадажон, Раъно мендан бир ёш кичкина экан.

Зафар аввал дадасига, сўнг Ширинга қараб туриб қолди. Унинг кўзидағи ўшни кўриб, ҳайрон ҳолда гапирди.

– И-е, нимага йиглайсиз, опа. Ким сизни хафа қилди.

– Ҳеч ким, ўғлим, ҳеч ким.

– Унда нега йиглайпсиз?

– Ўзим, ўзим.

– Оналар йигламайди, дейди, ойим, сиз ҳам Раънонинг ойисиз-а. Йигламанг. Хўпми?

– Хўп, хўп.

Ширин кўзидан оқаётган ўшни чўнтагидан дастрўмол олиб шоша-пиша сидирди. Сўнг Зафарга қараб жилмайишига ҳаракат қилди.

– Мана, йиғламаяпман.

– Зафар, менинг котта, ўзимдек келадиган оппоқ айғим бор, – дея Раъно Зафарга мақтанишга тушди.

– Менини ҳам бор. Истасанг, сенга бераман. Иккиси дўст бўлади.

Сўнг Фарҳодга ўтирилди.

– Дада, айиқни Раънога берсан бўладими?

– Ҳа, ҳа-а. Бўлади-бўлади, ўғлим...

– Ана, дадам ҳам рози бўлди. Бизниги борсанг уни сенга, албатта, бераман. Борасан-а?

– Ойим розилик бермайди. Ўзинг бизниги борақол.

Болалар бидиллашиб гаплашар, иккиси эса тош қотганча турар, ортга қадам ташлашнинг ҳам, бири бири томон юришнинг ҳам имкони йўқ эди...

– Дада, Раъноларникига олиб борасиз-а, айиқчамни унга бермоқчиман. Эшитяпсизми, дада? Сизга айтяпман, – дея Зафар бармоқларидан тортиб бир неча бор эркаланиб сўрагандан кейингина Фарҳод ўзига келди. Бу пайтда Ширин Раънони етаклаб катта кўчага чиқиб бўлганди. Фарҳод унинг такси тўхтатиб, кўздан пана бўлганча ортидан қараб қолларкан:

– Олиб бораман, ўғлим, айиқчантни, албатта, унга берасан, – дея Зафарни даст кўтариб, маҳкам бағрига босаркан фўлдирарди:

“Ширин, мен сени асрой олмадим, пок севгингни асрой олмадим. Илк хатингда битганингдек, оппоқ орзуларингни, ўзингни менга, хаёлларингда асраран инсонинг топширгандинг. Мен эса иродасизлик қилдим, севгим ва бахтим учун интилишим, ҳаракат қилишим, охиригача курашишим керак эди. Тақдир экан, дея қўл силкиб қўя қолмаслигим керак эди. Нима бўлганда ҳам энди фишт қолипдан кўчиб бўлди, Ширин. Сен билан ўзинг битганингдек ҳозир ҳамдам, ёнма-ён, сирдош бўлмасак-да, мендан узоқларда, жуда-жуда узоқ туман ичидан бўлсанг-да, ҳаёт бу сафар иккимизга ҳам бешафқат муносабатда бўлган эса-да, сен ҳамон қалбимда, хаёлимдасан. Сенинг баҳтили бўлишингни истайман. Қай ерда бўлма, ким билан яшама, ҳамиша баҳтили бўл! Бугун билдим: мен каби фарзандларинг бор, Зафаринг, Раънонг бор. Демак, оиласанг тинч. Бундан хурсандман. Жуда-жуда хурсандман. Эринг билан фақат ва фақат баҳтили бўл, фарзандларингнинг баҳтини кўр, мен сенга чин дилдан шуни тилайман. Яна бир бор айтаман: ёнимда бўлмасанг-да, сен ҳамиша қалбимда, хаёлларимда асраранимсан, Ширин, Шириним!”

Фарҳоднинг армонли ўйини телефоннинг овози бузди. Чўнтагидан олиб, қаради. Аёлидан SMS келибди. Шошиб тутмани босди:

“Дадаси, қаерлардасиз? Суюнчи билан келинг! Раънонгиз туғилди! Қизингиз шашқалоқ экан. Вақтини кутиб ўтирмади...”



*J*алолиддин САЙИД

1990 йили туғилған.
Шеърлари вилоят, республика
нашрларыда әтлон құлинған.

Хар ҳолда күзимга санғилғанда ғанг,
Ёрдамға шошади тоза құлларим.
Хар ҳолда ҳамроҳим құлғанда нағранг,
Оғзым таниғай содиқ иўлларим.

Хар ҳолда ҳег ерда қолмаган юким,
Елкамга олсан бас, кетаман тортиб.
Хар ҳолда пайқаса сал оғу юқин,
Тишиларим тилемни туради артиб.

Хар ҳолда шунға йил үзни ёлеңизлаб,
Күркүвға ботғандим шу қадар түкүр.
Хар ҳолда юрагим қолмабди музлаб,
Сени согиняпман...
Худога шукур!

*J*aloliddin
SAYID

*Har holda
yuragim
qolmabdi
muzlab*

*Ш*абиий ҳол

Құлингга нон олсанғ, адашмай сира,
Тұғри әлтасан-ку, оғзингә алхол.
Холбуки, оғзингни күриб турмайсан,
Парво ҳам құлмайсан – бу табиий ҳол.

Ёки бош оғриғин олсин деб бироз,
Тонғ саҳар күзингни оғиб-отғасдан.
Офтоба тұллатиб мұздайин сувни,
Құлингга құясан тұғри, шошмасдан.

Бирор сүраб қолса: “Нега шундай”, деб,
Тушунтиrolмайсан аммо ҳег қандай.
Барин беихтиёр қиласан худди,
Шундай бүлмокғлиги керак бўлгандаи.

Энди бир үйлаб кўр – бу алам негун,
Бу савол остида армонлар қат-қат.
Аё, дўст! Айт, менга, қагон биз уғун
Табиий ҳол бўлар юртга муҳаббат?..

Булутлар ўзини ташлади ерга,
Тошқынга лаб босди анжорнинг лаби.
Сенинг ҳов ўша күн титроқ қўлларинг,
Елкамдан ўзини ташлаган каби.

Дарахтлар кийимсиз қолғанлигини,
Шунда пайқаб қолди: баданлари ҳўл.
Мен ҳам сўнг англадим төгдай елкамни,
Тутиб турғанлигин ўша икки қўл.

Tabiatni asrang

“Qish edi...” romanidan parcha

Qaysin QULIYEV



Саид Оқмирза ҳайвонларни, күшларни кузатишни яхши кўрарди, уларнинг одатларини яхши биларди. Тот эчкилари уни ҳайратга соларди ва мафтун қиласарди. У табиатда тот эчкиларининг йўқолиб кетиши олдини олиш учун курашарди: ўзининг душмани деб ҳисоблайдиган браконьер-овчиларни фош этувчи ҳажвиялар, мақолалар ва хабарлар ёзив, матбуотда чоп эттиради. Саид мажлисларда бу ҳайвонларни қириб ташлаётганларга қарши нутқ сўзларди, мактабда, дарсларда доим ўқувчиларни Исмоилдай ашаддий овчидан ўрнак олмасликка чақирарди. Одамларга тот эчкиларини қириш ёвузлик ва шармандалик эканини тушунтиради. Овулда кўпчилик унинг тот эчкиларини яхши кўришидан ҳайрон қоларди, айримлари устидан куларди, аммо Саид эътиқодидан чекинмасди. Оқмирза шеърларидан бирида: “Тот эчкисини отиш – эркинликка ўқ узишдир”, – деб ёзганди. Мақолаларининг бирида табиат гўзаллиги ва тот эчкиларини ҳимоя қилиш ҳақида бундай ёзганди:

“Баланд чўққиларда бургутдан кейин яшайдиган жонзот тот эчкилари ҳисобланади. Улар чиройли ва ақлли ҳайвон, чўққиларда яшашини қаҳрамонликка қиёслаш мумкин. Уларнинг яшаш тарзи шунчалар ибратлики, одамда беихтиёр ҳайрат уйготади. Масалан, такалари токи табиат чақиригини эшитмагунларича эчкилардан алоҳида яшайдилар. Бунинг ҳаммаси улоқчалари қишиги совуқ ва емиш йўқлигига дунёга келмасликлари учун қилинади. Ҳеч ким уларни бу қоидаларга амал қилишларига мажбур қилмайди, такалар ўзлари тўдадан кетадилар. Одамлар-чи, болаларимиз-чи? Тарбияда битта гапни тақрорлашдан чарчамаймиз: бола яхшилиқдан кўра ёмонликни тез ўрганади. Барча жумбоқ шундаки, тот эчкилари ҳаётти гўзал ва ибратли. Уларнинг одатларидан ажабланмай бўлмайди. Қўшилиш мавсумида такалар эчки талашганда ўзларини қандай тутишади? Улар ҳам дунёдаги барча тирик жон сингари меҳр туйғусини қозониш ҳуқуқига эга бўлиш учун курашади. Аммо курашиш ва ўз қадрини ҳимоя қилиш турли усувларда амалга оширилади. Ажабланарлиси, тот такалари бундай мушкул курашни жар ёқасида олиб борадилар. Биттаси нарёғи жарлик бўлган қоя ёқасида туради, бошқаси ундан тепарогига чиқади. Тепароқда тургани пастга турганига югуриб келиб ташланади. Агар уни қулата олмаса, улар жой алмашадилар – энди тепароқда турган така бошини мағрур силкитиб,

Кайсин ҚУЛИЕВ,
болқор адаби

1917 йили Кабардин – Болқористон Республикасининг Чегем водийсидада туғилган. Унинг “Гул ва ханжар”(1968), “Кўзларингни севаман”(1977), “Мени ардоқлаган аёлларга”(2004), “Ҳайрат”(2013) ва “Менинг мукофотим”(2017) китоблари она тилимизда ғон этилган. У оғир хасталикдан кейин 1985 йил 4 июнь куни вафот этди. Вафотидан сўнг 1987 йили уг жилдли танланган асарлари ва “Қииш эди...” романи босмадан тикди.

Асрор МЎМИН
таржимаси



ҳозиргина рақиби турган хавфли жойга бориб туради. Улар шундай тарзда биттаси маглуб бўлгунича курашадилар. Адолатли ва гўзал! Бундай курашишни уларга ким ўргатган? Ҳеч ким! Мана шунинг учун ҳам ҳайвонларнинг хатти-ҳаракатлари ҳайратга солади.

Аммо бу ҳаммаси эмас. Қояларнинг яшил ён-бағрида, овлоқроқ жойларда майса-гиёҳларни еб тўйған пода дам олишга ётди, битта така теварак-атроф кўриниб турадиган баланд қоя устига чиқади ва дам олаётган оилани қўриқлади. Така қоя устида магрур турибди, атрофида оқ чўйқи ва мовий осмон – қандай гўзал манзара! У сергак соқчи, овчи қайси томондан подага яқинлашса ҳам, масофа узоқ бўлишига қарамай, дарров сезади. Хавфни сезган соқчи така ҳуштақдай товуш чиқарип подани огоҳлантиради ва сакраб тушиб подани хавфсиз томонга бошлаб қочади. Соқчи-

ликда такалар галма-галдан туради. Уларга ҳеч ким буйруқ бермайди. Улар ўз хоҳишларига кўра, соқчини алмаштиради. Агар соқчи така сергак туришига қарамай, овчи тепаликка яқинлаша олса, унинг отган биринчи ўқидан шу соқчи така ўлади. Аммо ўқ ёнидан ўтиб кетадиган пайтлар ҳам бўлади, шунда соқчи така подани огоҳлантиради, кейин қоядан сакрайди – пастга шохи билан тушади, бу уни жароҳатланишдан сақлайди, тезда қочаётган подага қўшилади, ўзини ва подани қутқариб қолади. Бунда тасаввуримизга сигмайдиган оқиллик ва гўзalлик мужассам. Бир-бирига оқибатли бундай мавжудотларни севмай бўладими?! Тоғларимиздаги шундай ажойиб ҳайвонларни бешафқат, баъзан эрмак учун қириб ташлаётган кимсалардан қандай қилиб нафратланмаслик мумкин? Агар аҳвол шундай давом этаверса, тез орада тоғ эчкилари йўқолади, тоғлар

эса битта гўзаллигидан айрилади. Авлодларимиз эса китобларни ўқиб, тоғларимизда тоф эчкиси деб номланган гўзал ҳайвонлар яшаганини билиб оладилар.

Балки ўқувчилар сўрашар: “Юз йиллар илгари аждодларимиз тоф такаларини овлашмаганми?” Овлаганлар. Аммо ҳозирдагидек эмас. Егулик нарсаси қолмаган, болаларини боқишига ҳеч нима тополмаган тақдирдагина ёввойи ҳайвонларни овлашга мажбур бўлишган. Ҳозир эса ўзининг ҳам, болаларининг ҳам қорни тўқ кимсалар тоф эчкиларини ўлдиришяпти. Аждодларимиз ҳарбий миљтиқ ёки қўл пулемётидан тоф эчкиларига ўқ узишмаган. Ҳозир эса бекорчихўжалар эрмак учун, мақтаниш учун тоф эчкиларини отиб ўлдиришяпти. Бу абллаҳлик! Бундай абллаҳликни тўхтатиш учун табиатни, гўзаликни севадиган ҳар бир киши оёққа қалқиши керак, ахир, биз шу заминда яшаяпмиз. Биз ота макон деб атайдиган бир парча еrimiz, билсангиз, ҳеч нарсага қиёслаб бўлмайдиган ажойиб маскан. Оқ чўққилар кўриниб турадиган шу афсонавий тоғлар бағрида туғилганимиз учун ҳаётдан миннатдор бўлишимиз керак. Ҳар тонг уйимиздан чиққанимизда, биринчи бўлиб оппоқ мўъжизани – Элъбрисни, Кавказ тоф тизмаларини кўрамиз. Улардан айрилиш биз учун катта фожия бўларди, бу йўқ бўлиб кетишимиз билан баробар. Шунинг учун биз ҳар бир дараҳтни асранимиз, ҳар бир гулга, ҳар бир тош, дарё, қуш, чумолига меҳр билан қаранимиз керак. Ҳеч қачон биз дунёда гўзал ўлкалар кам деб айтмаймиз. Гўзал жойлар кўп. Балки бизнинг еrimиздан ҳам гўзаллари бордир. Аммо биз жонажон ўлкамиз энг гўзал масканлар олдинги қаторида туради, дейишга ҳақлимиз. Бу жой дунёга машҳур Кавказнинг бир бўлраги. Қадимдан маълумки, ҳар бир одам учун ўзи туғилган ватан – бошқа ерлардан азиз. Ҳар қандай соғлом одам бу инсоний туйғуни тушуниши ва уни ҳурмат қилиши керак. Мана шунинг учун бизга ҳам қадрдан заминимиз ҳаётимиздай азиз, муқаддас. Унда бизнинг аждодларимиз яшаган, эндилиқда бағрида ётишибди, биз ҳам шу заминда яшаяпмиз, гўзалликларидан қувоняпмиз, нонини емоқдамиз, сувини ичяпмиз, навбатимиз келганида, биз ҳам оталаримиз каби унинг қучогидан жой оламиз.

Бизнинг бебаҳо хазинамиз ва бебаҳо муҳаббатимиз бўлган шу заминимизни ҳақорат қилишларига қандай чидаш мумкин?! Ўзинг туғилган, онанг бешигингни тебратиб алла айтган, биринчи қадам ташлаган ва оёғинг тупроқни сезган, тонгни, қўёшни, осмонни, юлдузларни, тоғларни, чўққиларни, дарёлар оқимини, оппоқ қорларни

кўрган, қушлар сайрашини, ирмоқлар жилдирашини эшитган заминга ҳамиша меҳрли бўлиш керак.

Умид қиласманки, ўқувчилар она заминимизнинг бебаҳо ва бетакрор гўзаллиги бўлган баланд тоғларда яшовчи жонзотларни шафқатсиз равишда қириб ташлаётган браконьер-овчиларга қарши неча йиллардан бўён кураш олиб бораётганимни тўғри тушунишади. Одамнинг битта ватани бўлади, унга бошқа азиз жой йўқ. Ҳатто қушларнинг ҳам севадиган инлари бўлади. Ҳар баҳорда қалдирғочлар Чалга қайтадилар, бу ерда уларнинг меҳр билан тиришиб қурган инлари бор. Улар узоқ мамлакатлардан, жуда олис масофани учиб ўтадилар. Қумли саҳролар, бепоён денгиз, ўрмонлар устидан учиб ўтиб, оддий темирчи ёки тоштарошнинг эшиги тепасига ёхуд мактабга қурган инларига қайтадилар. Агар уйингизда қалдирғоч ин қурган бўлса, буни ҳамма яхшиликка йўйишади. Мен Азимнинг овулидаги эски уйига бориш баҳтига мұяссар бўлганимда, эшиги устида қалдирғочларнинг иккита инини кўрдим. Мен шоирнинг қалдирғочлар ҳақида меҳр билан гапирганини ва уларга ҳайратланиб тикилганини бир умр унутмайман. Ҳар биримиз яхшиликни нафақат одамлардан, балки қушлардан, ҳайвонлардан, дараҳтлардан, қоялардан, дарёлардан – барча мавжудотдан ўрганишимиз керак. Ҳаммамиз чумолиларнинг тиришиб меҳнат қилаётганини кўрганмиз. Уларни ҳеч ким ишга ҳайдамайди ва мажбур қилмайди. Бундай тиришқоқлик ва меҳнатсеварлик уларга сингиб кетган.

Дониш табиатнинг гўзаллиги беназир. Лекин бизнинг Чалда ҳам шундай калтафаҳмлар яшайдики, улар бу гўзаллик борми-йўқми сезмайди, эртага сақланиб қоладими-қолмайдими барига тупуради. Аждодларимиз бизга ибратли ҳикмат қолдиришган: “Тентак ўзининг уйини ҳам ёқиб юбориши мумкин”. Бизнинг табиатга муносабатимиз шундай эмасми? Оталаримиз бизга қолдирган бебаҳо гўзал меросни йўқ қилиш – жиноят! “Биздан кейин тоғлар ҳам, дарёлар ҳам қолмасин!” деб айтган кимсаларга лаънатлар бўлсин. Бундай кимсалар ҳалқимизнинг гурури бўлган Азим билан бирга шу заминда яшаяптилар, битта ҳаводан нафас оляптилар, бирга қор ва майсаларга қараптилар. Қандай шармандали!

Боболаримиз қолдирган бу заминга қанча авлодларнинг пешона тери ва қони тўкилган, лекин улар ўз бурчини вижданан бажарганлар. Овулларда биз қадимий жанговар минораларни кўрамиз. Тоғлар, қоялар, тошлар – қанча қаҳрамонликлар гувоҳи, ботирларнинг кўплари биз

яшаётган шу заминни ҳимоя қиласан, деб беаёв жангларда ҳалок бўлишди, биз уларга насиб этмаган нонни еяпмиз, улар ичолмаган сувни ичяпмиз. Шу замин, унинг гўзаллиги, барча мавжудот – бу бизнинг умумий қувончимиз, умумий бойлигимиз, умумий бахтимиз, такрорлайман, бизнинг умумий боқийлигимиз. Мана, нима учун биз шу заминни, ундаги барча мавжудотни севишимиз ва асраримиз керак. Одамлар фақат шундай яшамоқлари керак. Мана, нима учун мен тог эчкиларига қирғин келтираётган овчиларни ўзимга душман деб биламан, мана, нима учун мен ягона ва жонажон заминимизнинг гўзаллигини шафқатсиз йўқ қилаётган кимсалардан нафратланман”.

Чалга унинг шу мақоласи чоп этилган газета этиб келганида, Сайд ўзига яна бир бор табиатта аёвсиз муносабатда бўлаётгандарга қарши қурашни давом эттираман деб сўз берди. Бу унинг учун муҳим ҳаёт-мамот масаласи эди. Умуман олганда, Оқмирза учун табиат ва одамларга тегишли бўлган номуҳим масаланинг ўзи йўқ эди. Мактабда уни яхши кўришарди. У меҳрибон одам эди, бекордан-бекорга одамларни хафа қилолмасди, болаларни-ку умуман, қаттиққўл ва талабчан бўлса ҳам ўқувчиларни ҳеч қачон бирон сабабсиз айбиситмасди. Сайд бутун умр катта ва кичик масалаларда адолат томонида бўларди, бу эътиқодини ҳеч нарса ўзгартира олмасди. Ўзининг ҳақлигига ишончи комил бўлса, табиатан самимий ва раҳмидил бўлса ҳам ҳеч кимга ён бермасди.

Мақоласи газетада чоп этилган кун Оқмирза дарслари тугагач, уйига йўл олди. Устоз оёқлари тагига хазон барглар тўкиларди, дараҳтларнинг учлари ботаётган қуёш нурларида заррин товланаарди.

– Ассалому алайкум, Сайд Умарович! – унга салом берди собиқ ўқувчиси ва қариндоши Исмоил.

– Ва алайкум ассалом, – жавоб берди истамайгина Сайд. – Аслида сен билан саломлашмаса ҳам бўлади...

– Нимага?

– Худди ўзинг билмайсан!

– Мен раҳматли онангиз раҳматли бобомнинг опаси эканини биламан.

– Буни мен сен туғилмасингдан илгари билардим.

– Нимага жаҳлингиз чиқяпти? Нимага?

– Сенга неча марта тог эчкиларини ов қилишни бас қил деб айтганман? Бу шафқатсизлик эканини тушунтирганман. Гапим тўғрими?

– Албатта, айтгангиз...

– Бу ярамасликни қачон тўхтатасан?

– Мен анчадан бери тоққа бормаяпман, – хотиржам жавоб берди Исмоил ва жиддий бўлишга ҳаракат қилди, аммо унинг жиддий сухбатга тоқати етмасди. У яхши кайфиятда эди, чунки бир неча кун тогда кезиб тўртта тог эчкисини овлаганди. Уйига ярим кечаси қайтиб келди. Онаси унга танбеҳ берганида, ҳазилга буриб қўя қолди. Чаллик дэҳқонлар ибораси билан айтганда, бу танбеҳлар Исмоил учун тог тақасининг қулогидан шамол ўтгандай гап. У Сайдга ҳеч уялмасдан ёлғон гапирди. Ҳолбуки, Сайд буни биларди.

– Сенинг ёлғонинг ўҳшамади, – деди Сайд таъна билан. – Менга ҳаммаси аён. Кеча сизларникига киргандим, онанг Ажа тўрт кундан бери йўқлигингни айтганди.

– Менинг овдан бошқа ишларим йўқми?

– Бекорчи гапларни гапирма. Кеча тўртта тог эчкисини ўлдириб қайтгансан. Сендан омадсиз, аммо худди сенга ўҳшаган қалтафаҳм овчилар уларни олиб келишингта ёрдам беришган.

– Устоз, буларни сиз қаердан билдингиз?

– Чал Москва эмас.

– Тўғри, Сайд Умарович, – таслим бўлди Исмоил, – мендай тентак қариндошингиздан жаҳлингиз чиқмасин.

– Қандай жаҳлим чиқмасин? Сен раҳматли отант юрган замин гўзаллигини ўлдиряпсан!

– Жаҳлингиз чиқмасин, Сайд амаки.

– Йўқ, жаҳлим чиқади. Қишида сен шундай жойларга чиқасанки, у ерда сени қор кўчкиси кўмиб ташлаши мумкин. Атрофдаги қояларда қор, муз, тошлар осилиб туради. У тогларга чиқсан пайтимда сен ҳали дунёга келмаган эдинг. Менга ҳар бир қоя, дарадаги ҳар бир қайрилиш, ҳар бир дараҳт, ҳар бир тош таниш, гарчи мен тог эчкиларини ўлдиримаган бўлсам ҳам.

– Мен овни ташламоқчи бўлдим, аммо уддасидан чиқа олмаяпман. Бундай қилолмаяпман, мени тушунинг!

– Шундай қилишинг керак! Иродали бўлишинг керак. Сен эркаксан. Яхши одамнинг ўғлисан.

– Мени ўлдирангиз ҳам овсиз яшай олмайман!

– Нимага? Болаларингни боқишга нарсанг йўқми?

– Нима десам экан, ов қилишни кўнглим тусаб туради. Ов қилиш ва от чоптиришни яхши кўраман!

– Истаганингча от чоптириш. Бу тоғликларга, аждодларимизга хос иш.

– От чоптириш билан кўнглим тинчимайди, мен яна ов қилишим ҳам керак, – деди тас-

лим бўлғиси келмаган Исмоил ва ҳазилни йиғиштириб жиддий қиёфага кирди.

Бир муддат икковлари жим кетиши. Сайд бу гапларни қачондир Жонхотга ҳам айтганини эслади. Ов қилиш Исмоилнинг қон-қонига сингиб бўлибди. Оқмирза буни тушунди, аммо тоғ эчкilarини ҳимоя қилиш унинг ҳам қон-қонига сингиб кетган. Энди бу масалада Исмоил эмас, тирилиб келиб Лев Толстой баҳлашса ҳам бўш келмайди.

– Нимага шундай? Ахир, сен эркаксан, – деди жимликни бузиб. – Наҳотки шундай ёвуз ишдан тўхтатишга ўзингни мажбур қила олмасанг.

– Йўқ, қила олмайман. Энди мугомбирлик қилиб, сизга ҳам, онамга ҳам, хотинимга ҳам овни ташлайман деб ёлғондакам ваъда бермайман. Овни ташлашни ўйладим. Уриниб кўрдим. Уддасидан чиқмадим.

– Қизиқ! – Сайд қаршисида овчилик жини теккан одам турганини тушуниб турса ҳам ажабланганча елкасини қисди.

– Нимаси қизиқ? – яна эътиroz билдириди Исмоил. – Мен тоғларда юришни ва ов қилишни ҳаддан ташқари яхши кўраман.

– Тоғларда юришни мен ҳам сендан кам яхши кўрмайман, аммо ҳайvonларни отишга қўлим бормайди, тўғрироғи, кўнглим йўл қўймайди. Ҳолбуки, отишни биламан. Бундан сен ҳам хабардорсан.

– Мен эса тоғ эчкilarinи отишни яхши кўраман! Сиз буни тушунмайсиз. Тоғларда ҳайvonнинг изига тушиш, унинг хатти-ҳаракатларини ўрганиш, орқасидан қувиш, айёргини ҳийла билан енгиш нақадар қизиқарли эканини билмайсиз-да. Мана яшил тоғ ёнбағрида пода ҳеч нимадан хабарсиз ўтлаб юрибди. Мен яшириниб, қорнимда овоз чиқармасдан ўқ етадиган масофагача судралиб бораман ва ўқ узаман – ба-бах. Тоғ такаси қулаганини кўраман. Мамнун бўлиб ўрнимдан турман. Пусиб эмаклаб борганимдан, нишонни бехато урганимдан хурсанд бўлиб кетаман. Нима десангиз ҳам, Сайд Умарович, овнинг гашти ўзгача-да.

– Бас қил. Ов қилиш ёвузлик, шафқатсизликдан бошқа нарса эмас.

– Ха-ха-ха! – кулиб юборди Исмоил ва одатий ҳолига қайтди, ўзини жиннилика солиб, фалати туюладиган ўқитувчисини очиқчасига масхара қилди.

– Ўз тоғида тинчгина ўтлаб юрган беозор, гўзал мавжудотни ўлдиришингни сен қандай қилиб уялмасдан завқ билан гапиряпсан. Тоғ тақасининг қояда, оппоқ чўққиларга тикилиб туриши, унинг мағрурлиги, гўзалиги, атрофидаги ҳайрат тўла оламга ўз ватанига, ўз мулкига қарагандек қарashi – мўъжиза! Сен эса буюк хаёллар огушидаги донишмандга пусиб, эмаклаб яқинлашасан, шундай мағрут жонзотта қаратади ўқ узасан. Бу ёвузликни бошқаларга қаҳрамонлик кўрсатгандек уялмасдан ҳикоя қиласан. Билсанг, бу уят ва шармандали!

– Устоз, – яна ўзини жиннилика солиб гапирди Исмоил, – сиз нега тоғ тақаси гўштидан олиб борган насибангизни олишга рози бўлмайпиз? Агар истасантиз, ҳозироқ элтиб бераман.

– Сени неча марта насиба гўшting билан кўчага ҳайдаб чиқарганман. Яна борсанг, яна ҳайдайман.

– Фалати одамсиз! Ойим ҳам шундай дейдилар... Тоғ тақасининг гўшти қўй гўштидан мазали-ку. Ҳаммангиз галатисизлар!

– Сен ҳозирги суҳбатимиз ҳақида жиддий ўйлаб кўришинг керак. Яна тақорорлайман, тоғда юриш хавфли, айниқса, қища.

– Кўрқманг, Сайд Умарович, ҳеч нима бўлмайди.

– Айтганинг келсин. Лекин Жонхотни эсла...

Улар уйларига тарқалишди. Ҳар бири ўз фикрида қолди. Уйига яқинлашаётгандан Сайднинг ҳаёлидан ўтди: Исмоилни қонхўр ва ёвуз одам деб бўлмайди. У уйида, овулда, одамлар орасида қувноқ, меҳрибон, куйинчак. Нега бунча тоғ эчкilarini отишни яхши кўради, уларни ўлдиришдан хурсанд бўлади? Демак, у тоғ эчкilarini ҳам бошқа ҳайvonлар каби одамлар уларни ўлдириши ва гўштини ейиши учун яратилган деб ҳисоблади. Тоғ эчкиси нима? Улар жонажон юртимиз гўзаллигининг бир қисми, тоғ эчkilarini асрashimiz керак, йўқса, бутунлай йўқолиб кетиши мумкин. Бу ҳақда Исмоил ўйлаб ҳам кўрмасди, эҳтимол, ақли ҳам етмас. Сайд қариндошига таъсир эта олмаслигини, унинг овга бўлган иштиёқини ҳеч нарса билан отиб ўлдириб бўлмаслигини тушунди. Бемулоҳаза қариндоши бошига ов пайтида бирон фалокат тушмаслигини тилади, чалликлар бундай фожиаларнинг жабрини тортишган, айниқса, қиши ва эрта баҳорда қор уюми қилт этган шамолдан кўчкига айланиши мумкин. Бари бир Оқмирза умрининг охиригача замин гўзаллигига зарар келтирадиган, уни қадрламайдиган кимсаларга қарши қаттиқ курашишга аҳд қилди.

Yog'di tasviri

У зулмат багрига согилган. Уни ҳосил қилган хилқат фанда ҳозиргага тўлиқ ўрганилган эмас. Унинг сирти ёргуғ, иги эса тексиз қоронгу олам. Тафаккур ҳалигага иткарисига кира олмаган. Ҳажми миллион-миллион микро миллиметрлардан ҳам кигик. Ҳатто энг замонавий компььютер заррабини ҳам унинг фақат ҳаракатини сезади, холос. Қанга замонлардан бери одамзот фикрлари унда тарқалиб, адашиб юрибди. Тезлигига бизга маълум табиатда ҳали ҳег нарса ета олмаган. У ёргулик...

Ёгду тушган қалбдан гафлат зулмати текинади. Инсон кўксидага мояқалдироқлар гумбурлайди, гақинлар гақнайди, ям-яшил майсалар униб тиқмаган жой қолмайди, булок сувлари жилгаларни тўлдиради, тафаккур тегирмони кега-кундуз тўхтосиз ишлай бошлиади.

Инсон қалби, жамият ҳамиша ёгдуга муҳтож. Ҳолбуки, атроф уларга тўлиб-тошиб ётибди...

Матолиъ ул-фохира ва матолиб уз-зоҳира

Муаллиф: Абдураҳмон Бухорий, “Тамкин” тахаллуси билан ижод қилган. Шўролар инқилобидан олдин Дор уш-шифо мадрасасида мударрис бўлган. Бўлажак шифокорларга тиббиёт фанидан таълим берарди. Абдуллаҳожа Абдий: “Ажойиб таъби бор эди, гоҳида ҳажвга ҳам киришиб кетарди”, деб ёзади ва унинг ғазаларидан намуналар келтиради¹. ЎзР Фанлар академияси Шарқшунослик институти қўлёзмалар хазинасида Абдураҳмон Тамкин Бухорийнинг бир нечта асари сақланади.

“Рубоияти Тамкин”, №136, 111 варак, 23,5x17,5 см. Муаллиф дастхати, ҳижрий 1320 йили (1902 – 1903) тугалланган.

“Жараид” (Саҳифалар), №2877 рақами билан қайд этилган, 85 варак, 25x17 см. Шоирнинг кундалик дафтари, насрый матнлар ва шеърлари ўрин олган. Ҳижрий 1323 йили (1905) ёзилган.

Баёз, №12354, бу тўпламда “ноэътибор қилма мани” радифли муҳаммаси берилган (177^б – 178^а).

* * *

Абдураҳмон Тамкин таржимаи ҳолига оид маълумот кўп эмас. Тиббиёт мадрасаси билан боғлиқ фаолияти унинг ҳаёт манзараси билан танишишга имкон беради. “Дор уш-шифо” мадрасаси Бухорода табобат соҳаси мутахассисларини тайёрлашга ихтисослашган маҳсус

¹ Абдуллаҳожа Абдий. Тазкират уш-шуаро. – Душанбе: Дониш, 1983. – Б.67-69.

Абдусаттор
ЖУМАНАЗАР,
ЎзРФА Шарқшунослик
институти катта илмий ходими

олий ўқув юрти эди. Унда учинчи даражали олий тоифага мансуб банорас тўнли мударрис дарс ўтган². Вақфли эди, ҳужжати сақланиб қолган.

Ҳужжатда таъкидланишича: “Ҳазрат Абул Музаффар саййид Субҳонқули Муҳаммад Баҳодурхон ибн ҳазрат Абул Фатҳ саййид Надр Муҳаммадхон ҳижрий 1108 йили зулқаъда ойида (милодий 1697 йил май – июнь) “Дор уш-шифо” мадрасасини қуриб битказади”³.

У пишиқ гиштдан бунёд этилган. Олий гумбазлари ва равоқлари, ички ва ташқи ҳовлиси, тиб илми ўқитиладиган дарсхонаси, ёзги масжиди ва ўн саккизта ҳужраси бор эди⁴.

Вақф ҳужжати шартига кўра, мадрасага Туроннинг икки нафар энг билимдон илфор табиби мударрис бўлиши керак эди. Қози улардан бирини мутавалли вазифасига тайинлаган. Мутавалли вақф мулки тушумидан ушр (ўндан бир) ва мударислиги учун алоҳида улуш олган. XX аср бошларида “Дор уш-шифо” мадрасаси мударрисининг йиллик маоши 55 тилла эди. Мазкур ахборотлар Абдураҳмон Тамкиннинг жамиятда эгаллаган ўрни, моддий аҳволи анчагина яхши бўлганидан дарак бераётir.

Ҳижрий 1329 йил рабиъ ус-соний ойида (1911 йил апрель) Мирзо Насруллоҳ қушбеги номига ёзилган арзномада мадраса аҳли ўқув биноси ҳолати ёмон аҳволда эканидан шикоят қиласиди⁵. Бу пайтларда “Дор уш-шифо” мадрасасида бошқа мударислар дарс берарди.

* * *

Бухоро арки қаршисидаги Болойи ҳовузга борганимда, қачонлардир ундан унча узоқда бўлмаган “Дор уш-шифо” мадрасаси ўрнини ҳам қидиргандим. У XX аср ўрталарида қаровсизликдан хароб аҳволга тушиб қолгани учун “маблағ этишмаслиги” баҳонаси билан бузиб юборилган.

Мадраса бўлганида Бухоро қальъаси деворлари қулатилмасди, манғит ҳукмдорлари хилхонаси, Сўфи Оллоёрнинг устози Ҳожи Ҳабибуллоҳ ва унинг атрофидаги улуғлар мозори булдозерларда текисланиб, ўрнига футбол майдони қурилмади...

2 ЎзР МДА. И-126. 1-1995-8.

3 ЎзР МДА. И-323. 113-3; 118. “Дор уш-шифо” мадрасаси вақф ҳужжати.

4 Айрим манбаларда у 15 ҳужра деб кўрсатилган (Асоми мадорис. – Б. 406б; Тарихи Бухоро ва таржумат ул-уламо. – Б. 12). Эҳтимол, XIX асрнинг иккичи ярмидан унинг бальзи ҳужралари бузилгандир. Бироқ Н.Хаников уларни 40 ҳужра деб ёзди (Описание Бухарского ханства. – СПб., 1843. – С.86). Ушбу мадраса ҳақида А.Ирисов, А.Носиров, И.Низомиддинов ҳамкорлигига Субҳонқулихонга багишиб ёзилган мақолада ҳам қисса маълумот бериб ўтилган. Унда мадрасанин ўн саккизта ҳужрадан иборатлиги таъкидланади ва мазкур ўқув даргоҳи “Буқъаи дор аш-шифо” деб аталади (Субҳонқулихон // Ўрта осиёлик қирқ олим. – Тошкент: Фан, 1961. – Б.93).

5 Каталог Среднеазиатских жалованых грамот из фонда института Востоковедения им. Абу Райхана Беруни Академии наук Республики Узбекистан. – Germany, 2007. №57.

بخاره بېسېر ھوا يە مۇۋات این بىدە فخرە و بېل مەجىت بىن بىقۇم
شەھىرە طېيىع دېچىنى بودا زازىزو اكشىرا و قات بىڭلۇ بۇ كىتو سىلفە
و تېرىپ امىصار و بىلدا دا سەخنەن مىخۇدم باین رجاڭىش يە مەفرۇزە
اين بىدە و ابتدادىن بىن و باقىي اين بىدە كەنم و بېسەق و قەروزە
أيشىش اين سۇد از فرقى خىال مېتىقىدە و مەسىنەت نىكىر ديدىنلەوە
رۇز بېچىپ سەجىت خەنەنەز فەضىل ئەنەن دىن بىدە مەسارەكە سەيدىم
بەرلىك زازىشان ورغا ئەن فەصل دا نىش جون موبىقىي تېرىپىشا ئەپەزىز
بۇوندۇز ماندا زىن بىڭىلەندىشىتى بود كە بەرلىك جون ئەپەزىز دەستىن

Абдураҳмон Тамкин ҳаётига уланган сатрлар бўйлаб бораётганимизда, бирдан олдимизда фахрли Бухоро “ёфулари” пайдо бўлди. Тамкин уларни “Матолиъ ул-фохира ва матолиб уз-зоҳира” деб атаган экан.

Асарнинг аҳамияти: Абу Райхон Беруний номидаги Шарқшунослик институти қўлёзмалар хазинаси асосий жамғармасида №8245 рақами билан белгиланган ягона нусхаси сақланади.

Муқоваси қизил рангли қаттиқ қофоз, тили форсий, хати настаълиқ, 455 варақ, 31x23 см, ҳижрий 1334 йили (1916) Бухорода ёзилган. Матн тузилиши, тузатишлар ва қўшимчада изоҳлар, хатнинг Тамкин кундалигидаги билан мос келиши асар муаллиф дастхати билан ёзилганидан дарак беради.

Муаллиф 19^a саҳифада асар номини келтиради ва у 44 бобдан иборат эканини ёзади. Боблар “матлаъ” сўзи билан ифодаланган. Асарнинг охирги қисми тушиб қолган. Матн ўттиз саккизинчи “матлаъ”да тугайди. Ҳар бир матлаъ таркиби намое (топиш), тажалли (кўриниш) ва шаъшаъэ (ярқ) каби алоҳида қисмлардан ташкил топган. Матнлар мазмунига кўра, асар номини ўзбек тилига “Фаҳр ёфулари ва истаклар жилвалиари” деб ўғирса ҳам бўлади. Шу тариқа битта “матлаъ” битта “ёфу”га айланди.

Асар тарихий-жўғрофий китоблар туркумига киради. Айрим мутахассислар муаллиф уни ёзишда бирор қатъий қоидага амал қилмаган, деб ҳисоблашади. Маълумотлар – “ёфу”лар (матлаъ) мунчоfigа тизилган. Шу тариқа муаллиф иирик ҳажмдаги ахборотларни ўзига хос йўл билан тартибга солишига уринади.

Абдураҳмон Тамкин “Матолиъ ул-фохира” асари ҳижрий 1334 йили (1915 – 1916) Амир Олимхон ибн Амир Абдулаҳадхон даврида ёзилганини

таъкидлайди (19^a). Биринчи “матлаъ” кутилмаган тарзда таллол, теба, тубалар тарихи баёни билан бошланади. Теба, тубаларда қабрларнинг пайдо бўлишига оид қизиқарли маълумотлар беради (28^b). Бу туркумдаги анъанавий китобларни ўқиб, тадқиқ этишга ўрганиб қолган тадқиқотчи учун мазкур ҳолат ажабланарли туюлади.

Аслида бу ерда таажжубланадиган ҳеч нарса йўқ. 1870 йиллардан мамлакатда матбуот соҳаси шакланиши муносабати билан оммага ахборот етказишнинг янги воситалари ва усуллари пайдо бўлганди. XX аср бошларида жадидларнинг маърифий ҳаракати, дунёни англашга интилиши натижасида Туркистон ўқувчиси учун дунё анча кенгайганди. Тарих ёзиш, ахборот етказиш йўналишидаги анъанавий қарашлар янги ижтимоий муносабатлар асосида қайта шаклланади. Шу ҳолат Абдураҳмон Тамкин асарида ҳам сезилади. Асарда кутилмаганда тепаликлар тарихининг пайдо бўлиб қолиши шуларнинг таъсиридан эди.

Муаллиф ўн олтинчи “матлаъ”да (116^b) Овруподаги Исландия, Италия, Сербия, Туркия каби давлатлар ва бир қанча шаҳарлар, Японияда содир бўлган тўфон ҳақида ахборот беради. Милодий 1783 санада содир бўлган дунё воқеаларидан сўзлайди, жаҳонда рўй берган муҳим воқеалар ва саналар жадвалини келтиради (121^b-122^a). У йилини ифодалашда биз ўрганиб қолган “милодий” атамаси ўрнида “масиҳий”, “исавий” сўзларини қўллайди.

Асарда Бухоро шаҳри ва туманлари, машҳур тарихий масканларга оид берилган тарихий маълумотлар қимматлидир. Муаллиф Бухоро шаҳрида қадимда 360 гузар бўлган, дейди. 1334 йили (1915 – 1916) уларнинг сони 200 атрофида эканини кичик гузарлар қўшилиб, каттариши ва битта ном билан аталаши орқали изоҳлайди. Масжидлар, хонақоҳлар, мадрасалар тўғрисидаги хабарлари бу йўналишга тегишли тарихий ҳужжатларни тадқиқ ва талқин этишда тадқиқотчига катта кўмак бўлади.

Бухоро туманлари марказлари, қишлоқлар ва уларда истиқомат қилаётган қавмлар, аҳоли сони, зиёратгоҳларга тааллуқли ахборотлари аҳамияти Бухоро шаҳрига тегишли хабарлардан сира кам эмас. Бу фикр Бухоро давлатидаги Кеш, Насаф, Чагониён, Ҳисор каби вилоятларга доир маълумотларга ҳам тегишлидир.

Муаллиф Самарқанд шаҳри тарихига ҳам тўхталади (266^a-269^a). У: “Самарқанд шаҳрини араб қавмидан Самар ибн Африқаш истило қилгач, унинг девори ва иморатларини ер билан битта қилиб текислаган. Шу сабабдан “Самарқанд”

номи билан машҳур бўлган. Араблар арабийлаштириб “Самарқанд” дейишган”, деб ёзади (267^a).

Абдураҳмон Тамкин “канд”ни форсийдаги “кандан” (ковламоқ, кўммоқ, текисламоқ) сўзидан олингани ва шаҳар номи “Самар текислади” маъносини англатишига ишора қилаётир. Бу талқин тарихий жиҳатдан ўзини оқламаса-да, қизиқарлидир. Айни пайтда, у XX аср бошларида мамлакат зиёлиларининг илмий даражасини ҳам кўрсатиб туради.

Асарнинг Турон дарёлари баёни қисмида “Жайхун” номи форсий “жўйи хун” (қонли сув) иборасидан олингани ривоятлар асосида талқин этилади. Муаллиф: “Амуя суви барча дарёлар орасида энг ширин, ҳузурбахш ва шифобахш, танга қувват берувчи”dir, дея таърифлайди. Абуллайс Самарқандийнинг: “Сайхун, Жайхун, Дажла ва Нил жаннат дарёлари”, деган сўзларини келтиради (83^a). Жайхун ва Сайхун, уларни шакллантирадиган дарёлар, улар атрофида шаҳарлар ҳақида батафсил маълумот беришга ҳаракат қиласи (87^a-90^b).

Асарда темурий, шайбоний, аштархоний ва мангит ҳукмдорлари ҳаёти, уларнинг бунёдкорлик ишлари, улар даврида мамлакатда амалга оширилган қурилишлар, сиёсий жараёнларга доир тафсилотлар кўп учрайди.

Камчиликларига қарамай, муаллифнинг ўз даврига оид маълумотлари жуда қизиқарли ва қимматлидир. Ахборот етказиш услуги фарқ қиласа-да, муаллиф Истаҳрий, Ибн Хавқал, Муқаддасий, Нажмиддин Умар ан-Насафий, Абдукарим ас-Самъоний, Дарвеш Муҳаммад Балхий сингари муаллифлар йўлини давом эттирган.

* * *

Ёғду тавсифига киришганимда, бу асар ҳақида сўз юритишни назарда тутмагандим. Кўп вақтдан бери мени ёғду, нур табиати, уни ҳосил қиласидиган хилқат қизиқтираси эди. Унга ҳар сафар сатрлар орқали яқинлашишга уринардим. Бу гал сатрлар “Матолиъ ул-фохира” – “Фаҳр ёғдулари” маконига тулашди. У китоб эди. Бир улуғ юртнинг шарафли ўтмишини кўриш, унутилган шонли қавмни танишга кўмак берадиган ёғдулари бор яна бир китоб.